

# 南京文獻叢刊

第十八號

民國三十七年六月



張 鉉 :

至正金陵新志(九)

秦際唐 :

南岡草堂墨餘集

陳熙春 :

詩法撮要

南京市文獻委員會  
通志館印行

金陵新志卷之九

學校志總序

洋洋乎禮樂之爲教哉。其本貫於人之性情。其用起於飲食語默閨房閭巷。而達於冠昏喪祭宗廟朝廷之上。其儀章度數整齊之節。則學士大夫。世守其說。以訓天下後世。然古之君人者。曷嘗不以身爲訓哉。詩曰。於論鐘鼓。於樂辟雍。則文王之學教以樂也。又曰。敬慎威儀。維民之則。明魯侯之頻宮。教以禮也。禮樂明備。幸於上下。則天地以合。日月以明。四時以成。萬物以昌。故君子之教人於學也。使之耳聞雅頌之音。目視威儀之禮。足行恭敬之容。口言仁義之道。則邪惡之心。自而起。邪僻止而習俗美。習俗美而王道成矣。然則教道隆汙。視時升降。秦人廢學校。燔詩書。不旋踵而亡。漢武帝之時。禮壞樂崩。缺有間。而能黜百家之言。尊六經之教。文治由是興焉。晉書注左。歷宋齊梁陳。日尋干戈。而其衣冠禮樂。盛於諸國。本之學校之益爲多。日唐以降。惟宋氏以文治比隆三代。其損益尙尙。咸可觀效。我朝初有中夏。首用許文正公。開設學。示天下以禮教之端。承平百年。自公府州縣。以及閭巷。士民咸得宗祀先聖先師。設學以教。士習益彬彬焉。而集慶董以行臺。官守恪勤。他郡莫及。原化理。徵文獻。作學校志。

歷代學校沿革

前志稱秦伯。以至德。吳。後有季子。聖門子游。始北學。(里人也)漢史刺史黃霸。爲揚州三載。所至百姓向化。孝子悌弟。貞婦順孫。日已衆多。田者畔。道不拾遺。獄無重罪。吏民向教化。行誼。何武行部所至。先即學官。見諸生。試其誦論。問以得失。然後入傳舍。出記問。舉口頌頌。穀美惡已。乃見二千石。先武時。李忠爲丹陽郡太守。起學校。習禮容。春秋鄉飲。選用世經。郡中向慕吳主草。披攘猶覽書史子籍。勸武將讀書。(呂蒙

（其）臣貴登輔相。猶樂教誨。（步隲）景帝詔置學官。首立五經博士。（永安元年詔曰。古者建國。教學爲先。所以道世治性。爲時養器也。自建興以來。時事多故。吏民願以目前趨務。去本就末。不循古道。夫所尚不淳。則傷化敗俗。其按古置學官。立五經博士。核取應選。加其寵祿。科見吏之中。及將吏子弟。有志好者。各令就業。一歲課試。差其品第。加以位賞。使見之者樂其榮。聞之者羨其譽。以敦王化。以隆風俗。）晉都江左以來。朝臣皆備雅風。篤厚。學益興矣。永嘉初。王導上書元帝曰。夫風化之本。在於正人倫。人倫之正。存乎設庠序。庠序設。五教明。德禮洽通。華倫攸敘。而有恥且格。父子兄弟夫婦長幼之序。順而君臣之義固矣。方今戎虜煽熾。國恥未雪。忠臣義夫。所以扼腕拊心。苟恥爲膠固。淳風漸著。則化之所感者深。而德之所被者大。使帝典闕而復補。王綱弛而更張。獸心革面。鸞鏡檢情。掛讓而四夷服。緩帶而天下從。得乎其道。豈難也哉。故有虞舞干戚而化三苗。魯僖作泮宮而服淮夷。桓文之霸皆先教而後戰。今若聿遵前典。興復道教。擇朝之子弟。並入於學。選明博修禮之上。而爲之師。化成俗定。或尚於斯。帝納其言。建武初。征南軍司戴邈復上疏。請篤道崇儒。以勸風化。帝從之。始立太學。江東大饑。詔百官各上封事。益州刺史應詹疏曰。元康以來。賤經尚道。以玄虛宏放爲夷達。以儒行清儉爲鄙俗。宜崇獎儒宮。以新治化。大興三年。皇太子釋典於太學。咸康三年。國子祭酒袁瓌。太常馮懷。以江左寢安。請興學校。帝從之。立太學於秦淮水南。廢丹陽郡。城東南。徵集生徒。而士夫習尚老莊。儒術終不振。太元十年。尚書令謝石。請復興國學於太廟之南。宋元嘉十五年。立儒學於北郊。命雷次宗居之。明年又命丹陽尹何尚之立玄學。著作郎何承天立史學。司徒參軍謝玄立文學。（宮苑記。儒學在鍾山之麓。時人呼爲北學。今草堂是也。玄學在雞籠山東。今棲玄寺側。史學文學。並在耆閣寺側。）二十七年罷國子學。而其地猶名故學。齊竟陵

王子良開西邸。延才俊。遂命爲士林館。(西郊在雞籠山。)梁大河六年。於臺城西。立士林館。延集學者。武帝初好儒術。其侍尊信佛法。講譯內典。而士林輕矣。南唐跨有江淮。鳩集典墳。特置學官。濱秦淮。開國子監。(今鎮淮橋北御山東舊比較務卽其地。里俗呼爲國子監巷。)宋雍熙中。有文宣十廟。在府西北三里冶城故基。天聖七年。丞相張士遜出爲太守。奏徙廟於浮橋東北。建府學。給田十頃。賜書一監。景祐中。陳執中又徙於府治之東南。卽今學基。建炎兵燬。紹興九年。葉夢得更造學校。西京例奏增設教官一員。作重修府學記。見前志。淳熙四年。劉珙重修。慶元二年。張杓建閣以奉御書。閣下建議道堂。稍重釋典禮。儲典籍。增餼廩。文風大振。淳祐初年。劉之傑增修學宇。六年。趙以夫卽命教堂。更名明德。增造兩廊。以妥從祀。十年。吳淵列祠先賢。增學廩。創義莊。寶祐中。馬光祖興學校。舉校廉集周漢以來名賢贊而祠之。士氣興焉。今學規模率倣前制大成殿。在櫺星門北戟門內。從祀位在兩廊。御書閣在明德堂後講室。卽今明德堂。議道堂在御書閣下。齋舍東序三。曰守中。曰進德。曰說禮。西序三。曰常德。曰育才。曰興賢。祭器庫二。一在大成殿前東廊之內。一在御書閣東偏。公廚在東序後。射圃在義莊倉西有亭。名釋思。後改正己堂。

#### 置經籍

宋。聖中。賜監書。紹興初。賜石經。宋末帥闔師儒收貯。其所藏自御書石經經書史書子書理學書文集圖志類書字書法書醫書。書板石刻卷帙以千數計。歸附後。兵火散失。蕩無一存。詳見前志。

#### 增學計

天聖七年。始建學。朝廷給田十頃。其後續有增撥。至靖康增至三十八頃五十七畝。房廊七

十一間。及酒坊三處。歲收錢一千八百二十四貫有奇。至紹興一十八年。以秦中王所送錢一萬貫。續置到田一千八百九十畝。其後本府。又有增撥。至於景定田地之所熟者。共九。三百八十畝。一畝六十步。坊場之所熟而三歲入錢二萬四千餘貫。銅山坊。在江寧縣。銀林坊。鍾山坊。皆在溧水縣。廣場之所熟者。二歲入錢四千三百餘貫。白鷺洲一所。計一。五頃三十八畝有奇。木瓜洲一所。計六百畝有奇。通而計之。歲入米三千八百八十餘石。菽麥四百石。錢四萬一千餘貫。柴薪絲麻之入不與焉。會計石籍。記載有碑。皆掌於學。提督錢糧。則通判東廳之職也。

立義莊

義莊創於淳祐辛亥。退菴公淵守金陵時也。是年四月。府有牒報學。其略曰。當何昨。四明府學。有義莊一所。每年收到租課。凡簪纓之後。及見在學行。供貧賜學。遇有吉凶。於內支給贍助。心甚慕之。建康府士子貧窶者多。或遇吉凶多關支用。尤可憫念。今第錢五十萬貫。回賃到制司後湖田七千二百七十八畝三角二十八步。歲入米三千三百石。次麥一千。發下本學置簿椿管。如委的簪纓之後。及見在學行供職中生員。有吉凶。請具狀報學。保明申上。給米八石。麥七石。米每石折錢三十六貫。麥每石折錢二十五貫。本學發贍田上。舊租米麥解到價錢一十二萬餘貫。發下提督府學錢糧廳。照應均收。自五月為始。照規支給。仍將後湖田地畝步。明確入籍。自本年夏料為始。經自拘擇。學催租課於廣濟倉寄庫椿頓。本學養士錢米。不相干涉。牒學照冊施行。仍示士子知悉。府學回申八項。一欲就本學空閑地段設倉收椿米麥。一欲就學庫旁令夾截一庫收春錢會。一欲專及士著。不及遊學之人。一欲將到殿入學赴任人。委係貧窶者。照吉事例。併與周給。一欲立因禮支助之例。惟祖父母自身親兄弟妻子事故者當給。不許以疎為親。以無為有。妄陳苛待。一欲請教授同正錄。

直學五員。親到倉庫。同收同支。受人親書交領。置簿登載。歲終有會。一欲置租課總簿。催銷季終有會。一欲將田畝籍冊。及義莊始末。並刻於石。以垂永久。五月二十二日。府牒並從申行。至次年二月。又牒勘會。本府昨置立義莊。如委係簪纓之後。及見在學士著行供職學生員貧簪者。或有吉凶。本府學保明申府。給米八石。麥七石。米每石折錢三十六貫。麥每石折錢二十五貫。則例雖已立定規模。尙未爲廣。自今月二十六日爲始。如是他處遊學士人。見在本學行供。或在六府寓居。雖非士著。如有吉凶。併與一併支給。兼照舊人人申府。亦恐煩瀆。今專委西廳通判提督。如遇有陳乞之人。卽請本學契簿。請實保明。明具申提督廳支給。牒學施行。

設官

教授二員。分東廳西廳。散官皆從仕進功文林等郎。自紹興二十八年。迄開慶元年。有題名記。見前志。

建書院

明道先生程子。事見程子書及先賢傳。師濂溪先生周子。得孔孟以來不傳之學於遺經。嘗爲上元主簿。且攝縣事。政教在人。思之不忘。淳熙初。忠肅劉公珙祠先生於學宮。朱文公爲之記。紹熙間。主簿趙師秀來居其官。卽廳事西偏。繪像祠之。嘉定乙亥。主簿危和。請於太守劉渠。於簿廡之東。得餘轄舊廡之地。改築新祠。部使者西山真公秀。捐楮二十萬。粟二千斛以助之。未幾。李公珏來繼劉公。咸相其役。前護重門。中儼祠像。扁其堂曰春風。上爲樓。旁二塾。曰主敬。曰行恕。名其泉曰澤物。表其坊曰尊賢。旣成。率郡博士及諸生行釋菜禮。自是春秋仲丁率爲彝典。置堂長及職事員。延致好修之士。西山嘗記其事。未幾。廢爲軍儲賓寓之所。淳祐己酉二月天大雷電。書閣忽災。郡守吳淵更創之。閣似舊益偉。

。卜爲春風堂。聘名儒以爲長。招志士以共學。廣齋序。增廩稍。做白鹿洞規。以程課講。士趨者衆。理宗聞而嘉之。親書明道書院四大字爲額。與四書院等。寶祐內辰。郡守馬光祖得西山勒碑於瓦礫中。重刻之。開慶己未。率僚屬會講於春風堂。聽講之士數百。乃屬山長修程子書。刻梓以授諸生。給田增廩。而教養之事備焉。祠堂居中三間。廣四丈。深三丈。中設塑像。榜曰河南伯程純公之祠。東西兩廊。合一十五間。御書閣在春風堂之上。五間廣八丈。深四丈五。藏御書經籍。春風堂在祠堂後。七間廣十丈。深五丈。取朱公揆見明道先生謂人曰。春風中坐了一月之語。燕居堂在主敬堂後。尙志齋三間在主敬堂前。東序兩明善齋三間。在主敬堂前。西序兩。敏行齋三間在主敬堂前。東序北。成德齋二間在主敬堂前西序北。續添省身齋。在春風堂前左。養心齋在春風堂前右。大門屋二間。廣四丈四尺。深一丈八尺。左右設柅。繚以垣牆。帥府累增撥到田產四千九百八畝三角三十步。(上元縣徐提舉等三戶。佃田七十三畝。又三十八步。地二十一畝一角。江寧縣邵仁等一十戶。佃田七十七畝三十八步。句容縣臧自德等四十一戶。佃田三百八十六畝二角四十三步。地一十二畝一角二十七步。溧陽縣楊省四等一十八戶。佃田產四百九十二畝二十八步。)歲入米一千二百六十九石有奇。稻三千六百六十二斤。菽麥一百一十餘石。折租錢一百一十貫七百文。又有白地房廊錢。(常州宜興縣管下房貸。歲收見錢八十口貫九百文足。王監場獻到白地房廊三頃。右南廂丫頭巷北街白地賃錢官減外。日收一貫一百四十文足。崇道橋南馬司寨前白地賃錢官減外。日收四百二十五文省。係七十陌。雞行街魚市街羅行口房廊賃錢官減外。日收二百六十文省。)本府每月撥下贍士支遣錢五千貫。十七界官會。并蘆柴四十束。凡錢糧官掌其出納。所支供奉有差。歲終有會。(月俸。山長一百貫、錢糧官二十貫。堂長一百貫。米二石。

堂錄六十貫。米一石五斗。講書五十貫。米一石五斗。堂賓二十六貫。米一石二斗。直學二十四貫。米一石二斗。講賓一十七貫。米一石二斗。司計一十三貫。米一石二斗。掌書一十五貫。米一石二斗。掌詞一十四貫。米一石二斗。齋長一十貫。米一石。正供生員。每名五貫。醫諭米七斗。日供職事生員。米二升五合。造食錢三百文。山堂長貼食錢七百元。堂錄講書貼食錢五百文。堂賓至齋長貼食錢二百文。照親書食簿支送。不行供者不支。宿齋職事生員。每夜支油錢二百文。堂長堂錄講書。每夜支油二兩。不宿齋者不支。寒月送炭。自十月初一日爲始。至正月終任支。行食宿齋者全支。不宿齋者半支。凡支錢。並用十八界官會。凡支米。並用文思斛斗。官設山長。制置司幕官兼。後始朝除。

南軒書院。祠南軒先生張栻。本設精舍。後移城東。爲今書院。淳祐三年杜杲記曰。天禧寺側屋六七楹。曰南軒。實先牛講習之地。日就傾圮。甚至春秋爲游宴之所。杲昨在江淮幕下。猶扁閉公闕。心竊念之。告之長而莫之聽。茲冒闖事。比至不可舉目。於是治葺之。繪像於中。巖石琢詞云。景定志。天禧寺方丈後。張宣文讀書處也。真文忠公爲轉運使。建祠屋於舊址。其後總領所以爲權酷之場。知府杜杲。爲屋六七楹。撥田百畝爲祀事。咸淳中。馬光祖建一堂求仁任道明理潛心四齋。極高明。樓爲屋九十二間。關路前除。命兩校湖望虔謁。又撥田四十畝入焉。歸附後。附於城東儀賓館。在明道書院西南。茅山書院。按慶元志。天聖二年。知府王隨奏處士侯仲遺於茅山營葺書院。授生徒。積十餘年。自營糧食。望於茅山齋糧所剩莊田內。給三頃。充書院贍用。從之。事見垂拱元龜。後不詳何年廢。今額在鎮江路。

#### 置縣學

（上元縣學）在縣治西。景定二年。鍾知縣裴英達。梁椅撰記。



(江寧縣學)在縣治北。景定四年。王知縣鍾建。楊巽撰記。

(句容縣學)始建於唐開元十一年。在縣衙東。宋開寶中修。皇祐二年七月。太常博士方峻再建。元豐二年。以縣南簡驛改造。紹興壬申。淳熙己亥重修。寶慶丙戌易民地築牆垣。左右疏池。明年建濂溪祠。道伊川三先生祠。與石刻亭對。有石宰記。

(溧水縣學)唐武德元年。建中聖文宣王廟。在縣東三十步。宋熙寧二年知縣顯杞。遷於通濟橋東南。建爲學。紹興六年重修大成殿。并建講堂齋舍。三十年重修。隆興二年。知縣李

衡增員養士。淳熙十三年冬。重修講堂。明年夏。重修南廡。紹定二年。始建尊道堂於命教堂後。嘉熙四年。建小學於戟門右。淳祐五年。重修大成殿。六年。創釣菴亭於尊道堂後。臨

淮水。七年三月。重建戟門及櫺星門。東西兩廡。十二年建齋舍二十二間。寶祐元年重修命教

尊道二堂。創學廡於兩廡。立命教堂。榜曰明倫。景定元年。重修大成殿。及東西兩廡。作亭於櫺星門外。易易臨卦象。俾辭榜曰教思。前後縣大夫皆以興學爲務。故溧水文風最盛。貢

壘爲多。有周應合記。

(溧陽縣學)後漢光和中。溧陽長潘乾管立校官。其碑銘尙班班可讀。紹興中。喻仲遠尉溧

水。得片碑於同埭湖之傍。(湖石今溧水州界)其地在當時必縣治也。唐有縣合柳均。興學

校。養生徒。其事見於斷碑。淳化五年。縣令夏侯建宣聖廟於縣西門外。(其地卽今西門內廣濟行祠)皇祐四年。知縣查宗閣移學於縣城東南隅。崇寧中。增廣齋舍於學前。卽高

爲堂。曰揚秀。大觀三年。建閣曰折桂。建炎末。潰兵撤屋爲營。唯餘大成殿。紹興十八年

初。知縣施祐因舊址興創。二十年。重加葺治。嘉泰中重修。仍建待聘軒於德化堂之後。嘉定

初。建濂溪明道伊川龜山四先生祠。及櫺星門。有興能觀光尙志麗澤四齋。十三年。知縣陸

子通重修齋廡。登階庭。立楊忠襄公祠堂。增置祭器書籍及學廡。改造庖廡。學前臨溪。創

關射圃。養士之計。時有增益。各縣主學。景定三年始設。以特奏名授文學出官者充。其祿同主簿尉。班在主簿尉下。主簿尉非正科。則下主學。(以上詳見前志。)

祀先賢

祠堂四所。在府學與祀者二十六人。

濂溪先生周文公 明道先生程純公 伊川先生程正公 晦庵先生朱文公

右四先生 在大成殿東。

丞相范忠宣公 丞相呂文穆公 一拂先生鄭介公 通判楊忠襄公

丞相周文忠公 南軒先生張宣公 勉齋先生黃文肅公 壹是先生吳正肅公 西山先生真文忠公

右九位。在大成殿西。

太師魯國顏公 丞相李文定公 中書傅獻簡公 少保馬忠肅公 樞密包孝肅公 尙書張忠定公

右六位。在明德堂東。

丞相趙宗簡公 丞相張忠獻公 丞相呂忠穆公 丞相陳止獻公 尙書黃公 樞密劉忠肅公

樞密丘公

右七位。在明德堂西。

傳志府學祠堂。初惟二所。東祠明道先生。蓋爲道學之宗。而管主上元簿也。西祠忠肅楊公。蓋嘗爲建康倅。而死節建炎者也。淳祐中。增立諸祠。臨邛魏了翁有忠襄楊公祠記。先賢祠堂一所。在府學之東。明道書院之西。青溪之上。馬光祖建立。白周漢而下。與祀者

四十一人，各有讚。

至德讓王吳太伯（初逃句曲山中）越相國范蠡（築越城在長千里）

漢嚴先生子陵（名光。結廬溧水縣。）漢丞相忠武侯諸葛孔明（名亮。往來說吳。又勸

孫權定都。）

吳輔吳將軍婁文侯張子布（名昭。宅在長干道北有張侯橋。）

吳將軍南郡太守周公瑾（名瑜。周郎橋在句容縣。）

吳侍中尚書僕射是子羽（名儀。宅在西明門。）

晉太保睢陵元公王休徵（名祥。墓在江寧化成寺北。）

晉平西將軍孝侯周子隱（名處。子隱臺在鹿苑寺。）

晉太傅丞相始興文獻公王茂弘（名導。宅在烏衣巷。）

晉太尉大司馬長沙桓公陶士行（名侃。事見石頭城。）

晉侍中驃騎將軍忠貞公卞望之（名壹。廟在冶城南。）

晉太傅廬陵文靖公謝安石（名安。宅在烏衣巷口。）

晉車騎將軍獻武公謝幼度（名玄。別墅在七山下。）

晉右將軍會稽內史王逸少（名羲之。事見冶城樓。）

晉中領軍光祿大夫吳處默（名隱之。茅屋故基在城東。）

宋徵君雷仲倫（名次宗。開館雞籠山。號北學。）齊真簡先生劉子珪（名獻。居檀橋。）

齊諸王侍讀陶通明（名弘景。居茅山。）梁昭明太子蕭德施（名統。書臺在定林寺後。）

唐太師刑部尚書魯公顏清臣（名真卿。昇州刺史。）  
唐翰林供奉李太白（名白。往來金陵。具載本集。）  
唐山西西漢節度參謀孟東野（名郊。溧陽尉。）  
南唐司徒致仕李致堯（名建勳。賜號鍾山翁。）  
南唐內史舍人潘佑（見江南錄）  
太師徵國文公朱元晦（名熹。淳熙除山東轉運。）  
樞密使濟陽武惠王曹國華（名彬。開寶昇州行營統帥。）  
尚書忠定公張復之（名詠。祥符知昇州。再任。）  
中丞恭惠公李幼幾（名及。淳化昇州  
觀察推官。）  
樞密孝肅公包希仁（名拯。天聖知江寧府。）  
丞相忠宣公范堯夫（名純仁。治平江東運  
判。）  
宗正寺丞純公程伯淳（名顯。嘉祐上元主簿。）  
監安上門鄭介夫（名俠。清涼寺有祠。）  
少師龍圖學士文靖公楊中立（名時。營家溧陽。）  
恭政莊簡公李泰發（名光。紹興宣撫使。）  
太師丞相魏國忠獻公張德遠（名浚。紹興留守都督。）  
祕閣忠襄公楊希稷（名邦乂。建炎知溧陽縣。遷通判。）  
太師丞相雍國忠襄公虞彬父（名允文。紹興督府參謀。）  
安撫殿撰宣公張敬夫（名栻。督府機宜文字。）  
太師正肅公吳勝之（名柔勝。生於金陵  
。太師參政文忠公眞希元（名德秀。嘉定江東運使。）

右祠有周應合作記。按閩士陳宗上制置姚希得書。略云。宗支郡底僚。濫叨幕議。日過閣適。值制幕諸丈。以乞修飾下祠爲請。宗謂此旌表往賢。以激勵今士道。卞。晉人也。其死節固可有稱者。然已有祠矣。修不修。未害也。本朝蘇文忠公。其雄文博學廉行直節。爲今古所宗。其他言動。靡不秀拔。藝能靡不絕出。青溪祠先賢。凡四十一人。皆以其生於斯。任於斯。居且遊於斯者。乃獨捨文公而不祠焉。斯非一大闕典乎。我橘翁制使先生。夙弭憲節。是修梁巍棟。峻閣深堂。以奉文忠廟貌。洒掃有卒。職掌有士。至今過者。儼然如見。於此祠例爲先生憩棠。斯事之闕。固在前人。而補闕之機。則在今日。此一段公案。何以異於贛祠。先生慨然曰。前人之闕乎此者。豈不知文忠之遊於斯邦。子宜搜其往迹。比成佳話。正恐缺不止是也。宗拜而退。退而尋諸篋中。則僅有文忠詩焉。見文忠在金陵爲詩。凡十有五篇。其一篇序曰。卞歲九月二十七日。在黃州生子。名邁。小名幹兒。顧然穎異。至今有七月二十八日。病亡於金陵。作二詩哭之。又四絕句。則曰。次荆公韻。末一篇。則曰。周王勝之遊蔣山。其他次葉致遠韻。釋者曰。致遠投東坡詩。正証介甫於金陵也。次裴維甫韻。釋者曰。維甫解石於秣陵也。次段縫韻。釋者曰。縫家居金陵也。不特此也。紹聖元年。又至金陵。得鍾山泉公書。寄詩爲謝。并贈和老詩。又不特此也。建中靖國元年。自海又至金陵。又次韻清涼老詩。此則文忠經行金陵吟詩之最著者也。邵子文聞見紀錄一事。朱晦能載蘇文忠言行曰。王介甫與蘇子瞻初無隙。呂惠卿忌子瞻才高。輒問之。中丞李定。亦介甫客也。不服母喪。子瞻以爲不孝。作詩詆之。定以爲恨。劾子瞻作詩誹謗。遂下御史獄。謫居黃州。後移汝州。過金陵。見介甫甚款。子瞻曰。軾欲有言於公。介甫色動。意子瞻辯前日事也。子瞻曰。軾所言者。天下事也。介甫色定曰。姑言之。子瞻曰。大兵大獄。漢唐滅

亡之兆。祖宗以仁厚治天下。正欲革此。今西方用兵。連年不解。東南數起大獄。公獨無一言以救之乎。介甫舉手兩指示子瞻曰。二事皆惠卿啓之。安石在外安敢言。子瞻曰。固也。然則在朝則言。在外則不言。事君之常禮耳上所。以待公者非常禮。公所以事上者。豈可以常禮乎。介甫厲聲曰。安石須說。此則文忠經行金陵事迹之最偉者也。其題長短句於賞心亭。著觀音頌於崇因寺。至今碑刻。人多摹之。此則文忠經行金陵。墨蹟之尚有者也。而闕之可乎。文忠懷歐陽文忠之詩曰。先生經行處。草木皆可敬。在今亦當云然。安有祠諸賢而不祠文忠者乎。亦當時區處祠事者之偶遺耳。或者曰。建康志亦載邵子文見聞錄矣。宗曰。公於元豐三年。正月謫黃。七年二月移汝。由汝至金陵。今志載是事於元豐三年。則是當時乘筆之士。猶且於此疑惑。其不知文忠之遊金陵可知也。非有意闕而不書也。猶幸景祠。初定初四十二人欲祠前制使馬裕齋之大父野亭。裕齋曰。野亭自有祠於漕司矣。此不必列。賢哉是言。可以觀君子之所存矣。天其或者。將補文忠之闕於今乎。抑常時議者之說。雖沮於裕齋。猶曰。今祠位尙虛其一。後之君子。當有列野亭於北祠以備其闕者。吁。夫亦漫言耳。後之君子。亦惟有成裕齋之美。而行裕齋之言耳。今欲鉤慈。行下有司。逕以此祠居文忠之像。以世代之先後。定時賢位次。文忠與程純公同時。純公亡在元豐八年。行年五十二。時文忠方年五十。小純公二歲。合在純公之次。中間鄭介公。亦當時人。年事狹難契勘。但介公係文忠門生。官亦甚小。則文忠合在介公之上。至如涓剛奉祠。厥有典事故。非底之所敢僭。而文忠之讚非先生之大手筆。則無以發明而振舉也。宗曰。太學生。與陳宜中黃鏞劉黻等攻史嵩之。丁大全被斥。丁敗後。登第擢制司幕官。故有是書云。轉運司有丞相忠宣范公祠。參政文忠真公祠。顏魯公祠。(在句容縣。)

一拂先生鄭介公祠。(讀書清涼寺。登第詆執法。被謫還鄉。所存惟一拂耳。)

南軒先生祠。(在天禧寺方丈後。先生舊讀書處也。)

忠肅劉公祠(淳熙二年大旱。劉公琪賑濟有方。五縣令共繪像祠之於蔣山東廡。)

馬莊敏公祠(一在城隍廟東廡。一在報恩光孝觀東廡。今存市西水西門東嶽廟青溪上。四祠並廢。)

歷代貢士

貢額

晉元帝初制。揚州歲舉二人。宋制。丹陽郡歲舉二人。隋制。蔣州歲貢二人。唐制。

昇州歲貢三人。(有才能者無常數。)宋中興初。建康府解額一十名。紹興二十六年。增

作一十一名。端平元年。特增兩名。共以一十三名為額。

貢院

(建康府貢院)在青溪南秦淮北。卽蔡侍郎寬夫宅舊址。乾道四年。留守史正志建。紹熙三年。

留守余端禮修廣。嘉定十六年。端禮之子麟守。撤而新之。陳天麟楊萬里嘗爲記。

(轉運司貢院)舊皆寓試僧寺。嘉定九年。真文忠公德秀始建貢院於青溪西。(是歲習庵陳

墳。首薦漕闈。明年爲禮部進士第一。)

進士題名。自慶歷二年張識。至開慶元年平天祐。凡一百一十六人。李琮余栗卒同段拂秦檜

□□□□臣巫伋吳淵吳潛等皆預。詳見前志。

崇學校

路學

初定制。路府州縣正官。提調學校。路學設教授一員。主管錢糧教育等事。教授學正學錄各

一員。主提調課講。糾正學務。大學小學分齋。視錢糧多寡。禮誨教導。訓誨生徒。又設正學職員八吏。分掌出納錢穀禮器文籍。建康路自至元十二年歸附。因前宋府學差官主教。尋設教授。又設江東道儒學提舉司。(居前宋教授東廳。今爲倉及學錄廨。西廳爲教授廳。學正所居。卽宋射圃提舉司。沿革見前官守志。)至元三十一年。詔學校之設。所以作成人材。仰各處正官教官。欽依先皇帝已降聖旨。主領敦勤。嚴加訓誨。務要成材。以備擢用。仍仰申書有議行貢舉之法。其無學田去處。量撥荒閑地土。給贍生徒。所司常與存恤。大德四年秋八月。廟學災。惟尊經閣及二教授廳存。七年。總管陳元凱。府判百壽。推官韓居仁高仁。與教授趙由障協力節費。重構周園廊廡齋舍。先賢祠。教官直舍。倉庫庖福。內外一新。復置大成樂器。行臺監察御史楊演撰記。(建業榜江淮。帶湖海。自六朝爲郡邑。民物浩繁。人材輩出。實士林之淵藪也。越至元乙亥。臬元渡江平宋。四海混一。欽惟聖天子體通御歷。以人文化天下。屢頒明詔。崇貴孔祀。聘學養士。太平之風。超越前代。大德庚子秋八月。廟學火。惟尊經閣僅存。正經籍脫灰燼之厄。斯文未喪。天實相之。明年春。行臺御史徹理公。闢學校之焚燬。慨然謂僚屬言。茲風化之本源。我輩職宣風化。不致力興復可乎。乃勸諭巨姓出私錢。代公帑。創建正殿。郡人王進德卽嚮風慕。以構講堂。府推韓居仁。圖其規制。指授面畫。極其輪奐。餘役有所。逮癸卯總管陳侯元凱下車。身任之。商文儒趙由障來主教席。遂同志協謀。節浮費。傾學廩。所屬賢士大夫。咸叶力以助。鳩工庀役。土木偕作。府判百壽。推官高仁。治事之暇。親董其役。由障究心經度。朝斯夕斯。僅再閱歲。而厥功告成。有廊廡以繪賢像。有齋序以居生徒。先賢之享堂。教官之直廬。下逮齋帑庖舍戶牖楹楯。丹雘彰施。靡不完具。經閣頽圯。易舊以新。山出雲飛。軒然聳於煙霄之表。



爲郡中傑觀，又置大成樂。儒生肄習。春秋釋奠。衣冠整肅。禮容可觀。延耆儒講書。訓誨諸生。執經問義。彬彬焉有洙泗之風矣。一日。士郡來請於僚友。郝君文李君蕃合口來言曰。朔望拜謁。載瞻廟貌。悉增舊觀。非他郡所能比。再造之勤。願有述以闡方來。三辭而請復至。竊惟吾夫子綱常之道。載在方冊。見諸日用。不越乎君臣父子兄弟夫婦朋友五者而已。古之爲學。獨玩空言。以干世取祿。惟躬行力踐。勉勉循循。以求進德之地。所以志平天下者。先治其國。欲治其國者。先齊其家。欲齊其家者。先修其身。且夫一畝之宮。環堵之室。一有敝陋。則修之唯恐弗亟。豈特宮牆爲然哉。今頻宮修矣。吾二三子來遊來歌。道成日擊。反求諸身。盍思亦有未修者乎。於時貌切牆之崇峻。則思斯道之尊嚴。觀經閣之富盛。則思移在閣之經在腹。移在腹之經在日用。聞金石之鏗鏘。則思一言一行。有條有理。如律呂之合節。如是則不惟式副聖上樂育之心。抑亦不負臺察勉勵之意。凡在門牆。其以是相諗。廟之興廢始末。備載金陵志中。茲不復書。大德乙巳良月朔記。至大二年。廉訪使盧摯撰。重修孔子廟碑。〔文云。今上元年。詔以興學作士。爲王政先務。申飭郡縣甚至。二年秋八月。建康孔子廟成。校官文學先生羣諸生相與言曰。吾州郡會六代。自國淮江之南。學遂爲首善之地。故宋播浙。茲維陪都。其守臣把留。鑰制閩外。其選必儒重望。故具昇校。規制雄整並肩成均。殆甲東南。學燬一旦。復已十閱歲。其燬其復。吾輩所戚所欣。吾道所關也。不辭諸珉。以詔來者可乎。其燬大德四年閏八月。其復始庚子者。見監察御史楊君演記。始已酉者。臺憲御史大夫公霍彌。敕中丞廉公及其僚佐屬官。蓋其役者。路之治中梁普華。右其事爲書檄士子椽文學江寧貢師仁來宣。有請於退便涿郡盧摯。棧成矣。宇士者備矣。養士者具矣。公有以教之。振吾昇校也。夫孔子之教。如日月之照。亙古今萬世。莫不戴其明以行於世。固不以棟宇崇卑加損。今夫衆君子所以肫肫於予者。豈不以崇孔祠爲增國

家右文之光懿。臺臣郡守。重道之志也。遂作詩。俾昇之士息游歌之。以金玉絃誦之勤。庶幾有所感起報答。箚風尚者。樂育之意。其詩曰。孰昇於穹。夫子之宮。孰煨於昔。而復於今。崇基有嚴。植綱斯邦。維教斯明。維士臺□。爰才爰工。於址於棟。繼宇斯替。繼構斯隆。既翼其居。乃睟其容。曰章曰縫。迺粒迺饗。迺藝鉛塹。迺聲笙鏞。由條集成。始玉金終。迺洋聖謨。以鋪德音。士習維羽。而梭斯林。或蜚而冥。或喙於陽。或采其翰。而儀其翔。之習之印。而賓於王。士或臺萊。而榘而楠。於焉度之。以柱明堂。昇梭之光。昇士毋忘。先是學煨。祭器存者十不一二。是年造完。監察御史劉泰記之。(夫先生之立禮也。有本有文。忠信禮之本也。義理禮之文也。本以主乎中而不敢辭。文以著乎外而不可闕。所謂無本不立。無文不行也。矧器數制度。莫不起於時之宜事之當。而有以成。施於祭祀。必盡己以實。內外一致。方能感格。斯五禮中尤爲難者。其本與文。一或有闕。致誠亦不至。雖勉卒事。不陷於如不祭者幾希。是故擴忠信義理於齊莊恭敬拜起坐立儀不少愆者。亦本之所以立也。簠簋籩豆。行列有數。物不少差者。亦文之所以行也。故曰。器有一之不備。則禮有一之不行。是以本既立矣。文既行矣。內外交盡不虛矣。明則人物懷其仁。幽則鬼神饗其德。必平乎是。則祀事孔明。庶無悔矣。建康爲江南名郡。又察蒞焉。廟貌巋然。學校修豔。祀器燬於大德壬寅之火。存者十不二三。若弗補完。是文不行於外。而內雖有本。安得獨立耶。我堂堂聖元。大興文治。加封孔子。報德報功。禮隆丁祀。有司奉行。固不敢不致如在之誠。然而黍稷之馨。弗實於簠簋。水土之品。弗登於籩豆。雖曰明德惟馨。亦奚指彼以明此哉。於是臺察上下。議論僉同。遂命提學官本路治中也先普化。購銅訪得冶金之搨工者。仍俾董其役。既成。形製高古。凡三閱月而功畢。覆於至大己酉之良月。以數計之。一千八百十二。可謂大備矣。噫。器之木具也。黍盛庶品。一或不登。無以表其明德。今器既具矣。

庶品既存矣。誠或不足於有事之際。雖黍稷之馨。神亦不饗。所謂誠爲實。禮爲虛也。有事於籩豆者。可不謹乎。校官游鄭良學。正方機學錄劉應參。懇求文石。辭弗獲免。忘其固陋爲之記。皇慶二年。儒學錄胡助重撰祭器記。始建康學鑄祭器若干。以爲大備。御史劉公泰爲之記。會教授張君拱辰主。有事於上丁。陳其簠簋尊豆壘爵。不合儀式。顧猶有關者。退謀之提學官治中梁侯。也先普化曰。吾嘗不滿於是。君意雅合。弗可以弗完。奚稟憲臺復購銅。召舊匠開冶。命學正賈君汝霖董其役。凡三月畢工。教授俾助以數其書於石。庶來者有攷焉。按簠二。副簠一。副爵二十一。拊五十有七。此南唐舊物僅存者爾。山尊二。著尊二。大尊二。壺尊六。象尊六。犧尊六。壘洗三。副龍杓一十三。拊八十有二。爵一百有九。豆一百七十有四。副簠一百二十有二。盞如簠之數。而加一焉。大爐二。大瓶四。此前鑄之目。劉公所記也。壘洗一。龍杓一。爵十。小爐二十有五。豆一百有九。此後鑄之目。舊新後先。總具件計。二千四百一十有八器。至是而始備。惟張君主席三年。以教以養。以興以補。臺評士論。翕然稱之。若他役倍是不書。而獨書祭器者。尊禮也。可謂知所重矣。助之不敢不書以是夫。皇慶二年春記。治二年。教授湯彌昌復取沙洲鄉學田有記。建康郡學。宋紹興間。秦丞相以己貲買江寧縣沙洲鄉黃魚莊等處。蓋地十有五頃。畀鄉校具載碑籍。至元十三年後。開田百頃有奇。十八年營田司。以田撥隸財賦府。僅以地四頃七十一畝二分歸於學。三十一年。權豪占佃。開四頃爲田。其後經理丈量羨田四十畝地三十畝。凡爲田四頃四十畝地一頃一畝二分。奄據租入二十有七稔。彌昌備員掌教。詢知有司文移不礙。明爲學產。遂建白於行臺泊察院。於是路縣參考文案。擬斷歸學。至治元年二月。省札准斷郡。俾縣主簿朱端卿偕彌昌履畝交業。而田始來歸。從行者直學謝慶德。知書王夢桂。縣更郭滋。府給文據。公堂掌之。以相授受。始末備著文卷。佃者歲納田米七十九石有奇。地

租錢二十五貫。自元年始。然非定額。有頗增租者。佃可易與。惟學事因循弗舉。豈特斯田哉。明年夏四月。作亭以覆玉兔泉。閏五月。新創樞星三門。煥然改觀。此皆職所當爲。而前A憚事難役鉅。彌昌勉爲之。賴臺察宗主力克有成。謹識形石田圖四至佃名刻之下方。至治二年良月日記。學計租人。視宋增損不同。一田土總二萬八百五十九畝四十六步四分六厘二毫五絲。水深二十三條。田一萬六千九百六十畝四十七步九分四釐九毫五絲。地二千六百一十畝二角二十三分五分五絲。山二百一十七畝二角一十六步。蘆地八百四十九畝一角。壩四十五畝五十口步。塘一百五十四畝一角三十三步七分六厘二毫五絲。雜產二十一畝一十步。水池一角一十八步。水場二角二十六步。房屋七十四間三廈七溜。白地八十七段。糧斛總五千二百三十五石六斗二升九合五抄。米四千五百三十三石三斗四升三合七勺五抄。小麥一千一百一十四石七升四合七勺。大麥二十七石四斗七升七合一勺。黃豆三十七石一斗五升一合一勺。蕎麥三石五斗八升二合。至元鈔總八定二十九兩四錢一分六厘。租錢一定三十七兩四錢四分。房錢六定四十一兩九錢七分六厘。絲一十二兩四錢九分八厘。山柴六十七束。蘆三百束。科舉興以貢士。莊田糧積財待發。大成樂器。設掌樂主之。惟春秋二丁釋奠則用。書籍。則景定志所云。賜書板刻實置者。兵火散失殆盡。歸附後。於諸路哀集。及損學計續刊。設職收掌。所置經史子集圖志諸書。視他郡亦略全備。十七史書板。計紙二萬三千張。史記一千八百一十九。前漢二千七百七十五。後漢二千二百六十八。三國志一千二百九十六。晉書二千九百六十五。南史一千七百七十三。雜書板金陵志四百八十。貞觀政要書二百。朱子讀書法一百七十。南唐書一百八十。禮部玉篇二百七十。集農志一百二十五。修辭衡鑑五十六。農桑撮要五十八。救荒活民書一百五十。曹文貞公詩集二百八十五。憲臺通紀五百一十五。陳子麇先生詩二十。魯齋先生詩解大學一十九。樂府詩集一千三百八十。厚德錄六

十。刑統賦六十三。廟學時有闕壞。隨事修補。無大更易。六齋延訓導六員。大學四。常德。守中。育材。進德。小學二。興賢。說禮。生徒常二百人。設賓序員。瞻卹貧寒老病之士。鄉貢進士。於學敦遣。朔望祀享。行嘉官躬視禮儀。監察御史時至勉勵。公卿大夫居江左者。率遣子弟就學。今什為名臣者。多集慶子弟員嗚呼盛矣。

建設書院

明道書院。仍宋舊規。無所更易。南軒書院。遷舊儀賓館地基。大德元年。創蓋南軒先生華陽伯張宣公祠堂。江東書院在城內永安坊鹽倉街。至治元年五月。郡人王進德創建。子霖又為營度廟屋。通六十餘間。地臨秦淮南。竹木修茂。置田溧陽九百畝。供贍生徒。前翰林學士草廬吳公。嘗於其中講授羣士。往從受業甚眾。泰定元年。今額。又有昭文書院在湖熟鎮。北有臺高十餘丈。下臨秦淮。亦名太子臺。舊傳梁昭明太子宴游所。景定志。太子臺下東橋之東。有太子東湖。昭明嘗植蓮其中。臺上有昭明像。宋咸淳丁卯。方拱辰扁曰昭文精舍。里人杜氏守之。至元間定今額。凡書院皆省設山長。錢糧教育與州學皆有府設直學贊焉。

州縣學校

江寧歸附初。各縣仍設主學。尋令所屬行省宣慰司差注教諭。掌錢糧教育。江寧縣學殿宇田糧。皆仍宋舊。上元縣學校。至元五年。縣尹田賢重修。進士李桓日記。郡城之東偏曲通口入數十武。流之蒙北直。不曉連衍無際。深曠遠。不翅乎林壑坳牧之居者。會上元邑學之所建也。攷其歲。至於今百年矣。蓋當宋氏之既南。郡為天藩閫帥臨之。學政之修。致隆於郡。而在邑則否。迨其季年。鍾公蜚英之為令。方為之經始。願已迫於國勝口搶攘故制特口藁。而完美之功有不暇焉者矣。一之夕莫之能加。則以帑庾之弗贏。緝弊支危。僅以自守。一旦更張。而為之也實難。嗚呼。治邑者

有能匹體前人。以俎豆爲事。因其故而損益之。亦何難之有。至元五年歲在己卯。大名田侯來尹是邑。職專於學。諸正廢闕。懼無以副國家設學之意。亟以請於邑長曰。其責在余。圖之惟時。謂禮器之具所宜先也。則冶銅爲爵埒四十。爲簠簋十有八。爲勺二。爲鐘一。竹爲籥者三十。爲篋者五。木爲俎者二十。以補其未備。若豆若尊若鼎洗。炷熏之有爐。植燭之有檠。灌頰之口。舉易其饗墨朽蠹而新之。而凡器用之口口口給。繼之以廟學之膏。則擴禮殿之基。左口口口口。以立十哲之位。作樞星門。修戟門之爵寶。並二序皆責治之。改築成已軒敞。其後爲口口構。連口口以徹於宮。而尺棟宇之壞。無不飭修。後峙華表於門外。飛石梁於水次。列棚以爲口口。周垣以爲蔽。繪門弟子及先儒之像於縑素。更圖壁之舊。而凡畫飾層嚴。爲經久之計者。無不用其極。內外相侔。功倍於厥初。來觀者翕然感斯文之作興。跂望朝夕。思服善教。昔之大口口。嘗佐斯邑。化俗之美。流於無窮。侯之爲是舉。其可以無愧歟。夫學爲政。本先聖主之所屬口口。而吏卒慢焉。世降殷周。治不若。職是之由。田侯之至。究心於民。夙夜弗怠。邑之庶務。咸得其理。訟獄旣清。甯俗以安。敏惠廉明。著於一時。故上元之政。爲屬邑最。侯又能達其本。而崇禮義之化。使民有所觀法。益可尚也。口非其列。口口何以詔來者。邑長曰。那懷。尹曰。田賢。口口口口薄李良臣。教口湯駿。典史朱輝。承命謹而任事勞者。邑掾陳口也。金石土木之工。合九。三十。奇。費之出於田侯者。爲錢五千緡。是皆不可略也。附紀於碑而爲之記。口口口容縣學。頗廢於兵火。至元三十年。縣令兀顏瑛創屋三間。扁曰芳潤。至大二年。縣尹趙靖。撤舊重建。繼以縣尹程恭。延聘名士。訓誨生徒。遠山嚮慕。邑民獻地增廣學宮。設唐劉鄴張常洵二祠於講堂西。後至元三年。劉累朝封號繪管於石。置禮器惟樂。繪兩廡從祀。至正二年。建屋於中堂後。扁曰止善。監縣尹閻縣尹李允中李博。教諭劉德秀等。實綱紀焉。學計悉有常數。口江寧縣學出一十二頃。

七十五畝有奇。上元縣學基地縱橫三十畝。學田山地水潭。通計口千一百二十二畝二角三十二步。額租外荒地逐時開墾。句容縣學口一十九畝六分一厘。田一十六頃一十八畝七分一厘。地一頃六十二畝四分一厘。白五頃五十七畝二分一厘。塘五畝六分四厘。夏租小麥八十一石六斗三升。大麥一十四石二斗八升八合。中統鈔五定三十四兩七錢八分。秋租米二百二十六石五斗三升七合。黃豆一十六石八斗七升三合。中統鈔五定三十四兩七錢八分。詳見縣志。

溧水州歸附後。初爲縣。設去學教諭。元貞元年。陞州設教授。二年。知州儀武義教授劉建行口口口門殿及神庖修理。學舍一新。易明倫堂扁口口口。易四齋扁口口口。自得。明理。觀善。鑄祭器。口口元年。同知倪顥教授陳端究促蒲塘渡有口口口。以教思亭爲口口亭。立加封碑。延祐四年。繪從祀像。泰定二年。行臺劄准監察御史順昌承德言。增加田賦。置册立碑。至元元年。知州李衡教授宋昇。重建明德尊道二堂。修口口及兩廡。增設訓導。生徒加舊。其學計見於碑刻。舊額田土田三十四頃六十二畝七分六厘。地一頃九十四畝七分二厘。山九十五畝五分。河渡一所。房屋一十四間。隨屋地基租課粳米七百二十四石七斗八升七合。小麥六十一石三斗六升三合。秬稻口口百三十四斤。黃豆一石一斗。絲一十七兩二錢。中統鈔七定一十六兩二錢二分。新增田土田八十五畝四分九厘。地五十六畝三分。山二十七畝五分。墾地一十一畝七分九厘。蘆墩二畝五分。房屋三間半零一廈。隨屋地基及帶屋口巷一條。租課粳米二百七十五石七斗四升九合五勺。小麥二十一石六斗五升五合。黃豆二斗六升五合。絲六錢。中統鈔一十一定八兩六錢三分一厘。并書板。詳見本州志。

溧陽州歸附後。初爲縣。設主學教諭。元貞元年陞州。卽以前宋縣學改爲州縣。設教授。太德五年教授班惟志修學。重建齋舍。東曰養正麗澤。西曰明德藻德。設小學齋。增學田二百

八十餘石。卞應午記之。大德十一年。改創大成殿。至治元年。教授孔濤置雅樂。建講堂。及先賢祠。教官廨舍。規模有加於舊。其學計徵於官者。(租糧白米二千口百二十三石四斗六升三合。貢士莊四百五十五石二斗六升五合。贍學一千九百五十七石三斗九升八合。租鈔一十九金。)詳見本州志。

### 科第進士

延祐四年丁巳。溧水州人劉泳。江浙省鄉試第二十名。明年會試下第。七年庚申。溧陽州人李士良江浙省第六名。明年會試中選。殿試第三甲同進士出身。授將仕郎。紹興路餘姚州判官。至治二年癸亥郡人李桓。江浙省第二十七名。明年會試下第。恩例授餘干州教授。大歷二年己巳郡人李懋。江浙省第十六名。明年會試中選。殿試第二甲同進士出身。授將仕郎饒州路鄱陽縣丞。

### 儒籍

路學抄數儒人一百六十五戶。明道南軒書院上元江寧縣學。各有儒籍。至元十二年乙亥正月。制置趙潛築城宵遁。徐都統等率軍民納款。二月二十七日。大軍入城。平章阿朮占居明道書院。軍士昇棄聖像野中。書院儒人古之學等。詣丞相淮安王前告給榜文。還復書院房屋租產。招安秀才。當奉鈞旨。令書院依例復舊。由是諸學絃誦不輟。至元二十八年。南方儒人有德行文章政事可取者。許各路歲舉一人。量材錄用。元貞元年。諸路凡儒知吏事。吏通經術。性行修謹者。各路薦舉。廉訪司試選。每歲歲貢二人。省臺委官立法攷試。中式錄用。大德十一年。係耕儒戶。雜泛差役。並行蠲免。至大二年。儒人免差。延祐元年。設科取士。儒風大振。其明年。再詔隸籍在學儒人。毋得非理科役煩擾。是後有司奉行不至。儒者雜於編戶。癸酉科後停試。今上皇帝元統二年。特降聖旨儒戶免差。有德行學問者。選充教官



。至正口年。復行科舉取士法。所以作興多士者至矣。集慶儒戶。多前代故家。宋末進士有句秀實國華陳仲謀吳季申。皆以文章政事名世。其後衰微不可攷知。今可見者董烈。宋相文清公槐之後。累官朝奉大夫。知池州。房元龍。宋進士。承議郎懷遠軍節度判官。李望。宋太師襄國公琮之後。進士。累官承直郎制司幹官沿江屯田分司。王良相。宋相荆國文公安石之後。貢士。累授沿江之司幹官。趙崇回。宋進士。累官通直郎知建康府句容縣。楊公溥。宋待補進士。戴俊卿。謝克仁。皆宋貢士。歸附後。子孫相繼以科第儒術仕進顯榮。其家所謂君子之澤久而不泯者。亦國家崇儒興學之效也。曹益。水後志。載朱處者。壽昌四世孫。登宋政和八年第。建炎二年。官左從事郎潭州瀏陽令。四年。軍賊杜彥等陷瀏陽。處力戰三日死之。湖南安撫司開諸朝。贈直郎。與其子柔嘉將仕郎。恩澤因柔嘉歷仕贈至大中大夫。三世孫紹遠明遠。四世孫用泰棟。俱擢科第。五世孫立之。以易學授徒於家。忠孝之有後。儒者之世澤。彰著如此。他如句容樊淵之孝廉。溧水湯大口之五世同居。輕財急義。汪立信家婦李氏劉英傑妻吳氏陳登妻樂氏之貞節。經聖朝旌異。悉出世儒之家。其被服禮義之教。有自來矣。然則歷代之崇尚儒雅。欲以化民成俗。其效豈虛也哉。附於志末。俾後可覽觀焉。

金陵新志卷之十

兵防志總敘

兵者。聖人所以討強暴平亂世夷險阻救危殆。恆不得已而用之。觀其本。起於陰陽之相勝。善暴之相形。而濟之以凶器。故善用兵者。必審天時。察地利。順民心。三者皆得。則可以戰敵。而亦聖人所慎。吳晉六朝建都江左。天下望爲正統。文物殷富。寶器在焉。然其分裂之際。毒民於兵。其備禦大要。在於據江防淮。治城濬隍。以逸待勞。攻不足而守有餘。至

其道窮數極。中國舉之。若摧枯振槁。故曰堅甲利兵。不足以爲勝。高城深池。不足以爲固。嚴令繁刑。不足以爲威。由其道則興。不由其道則廢。宋自高宗南渡。以建康爲陪都。總以重可宿兵峙糧。常數十萬。及天兵下襄樊。沿江諸將。或降或遁。不數月而宗社爲墟。曩之治險蓄兵。其勝安在。今天下一統。城郭溝池。悉廢爲耕藝。而中土之兵。分翼鎮守。裝出其家。米鹽仰給縣官。統屬器械。各有名籍不著。著其設置巡防大較。作兵防志。前代沿革（自形勢至戰艦。皆據舊志述。以備參攷。）

形勢

諸葛亮曰。鍾阜龍蟠。石城虎踞。真帝王之宅。

李綱曰。天下形勝。關中爲上。建康次之。宜以長安爲西都。建康爲東都。

衛膚敏曰。建康實古帝都。外連江淮。內控湖海。爲東南要會之地。

劉珪曰。金陵天險。前據大江。可以固守。

張浚曰。東南形勢。莫重於建康。實爲中興根本。

陳亮曰。蓋在臺城。在鍾阜之側。據高臨下。東環平岡以爲安。西城石頭以爲重。帶玄武湖以爲險。擁秦淮青溪以爲阻。是以王氣可乘。而運動如意。

江默曰。自淮而東。以楚泗廣陵爲之表。臨京口秣陵得以蔽遮。自淮而西。以壽盧歷陽爲之表。則建康姑孰。得以襟帶表裏之形。合則東南之守不孤。其來尙矣。餘見江防。

攻守

張敦頤曰。晉蔡謨曰。時有否泰。道有屈伸。暴逆之寇。雖終滅亡。方其強盛。皆當誦而避之。要終歸於大濟而已。爲今之計。莫若養威以俟時。王羲之曰。以區區江左營綜如此。天下寒心久矣。中興之業。政以道勝。寬和爲本。力爭武功。非所當作。二人者能言之而不得行。

之。行之而足以安江南者。孫權一人耳。陸瑁嘗勸權曰。九域盤互之時。率須深根固本。愛力惜費。陸遜嘗勸權曰。施德緩刑。寬賦息調。權報之曰。息調者。蓋謂天下未定。事可以衆濟。若徒守江東。修崇寬政。兵自足用。何以多爲。願坐自守可陋爾。以此知權之志未嘗不在於天下。然以傳考之。亦未嘗肯求逞於中原。曹公來侵。則破之拒之而已。治艦立塢。築堤遏湖。作涂塘。明烽燧。始終所以備魏者至矣。及移牋於曹公曰。足下不死。孤不得安。則權固未嘗得志也。嘉禾中。因蜀寇魏。一攻淮南。聞明帝東行。遽則斂避諸將之攻樊城。司馬懿救之。亦引軍亟退。自後觀之。謂之怯可也。而權不以爲恥。豈非天下之勢。旣未有可投之隙。與其力爭而取敗。不若退守而待時也耶。史稱權繼父兄之業。有臣以爲腹心股肱爪牙。兵不妄動。故戰少敗。而江南安。此權之所以爲治也。及嗣主立。諸葛恪爲政。首侵邊以怒敵。東興之戰。幸捷而不能持勝。復違衆大舉。一敗塗地。恪旣喪軀。而孫氏之業。因以衰焉。則權之兵不妄動利害果何如也。其後孫皓用諸將計。數侵盜晉鄙。陸抗曰。苟無其時。誰復大聖。亦宜養成自保。不可輕動。今不務力農富國。審官任能。明黜陟。慎刑罰。訓諸司以德。拊百姓以仁。而聽諸將徇名。窮兵黷武。動費萬計。士卒凋敝。寇不爲衰。而我已大病矣。夫爭帝王之資。而昧千百之利。此人臣之姦。便非國家之良策也。抗之言兼有陸瑁陸遜蔡謨干彞之論。而皓不知用。此其所以亡也。東晉自庾亮經營征伐。皆不能有成。謝安父子。乘苻堅傾敗之餘。圖之如恐不及。至於渡河入鄴。訖無尺寸之得。宋文自恃富強。加兵元魏。檀道濟再行無功。諸將以敗繼敗。而胡馬遂至瓜步。梁武遭魏氏之亂陳慶之以數千兵入洛。而嵩高之襲。幾至殲盡。及貪河南之地。納叛將。棄陸鄰。而身國顛覆。陳宣帝關士宇於北齊。旋失淮泗於後周。雖以桓溫劉裕非常之才。度越歷代諸將。而溫代苻健慕容暉皆幾成而敗。裕平南燕滅姚秦。亦旣得而復失。則六朝用兵攻伐之策可見矣。(古今

論守國事宜。范蠡最高。陸抗所言次之。餘非確論也。

### 江防

吳聿曰。江出岷山。自湖口合流而下。奔放蕩瀾。吐吞日月。山或磯。則其勢悍怒。觸舞大鵬。兀若轉梗。至其廣處。曠數百里。斷岸相望。僅指一髮。而舳舻上下。中流遇風。則四顧茫然。無所隱避。自金陵抵白沙。其尤者爲樂官山。李家漾至急流濁港口。凡十有八處。號稱老風波而玩險阻者。至是鮮不袖手。吳志曰。魏文帝有渡江之志。望江水盛長。灑漫數百里。便引退自嘆曰。魏雖有武騎千羣。無所用也。

干寶晉紀曰。魏文帝之在廣陵。吳人大駭。乃臨江爲疑城。白石頭至於江乘。垣以木植。衣以葦席。加采飾焉。一夕而成。魏人自江北望甚憚之曰。彼有人焉。未可圖也。乃還。

宋書元嘉二十七年。魏人聲欲渡江。太祖大具水軍。爲防禦之備。領軍將軍劉遵考左將軍尹

弘守橫江少府。劉興祖守白下。建威將軍黃門侍郎蕭元邕守裨洲。羽寺左監孟宗嗣守新洲。

上建武將軍慕容守新洲。下征北中兵參軍向柳守貴洲。司馬到元度守蒜山。諮議參軍沈曇慶

守北固。尙書褚湛之先行京陵使仍守西津。徐州從事史蕭尚之守練壁。征北參軍管法祖守譙

山。徐州從事武仲河守博落。尙書左丞劉伯龍守采石。尋遷武軍淮南太守仍總守事。遊

邏上接于湖。下至蔡洲。陳艦列管。周互江畔。自采石至暨陽。六七百里。船艦蓋江。旗甲

星燭。皇太子出戍石頭。徐湛之守石頭倉城。

齊書建元元年。魏主宏開太祖受禪。其冬發衆。遣丹陽王劉昶寇司豫二州。明年。詔衆軍北

討。初虜寇至。緣淮驅略。江北居民。猶懲佛狸時事。皆驚走不可禁止。乃於梁山置二軍。

南置三軍。慈姥置一軍。烈洲置二軍。三山置二軍。白沙置一軍。蔡洲置五軍。長蘆置三軍。

。徐浦置一軍。以備之。魏不能攻。周世宗問江南虛實。孫忌答曰。本國雖小。甲兵尚三十萬。世宗曰。江南不過十數郡。何見欺也。忌曰。精兵雖止十餘萬。然長江一條。飛湍千里。險過湯池。可敵十萬之師。國老宋齊丘。乃王猛謝安之徒。又可敵十萬。張虞卿曰。歷攷前世南北戰爭之地。魏軍嘗至瓜步矣。石季讓嘗至歷陽矣。石勒窺豫州。至江南而還。此皆限於江而不得騁者也。然江出岷山。跨郡十數。備之不至。一處得渡。皆爲我憂。使吾斥候既明。屯戍惟謹。士氣振而人心固矣。恃江爲阻可也。雖無長江之險亦可也。苻堅百萬之衆。馬未及一飲江水。謝玄八千銳卒。破之於淮淝。豈非其效歟。不然。吾巢以奇兵八百。泛舟卽渡。吳人有北來諸軍。乃飛過之語。韓擒虎以五百人宵渡采石。守者皆醉。遂襲取之。由是觀之。徒恃江而不足與守。鮮克有濟矣。曹操初得荊州。議者謂東南之勢。可以拒操者長江也。操既得荊州。蒙衝戰艦。浮江而下。則長江之險。已與我共之。獨周瑜謂捨鞍馬而仗舟楫。非彼所長。赤壁之役。果有成功。至於禰之害。則以南人所長。獨周瑜謂戰。一入其境。長江非復所用。他日成功。略如禰言。故臣以謂有如瑜者爲用。則禰之言謂之不然可也。無如瑜者。則禰之言不可不察也。彼爲說者。謂敵人以馬爲強。而江流迅急。渡馬爲難。敵人便於作楫。而江流迅急。非楫能濟。是未知侯景以馬數百一夕而渡。王濬自上流來未嘗作楫也。州縣一也。有最爲要害者。津渡一也。有最宜備豫者。苻堅自項城來壽陽。侯景自壽陽移歷陽。孫恩自廣陵趨石頭。王敦渡竹格。蘇峻泛橫江。侯景渡采石。考前世盜賊。與夫南北用兵。由壽陽歷陽來者十之七。由橫江采石渡者三之二。至於據上流之勢。以窺江左者未論也。

建炎三年冬。金兵自黃州渡。又自馬家洲渡。時杜充在建康。聞金人至。以軍六萬。列戍江

南岸。而閉門不出。師無統一。皆無鬥志。明年夏四月。韓世忠提舟師截大江以邀金兵。相持黃天蕩四十八日。兀朮遣使與世忠約日會戰。世忠募海船百餘艘。進泊金山下。仍植一旗。書姓名表其上。金人望見大笑曰。此吾儿上肉耳。(按宋史。世忠伏兵金山廟。幾獲兀朮。世忠預命工鍛鐵相聯爲長綆。貫一長鉤。授諸軍之強壯者。不旦敵擁十舟噪而前。比合戰。世忠分海船爲兩道。出其背。每繩一綆。則曳一舟而入。敵不得渡。遣使願還所掠及獻馬三千。世忠不聽曰。只留下兀朮。乃可去。時撻辣所遣之兵在儀真。江南北兩岸皆敵衆。世忠據中流。風帆浪楫。飄忽若神。兀朮閉壘不敢出。謂諸將曰。使船如使馬何以破之。乃欲自建康謀北歸。(兀朮兵在南岸。故自鎮江沿江西上求濟。)凡古津渡。又被世忠八面控扼不得去。或獻謀於蘆場地。築大渠二十餘里。(今蘆門河。是在黃天蕩南。)上接江口。舟從江背出世忠之上流。一夜渠成。次早出舟。世忠大驚。尾擊敗之。敵終不得濟。(按宋史。金人悉趨建康。於冶城西南鑿渠。則今新開河是。故汪藻謂開兩河也。)一云。敵乘天霽無風。我所用海舟皆不得動。彼而以輕舸絕江而遁。世忠曰。窮寇勿追。使去。兀朮回江北。屯六合。撻辣在山東。遣人謂兀朮人寇無功。盍於淮東候秋高相會。再寇江南。兀朮以前日渡江之危爲辭。呂頤浩言金人多詐難測。詔劉光世分兵以備江岸。

紹興三十一年金萬戶高景山。以兵數萬犯揚州。劉錡提大軍禦之清河。金以甃裹舟載糧挽而上。錡募善沒者鑿舟沉之。金人大驚。俄犯揚子橋。錡以兵扼瓜洲。金騎逼江。錡遣麾下員。設伏於巨角林。與敵接戰。誘敵人張弩。俄發。敵大敗。斬景山俘數百人。逆亮親統緡軍。駐和州之雞籠山。臨江築壇。刑馬祭天。必欲由采石而渡。朝廷詔王權詣行在。以池州都統制李顯忠代權。命督府參議官中書舍人虞允文趨顯忠交權兵。時顯忠未至。允文夜見建康留守張燾。議禦敵之計。但言已當死守。丙子逆亮奪壇。建黃繡纛旗二。中張黃蓋。

亮執小紅旗。摩衆渡江。時王權所留水軍。車船咸在。而諸將未有統屬。莫肯用命。盡伏山  
庵。惟提舉張振壬琪稍任其責。允文自建康至。使人督之。賊舟稍近。振琪與統制時俊盛類  
等徐出山庵。列布江岸。賊初未之覺。一見大驚。欲退不可。我軍用海鰓船衝擊。士皆死鬥。  
敵舟沉溺者數萬。其回北者。亮皆殺之。遂不能濟。丁丑。令人往來望見車船遠卻。我軍復  
以海鰓船先往北岸。截橫林渡口。用克敵弓矢射之。金兵棄船上岸者。悉陷泥中而斃。上急  
差楊存中措置守江。虞允文亦自建康馳至鎮江。時江岸有車船二十四艘。賊已瞰江。恐臨期  
不堪駕用。存中允文臨江接試。命戰士踏車船徑趨瓜洲。迫岸復回。金兵皆持滿以待。其船  
中流上下回轉如飛。金衆相顧駭愕。亮愈忿。召諸會約。三日畢濟。過期盡殺之。諸會謀曰  
。南岸有備如此。進有淪殺之禍。退有敵殺之憂。奈何。有總管萬戴者曰。殺郎主與南宋通  
和。則生矣。衆曰諾。乙未諸會集兵射殺亮。并殺其太傅三妃與謀事者十餘人。  
紹興中。詔沿邊修守備。吳表臣言。大江之南。上自荆鄂。下至常潤。其要緊處。不過七渡  
。下流最緊者。建康之宣化。鎮江之瓜洲是也。當擇官兵修器械。以謹其防。  
王彥恢言。建康古都。乃用武之地。欲保建康。必內以大江爲之控扼。外以淮甸爲之游離。  
又必措置兵食。以贍國費。然大江以南。千里浩渺。決欲控扼。非戰艦不可。大江以北。萬里  
坦途。欲遏長驅。非戰車不可。舒廬滁和良疇百萬。欲措置軍食。非營田不可。舟車之法。以  
輕捷爲上。彥恢所制飛虎戰艦。傍設四輪每輪八楫。四人旋轉。日行千里。又有神武戰車。  
下安四輪。略同飛虎。頂張布帷。以避矢石。傍斜衝擊。其用如神。又有拒馬車。一八之力。  
可以轉用。比之蒙衝偏箱鹿角。此尤至要。淮西良疇。不可以數計。不須朝廷給本。祇以  
有無相濟。併力營田。計其戶口。什一養兵。則淮西可以守矣。如許令彥恢招兵教習。祇以  
那融淮西數州財賦。可足舟車之用。及以數州秋成。所得那融營田。可足兵食之費。萬一金

人入寇。及盜賊猖獗。彥恢當以此舟車權鋒陷陣。以此士卒斬將奪旗。以此種蒔飛芻輓粟。保守江淮。決鏖疎矢。詔彥恢就本軍措置。

宋之論邊防要害者。有曰。自古倚長江之險者。屯兵據要。雖在江南。而控敵取勝。多在江北。故呂蒙築濡須塢。而朱桓以偏將御曹仁之全師。諸葛恪修東興堤。而丁奉以兵三千破胡遵之七萬。轉弱爲強。形勢然也。淮甸郡縣。不必盡守故城。各隨所在。擇險據要。置寨柵。宜以偏將。敵來仰攻。固非失利。若長淮深入。則我綴其後。二三大將。沿江上下。爲之聲援。敵之進退。落吾計中。萬全之策也。又有曰。無爲軍巢縣之濡須。及東西關山川重復。蓋以八尺寸必爭之地。大率巢湖之水。上通焦湖。濡須正扼其衝。東西關又從而左右峭翼之。餽舟旣已擊通。故雖有十萬之師。不能便寇大江。得逞其志。淮西雖號地平。而水陸要害。皆可圍守。稍加措置。未易輕犯。又有曰。若金重兵出淮南。則池州軍出巢縣。而江州軍出無爲。軍便可爲淮南官軍之援。又有曰。自建康至姑熟一百八十里。其險可守者有六。曰江寧鎮。曰觀沙夾。曰采石。曰大信口。以上則有蕪湖繁昌。皆與淮南對境。其餘皆蘆荻之場。武礮岸斗絕。水勢濶險。壘旣舟楫。又有曰。采石渡。在太平州界下。馬家渡。在建康府界上。實化渡。在府界下。采石江闊而險。馬家江狹而平。相去六十里。皆與和州對岸。今人入。直犯馬家渡。杜充以萬衆不能捍。亦嘗分兵犯采石太平州。以鄉兵禦之。遂退。雖杜充處置有未盡善。亦形勢使然。馬家比采石尤爲要害。又有曰。和州烏江縣界。可自江北車家渡徑建康府馬家渡。滁引全椒縣可自江北宣化渡。徑街建康府之靖安。兼潤州盱眙有徑小路。由張店上下瓦梁盤城。亦可徑至宣化。不啻三百里。兀朮曾於此路來至六合下寨。并自上瓦梁下船。直至滁河口。可以入江。宜於靖安渡觀沙夾相對。三處防守。所有北岸滁河口宣化兩處來路。應和州東地分。宜嚴切提防。又有曰。昨來金人。自黃州張家渡渡。



江。由湖北鄂州武昌縣上岸。方入興國軍大冶縣界。取山路以犯江西。宜於興國軍大冶縣通  
山等處擺布防陣。又有言曰。漢陽沌口。係漢江下流。湖北帥司所缺。尤宜嚴切提防。  
隆興二年。議幸建康。張浚受任督府。講論軍務。不遑寢食。招來山東淮北忠義之士。以實  
建康鎮江兩軍。凡萬二千餘人。萬弩營所招淮南壯士。及江西羣盜。又萬餘人。要害之地。  
城壁皆築。其可因水爲險者。皆積水爲堰。置江淮戰艦。諸車弓矢器械悉備。兩年冬。金人屯  
重兵十萬於河南爲虛聲脅和。有刻日決戰之語。將士望金人至成大功。而金人亦知宋有備。  
卒不敢動。及是浚又以宰相來撫諸軍。將士踴躍思奮。敵聞浚來。亦檄宿州之兵歸南京。沿  
邊清野。以俟淮北來歸者。日夕不絕。山東豪傑。悉願受節度。金人益懼。分屯建康。建  
康太平池三郡。江面計一千七十一里。共建大小二十九。建康八屯。曰下蜀。曰馬家步。曰  
沙洲。曰韓橋。曰干沙。曰新開河。曰下三山。曰江蔡巷。太平七屯。曰濮家圩。曰楊山。  
曰烏石磯。曰白泥浦。曰上三山。曰板子磯。曰周家莊。池州十四屯。曰葛蒲山。曰大通。  
曰梅根。曰穴港。曰戚家溝。曰李三河。曰寶寨磯。曰黃石磯。曰吉陽汛。曰祝家磯。曰烏  
石磯。曰香口。曰雙山。三郡諸屯。共創寨屋一萬一千九十五間。本府一千七百間。太平四  
千四百間。池州四千八百間。將佐衙屋不計焉。今各處萬戶府差軍守把。多係前代屯戍之地  
。亦有廢不守者。此不及詳著。

營寨教場

潘家寨在上元惟政鄉。開寶中。潘美下江南駐兵。有潘亭塘。去城十里。都監寨在上元縣地  
。太平與國元年。置侍衛馬軍。與都統司參錯。如古南北軍之制。各以統制統領。出三衙。  
馬帥領之。號行司。乾道七年。移屯置寨。建康凡六。其選鋒軍寨在西門崇道橋前右中左後  
五軍寨。一在虎頭山。一在黃家塘南。一在塘北。一在陰山東者。在南門外蔣山南者。在東

門外駐劄御前諸軍。各有統領領管。置都統副都統領之。紹興十二年。移屯建康。置寨凡六。其遊奕軍前右中左三軍寨。一在清化坊之北新街。一在桐樹灣北。一在高陽樓及東門外。一在保寧寺後。一在北門內大東。一在上元縣之西景陽臺之南。禁軍營屋。始皆草覆。紹興中。章森易以瓦。設千副總管營。其禁軍曰武雄第一指揮。威果第十三第十四第十五第四十四指揮。忠節第十一指揮。今捷第六指揮。有馬雄略第十一指揮。橫江水軍三指揮。忠義指揮諸營。一在廣濟。倉東。一在證道院東。一在院西。一在轉運衙西。一在太平橋北。一在清化市南之下街。一在總司衙後。通附營凡七。其廂軍効勇。第一第二牢城。第一第二指揮副員。指撥營蓋在城內西北隅。沿江制置司諸軍寨。其游擊軍前右中左後五軍寨。一在武安橋南。一在城西。一在北門內。二在泔溝。有參議官胡居仁撰記。游擊軍寨。一在馬師衙前。馬師元卒。馬亮祖。買民地拓基五百二十畝。屋三千間。制領將佐衙門一所。屋一百三十間。游擊衙門。共四十間。寔井廿五亭。十二防江軍寨在北門外。着關山下。為用軍寨。一在廣濟。能仁寺後。武安橋。小寨在羅帛市。破敵軍寨在大西門裏。精銳軍寨在城後。長安右都管在兜炮寺側。寶勝軍中軍寨在城內東北角。右軍寨在北門城內。制領軍寨。一在城內。一在城內杏花村龍灣。游擊水軍寨在靖安鎮靖安唐灣。水軍寨在古龍灣芳草岡。游擊武二軍寨附游擊軍寨。江東安撫司。親兵寨史正志建在府治東。後廢。劉琪後建為軍寨。正宮東。歷元乙卯。守臣張杓復建軍房甲仗庫。合千二百八十七楹。建亭為主。地各歸屬之所。東曰教忠。游九言撰記。淮西江東總領。游擊劄軍寨凡四。一在江陵。一在武廟南。一在真慶寺北。一在馬司選鋒寨東。一在報恩觀東北。諸軍教場有二。一在真慶寺在行宮東。親兵教場在府治東。中軍教場在蔣山東。乾道志。禁軍東南錫五將正副將各一員。及兵馬鈐轄分管之廂軍兵馬都監四員。及駐泊兵司都監分

管之。又慶元志，嘉祐四年。江寧府就置禁軍。駐泊三指揮。以（下闕）  
千四十四人。（上闕）精銳軍二千五百三十一人。親兵左右部共一千人。策勝中右兩軍一萬人。制劾兩軍二千三百廿六人。靖安唐灣水軍五千七百二人。龍灣游擊水軍二千九人。金山團窩制劾軍六百五十九人。游擊軍五軍共一萬二千四百一十二人。雄武軍五百八十七人。義士軍一千八百七十三人。寧江新軍六千二百八十八人。又有良家子新招帳前將官等兵。至元十二年歸附之際。軍民潰散。徐王榮所領投拜者。悉名新附軍。分差各處。與漢軍相參鎮守。故略著其額云。

軍器

景定志云。除戎器。戒不虞傳於易。礪鋒刃。鍛戈矛。誓於書。修車馬。備器械。序於詩。有備無患。其來尚矣。漢帝使人視吳漢何爲。方修戰攻具。乃有隱約一敵國之歎。祖逖用二千人。起冶鑄兵。固知其有誓清中原之志。李德裕請甲人於安定。弓人於河東。弩人於浙西。於是兵器皆犀利。而蕃詔不敢窺焉。修政攘夷。茲非急務乎。本朝建閩金陵。藩屏畿甸。兵甲四出。同北援淮東。備海南。控荆楚。西助巴峽。開慶景定間。凡甲冑戈劍弓矢之需。具取於口者。無慮數十萬計。取之不竭。備有素也。至元乙亥。沿江制置趙潛。聞兵至。取行宮公帑金帛膏廩。而所積器械資儲。悉歸行省。

戰繼

李綱嘗奏宋高宗曰。臣聞生於陵者安於陵。生於水者安於水。南方之人。習水而善沒。其操舟若神。而北人有懼舟楫而不敢登者。習與性成也。騎兵施於南方。非所便。而南人教之水戰。必可取勝。昔曹操以數十萬衆。順流襲吳。周瑜以三萬人逆戰於赤壁。因風縱火。焚其船楫。遂大破之。操自此不敢有窺江表之心。而鼎足之勢立。其後曹丕復以大兵次廣陵。觀

長江風濤洶湧。吳人甲戈旌旗之盛。恐懼而退。晉有江左。苻堅以百萬之衆次淝水。而謝玄以八千人破之。衆皆奔北。聞風聲鶴唳。皆以爲王師將至。則東南之兵。養育訓練。因地利而用之。亦足以自守。其地應沿河沿淮沿江司府要郡。凡臨流去處。宜倣古制以造戰船。上設樓櫓。可以施弓弩。下運艫棹。可以破風濤。彌法式授之。仍募習水者爲水軍。以時教閱激賞。賊舟濟渡。會合掩擊。以我之素習。擊彼之暫濟。其勢必勝。得一勝則賊寒心破膽。不敢有窺東南之心矣。嘉祐中。范仲淹上言。乞於河陽置戰艦水軍。以防契丹。當時以爲迂闊不果行。使用其說。創設至今。則大河有備。靖康初。金人豈能遽濟哉。先事而言。則近於迂。事至而後。圖之則無所及。其實今日之急務也。所有諸路合置戰船募水軍。欲乞專差官前去措置。建康府制置司累政修造戰船。自淳祐九年以後。大略可考。造船修船。共三千五百五十隻。詳見前志。

#### 國朝兵戍大略

至元十二年。中書左丞相淮安忠武王伯顏。總襄陽兵南伐。用宋將呂文煥程鵬飛范文虎等爲鄉導。敗賈似道兵於丁家洲。池州守將以城降。沿江制置趙潛棄建康宵遁。馬步軍副總管權制置司徐王榮及翁都統等。帥軍民於太平州納款。二月十二日。大兵至南城外雨花臺下寨。十七日。丞相平章呂參政等官入城。於府治玉麟堂。開省調兵。大犒軍士。立建康宣撫司。招安江東諸路。以萬戶廉希愿招討唆都兼宣撫使。三月三日。遣黃頭先鋒哨馬數百人。至句容瓜渚。殺知縣葛乘。縣民巫及兀。率衆詣軍前納款。授本處總管。同二李百戶偕往招安。三月十八日立寨。文孝廟禁止剽掠。來降者各授總把。俾領其衆。溧水溧陽二縣。以次降附。是夏以暑熱駐師建康。設江寧上元二縣尉。秋七月。丞相伯顏入覲上都。以上萬戶追封曹南王阿剌罕權行省事。平章河南王阿朮萬戶。追封汝南王張宏範等。屯兵瓜洲。宋將姜才張

卅傑孫虎水陸逆戰。相繼敗績。行樞密院。駐劄鎮江。宋轉運判官趙淮起兵溧陽宜興界。屯據長塘湖山一帶。阻水拒守。冬十月。右丞相至白京師。劉春榮相阿朮右丞相張惠等行省。破東壩寨。拔溧陽建平廣德泗安長興諸縣。關獨松陽。遣千戶乞歹總管徐王榮等破趙淮屯兵。十二月大兵破常州。淮次臨安長安鎮。遣王榮等為總管。討吳差新野奕萬戶陳翼於建康。宣撫司。起新附軍五百。漢軍二百招捕溧陽未下鄉寨。十五年正月十一日。徐王榮等敗宋兵。執趙淮。解赴瓜洲行省。殺之。徐王榮以功授驃騎衛上將軍。蘇湖招討使。帶已降虎符。充建康路總管兼府尹。十四年。罷宣撫司為建康路總管府。置江東道宣慰司。以參政阿剌罕保定萬戶張宏範行宣慰使。自是連歲出兵保定。奕及廟建奕廉戶常州宋萬戶寧國壽萬戶泰州奕孟萬戶諸軍。並諸附軍相繼分辦建康各縣。置尉司。專司巡捕。在城錄事司以判官兼。凡路府州縣達魯花赤。皆兼提控捕盜。鋪兵止遞文書。十五年。張元帥追宋二王厓山。江淮行省發水陸師二萬從行。十六年二月。宋境悉平。廣宋兩萬戶軍屯各處。十八年調兵東征日本。至元二十二年。江淮等處行樞密院。開府建康。元貞元年。溧水隆州。設捕盜司。以州判一員兼領。各鎮寨俱設巡檢司。僉撥弓兵。專以巡防捕盜。凡一十二處。(江寧鎮。秣陵鎮。竹篠。龍都。茅山。下蜀。東陽。東壩。高淳。白馬橋。舊縣山前。)其州縣鎮守官軍。則從萬戶府輪差。千戶百戶管軍。分戍要害。治元末年。行樞密院例革各萬戶府。徑隸樞密院。及江浙行省。提調保定。奕張副樞軍馬移屯武昌。孟萬戶移屯泰州。喬萬戶奕對邊寧國。大德元年。益都新軍萬戶府。自寧國路移鎮建康。於前宋游擊軍營內置。達魯花赤萬戶副萬戶而下。軍官千戶百戶彈壓。通設一百餘員。所管蒙古漢軍新附軍。按月於有司支請鹽糧。其漢軍本戶。元僉免糧田四頃。歲以所出為封裝錢給。當役者所在正軍。專一守把

城池倉庫局院坊廊要害去處。軍官不得多餘。占使非奉省院明文。諸衙門不許差調。集慶親隸行臺。按治歲時教習。紀律嚴明。隴灣有教習水軍萬戶府。係行樞密院於江北河南行省。管下蕪黃鄧新揚高郵真滌杭州等奕萬戶府撥軍二千餘名。歲來屯戍。尊以教習。隸萬戶府提調。凡軍之新舊名籍船艦軍裝器備及軍器局。逐年成造器械。悉有額定工程名件。此不詳著。防戍地境有圖。見首卷。(續報與魯奕四處。亳州。廩德。江陰清浦。通寧馬軍軍器。則歲造黑漆鐵甲三百三十付。真皮盔甲袋全四色。水牛皮甲二百二十付。紫真皮盔甲袋全羊肝漆明稍角弓五百五十五張。手箭一萬八千隻。箭蒡蘆弓袋雜袋八十付。其起解積貯本路。具有文卷)

金陵新志卷之十一  
祠祀志總敘

禮莫大於報本反始。天地者。生之本也。先祖者。類之本也。鬼神者。陰陽四時之本也。故天子祭天地。諸侯祭境內山川。卿大夫祭五祀。庶人祀其祖。尊卑鉅細。各有等差。而誠敬之道著焉。傳曰。我戰則克。祭則受福。又曰。惟聖人爲能襲帝。惟孝子爲能事親。言積其志誠之感。而氣之散聚游者反精微之應。非聖人孰能知之。周衰禮廢。諸侯或僭郊祀。而大夫旅泰山。又其弊也。淫祀興而民德濫焉。君子亦反經而已矣。陵故爲郟邑。其以王者禮樂祀天地山川之屬甚衆。吳大帝亦烏十年。始爲康居僧會建寺崇佛。父爲德者葛玄立觀力山。自是代有增加。梁陳於佛尤所重。其三茅君蔣子文祀。皆原於漢吳。蔣累號爲帝。而茅君之祠。肇自隆古。書缺莫得而詳。今其處傳多蕪瘞。(玄帝命東海神埋鼎。秦漢常瘞金壁。)由晉迄宋死事之臣。及有功德於民。皆特立祠。最著者下壩謝玄劉仁贍曹彬楊邦又姚興王瑛。我朝定江南淮安。忠武王伯顏河南王阿朮曹南十阿剌罕。皆以功最受封。淮安立祠杭州河

南立祠汴梁。而曹南王今立祠集慶。禮所謂崇德報功者邪。因前志所紀。輯錄歷代郊社。佛道祠宇以下。具著之作祠祀志。

古郊廟

（南郊壇）按建康實錄。晉太興三年所築。郭璞卜立之。在宮城南十餘里。（注云。在長樂橋東籬門外三里。又云。今縣南有郊壇村。卽吳南郊地。）吳大帝初稱尊號。武昌南郊。祭用玄牡。後自以偏方不郊。太元元年。始祭南郊。在秣陵縣南十餘里。吳志。大帝時羣臣上奏。宜修郊社。以承天意。帝曰。郊祀當於中土。今莽其所。於何處此。重奏云。普天之下莫非王土。王者以天下爲家。若周文王都於鄴鎬。非必中土。帝不聽。終吳之世。郊祀廟社缺然無可紀者。（晉元帝渡江。大興三年。始議郊祀。立南郊於巳地。建武二年。定郊兆於建鄴之南。（唐會要。晉元建武二年。定郊兆於建鄴之南。去城七里。一壇之上。尊卑雜位千五百神。實錄云。大興三年。作南郊。在宮城南十五里。郭璞卜立之。圖經云。在今縣東南八里。長樂橋東籬門外三里。其縣南郊壇村。卽吳南郊也。）宋孝武大明三年。遷郊兆於秣陵牛頭山西。在宮之午地。廢帝復舊。（廢帝以舊郊吉。復初。齊始屋員兆。外常侍庾曇崇啓曰。祭天尚質。秦從壇域。無宮室者。詔付外詳。祠部李攜議周禮。凡祭張旅幟。張尸次。宗廟旅幟。今爲棟宇。郊祀既案。宜制檐甍。）梁武帝卽位南郊。爲壇在國之陽。常與北郊間歲。普通六年。改作南北郊。隋志。梁南郊壇高二丈七尺。上徑十一丈。下徑十八丈。其外再墻四門。運歷圖云。梁武帝中大通五年。郊祀異香三至。神光五色。圓照滿壇。陳武帝又修繕南郊圓壇。高二丈二尺五寸。廣十丈。柴燎白天。金陵故事云。梁武帝時改作四周。築土墻。宮三重。便殿一所。兆域數里。今其地在城東南。與婁湖相近。）南唐郊壇。卽梁故處。在長樂鄉。去城十二里。宋爲藏冰所。

(北郊壇)按晉錄在舊江寧縣東八里潮溝後。東近青溪。晉元帝立南郊。未立北郊。明帝太  
寧三年。始議立北郊。未及建而帝崩。成帝咸康八年。追述明帝前指於覆舟山南立之。制度  
一如南郊。(宋書云。江左未立北郊。地祇衆神。共在天郊。成帝立二郊。天郊則六十二神  
。五帝。佐日月五星二十八宿。文昌北斗三台司命。軒轅后土太乙天乙太微勾陳北極。兩師  
雷龍司空風伯老風。六十一神也。北郊則四十四神。五嶽四望四海四瀆五湖五帝之佐。沂山  
嶽山白中霍山鑿巫閭山蔣山松江會稽山錢塘江先農。凡四十四神也。江南諸小山。蓋江左所  
立。猶如漢京關中。山水皆有望秩也。文帝元嘉十六年。有事北郊。復下其議。於是八座奏  
省四望松江浙江五湖等座。其鍾山白石旣于地所在。並留如故。文帝立儒學館於北郊。十二年  
。嘗闕武於此。(宋孝武大明三年。移北郊於鍾山北原。今鍾山定林寺山巔。有平基一所。  
闊數十。其地。(宋書云。北郊晉成帝世始立。本在覆舟山南。宋太祖以其地爲樂遊苑。  
後以其地爲北湖。移於湖塘西北。其地卑下泥溼。又移於白石村東。又以爲湖。乃移於鍾山  
北原道西。與南郊相對。後罷白石東湖北郊還舊處。)梁武帝北郊爲方壇。上方十丈。下方  
十二丈。高一尺。四面各有陛。其外爲壇再重。陳北郊爲壇。高一丈五尺。(晉土恭反。前  
將軍王珣入守北郊。宋元嘉中。每闕武於北郊。徐嗣徽引齊兵爲寇。侯安都距齊軍於北郊壇  
。紹泰中。齊蕭軌等渡江。亦屯於北郊壇。又按散福亭在縣東北鍾山鄉。去城四里。舊傳晉  
宋郊壇回鑿腸胙之所。

(祿壇石)按通典。江東太廟門北。有石文如竹葉。小屋覆之。宋文帝元嘉中。修廟所得。  
陸澄以爲晉孝武時郊禘石。然則江左亦有此禮矣。或曰。百姓祀其傍。或謂之落星石。(今  
在城隍廟內。)

(明堂)在城東南七里。不詳其處宋。書晉元帝受命。中興依漢故事。宜享明堂宗祀之禮。



江左不立。明堂故闕焉。大明五年。有司奏闕學之南。地實丙巳。爽垲平暢。足以營造。其牆宇規範。宜擬則太廟。惟下有二閭。以應蕃藪。但作大殿屋彫畫而已。無古三十六戶七十一牖之制。是年。五月新作明堂丙巳之地。宮苑記云。在博士省南。(博士省在國學南。國學在大廟南)梁武帝天監十二年。詔以明堂地居卑溼。可景就埤起。以盡忱敬。陳亡焚毀皆盡。將作監大匠宇文愷量埤丈尺。寫樣奏聞。(今按宋齊梁陳。各有制作。梁嘗毀宋太極殿。以埤構焉。)

(晉太廟)舊址在秦淮西。晉太元十六年二月庚申。改築太廟。秋九月新廟成。按地志。太廟中宗祀。郭璞遷定在今處。嘗嘗嫌廟東迫淮水。西逼路至。此年因修築。欲依洛陽。故入宣陽門內。尙書僕射王珣奏以爲龜筮弗違。帝從之。於舊地不移。更開牆埤東西四十丈。南北九十丈。宋以後仍之。至陳乃廢。

社稷(諸壇附)

(府社壇)舊在城西。南江寧縣。社壇同處。慶元元年。留守張杓移設下水門內。秦淮南歸附後。遷置南郊城南門外越城之後。卜地十畝有奇。週築垣牆。內按方地設社稷。風雷雨師壇。及官廳廡宇。以時祀祭。

(上元縣社壇)舊在白下門外尉司東。

(江寧縣社壇)在縣西南府社壇東。(繡春園之西置)

(句容縣社壇)舊在城北後。移在青元觀西南。(今養濟院基是舊社。大德間。移於葛僊翁菴西。後監邑丑間敦武。以其地卑隘。置民地。去舊壇約百步。設今壇。)

(溧水州社壇)舊在州西南二里。(紹元四年。知縣史彌鞏移建於縣治西北望京門之裏。景定元年二月。權縣事趙介如重修。大德五年。移置州南築。三壇。至大四年。知州盧朝請克

治重修。

（溧陽州社壇）在州西南二里。（金淵志。在西門外。）

（風伯雨師壇）（附府社壇。）

（祭龍壇）舊在江寧縣西陰山上。（宋景德三年嘗。）

（古太社稷壇）晉元帝建武元年。初立宗廟社稷。在古禮城宣陽門外。郭璞卜遷之。左宗廟

右社稷。玄風觀在太社西偏。對太社右街。東即太廟地。社立三壇。帝社太社稷各一。在唐

江寧縣東。按宋書晉元帝建武元年。依洛京二社一稷禮。左宗廟。右社稷。歷代因之。

洛京社稷。在廟之右。而江左亦然也。吳時宮東開零壇。疑吳社亦在宮東。與廟同所也。宋

仍舊無所改作。實故當二社一稷。初太康中。詔併二社之祀。傳咸奏宜如舊詔。一依魏制。

至元帝又依洛京二社一稷。隋志。梁社稷在太廟之西。蓋晉元帝所創。有太社帝社太稷凡三

壇。四牆並隨其方色。在舊江寧縣東二里。

（零壇）按通典晉穆帝永和中。有議制零壇於國南郊之傍。依郊壇遠近。注。阮譔云。在已地

。隋志天監九年。有事零壇。遂移於東郊。在籍田域內。（武帝以雨既陰類。而求之正陽。

其謬已甚。東方既非陽。而爲生養之始則。零壇應在東方。祈晴宜於南方。今按零禮本施於

夏月。武帝所言。亦非確論也。

（籍田壇）在城東十五里。按隋志梁普通二年。詔移籍田於建康北岸。築兆域。大小列種梨

柏。便殿及齊官省如南郊。別有望耕壇。在壇東。帝耕畢。登此以觀公卿之推。別有祈年殿

。梁書云。普通二年徙籍田於東郊外。（詔曰。平秩東作。義不在南。前代因襲。有乖禮制

。可於震方間求沃野。具茲千畝。）大同五年。又築零壇於籍田兆內。（紹泰元年齊徐嗣徽

復入。至玄武湖。陳武帝遣侯安都扼之。戰於耕壇南。即此地也。）

（鍾山壇）在鍾山南巖上。苻堅大軍至壽春。晉武禱於壇神曰。當助攻堅。見八公山上草木盡爲人形。又聞風聲鶴唳。皆言王師至。堅衆潰西走。今蔣山有壇基在講經臺下。俗傳爲李王拜郊所。疑卽此壇也。

祠廟

（城隍廟）唐天祐二年置。舊在城西北。今在臺治南御街東太廟街內。（歸附後。郡民重加修建。）

（東嶽廟）在城內西南斗門橋之東。（宋雍熙二年置。紹興十一年重建。今至正癸未郡民宋通甫等重修。）

（江濱佑德廟）在城西清涼寺東。

（真武廟）在府城西。清化市東（宋太平興國二年置。建炎四年。金人燒建康府官舍民居寺觀神祠無不蕩盡。此廟獨存。）

（後湖真武廟）本吳赤烏玄武觀。後燬於兵。

（蔣帝廟）在蔣山之西北。去城一十二里。神蔣姓。名子文。漢末尉秣陵。死而靈異。吳大帝爲立廟（搜神記曰。蔣子文。廣陵人。嗜酒好色。自謂已骨青。死當爲神。漢末爲秣陵尉。

。盜至鍾山下。賊擊傷額。因解綬縛之。有頃遂死。吳先主之初。其吏見子文於道。乘白馬。執白羽。從如平生。子文曰。我當爲此山神。爲吾立祠。不爾使蟲入人耳爲災。吳主

以爲妖言。後果有蟲入耳皆死。醫巫不能治。又云。不祀我。當有大火。是歲數有火災。吳主患之。封爲中涓。加印綬。立廟。故鍾山爲蔣山。表其靈異。次弟子緒爲長水校尉。皆加印

綬立廟。晉卞相圍之號（晉蘇峻之）。鍾山神同蔣侯爲助。且曰。蘇峻爲逆。當共誅鋤之。後果斬峻。本元中。苻堅入寇。望見十部陣齊整。又見八公山上草木皆類人形。愜然有懼色。

○初會稽王消予開墜入寇。以威儀鼓吹求助於鍾山神。奉以國之號。及堅望見。若有助焉。○宋加相國大和督中外諸軍事。封蔣王。○杜佑通典。宋高帝永初二年。普祭淫祀。○蔣子文祠以下皆絕。孝建初。修復加蔣侯爵。位至相國大和督中外諸軍。○蔣立。○齊進號爲帝。乃以廟門爲靈光門。中門爲興善門。外殿曰帝山。內殿曰神居。○齊永明中。崔慧景之難。迎神還臺求助。事平。乃造帝號。○梁武帝嘗禱雨。有異徵。及魏軍圍鍾離。復見陰助。南唐諡曰莊武帝。更修廟宅。宋開寶八年。廟火。雍熙四年。即舊址重建。景祐二年。陳執中增修。得賜額惠烈。政和八年。漕使劉會元重修。乾道八年。樞密洪遵重修。○吳大帝廟。在西門外清涼寺之西。舊傳今廟。卽當時故宮。○晉元帝廟。唐天祐二年置。舊在城內西北。卞將軍廟側。宋景德四年重修。後移就嘉瑞坊城隍廟東廡。嘉定五年。黃度作新廟於石頭東。兩廡設禮樂羣英三十六像。葉適爲記。○太傅丞相中外大都督始興文獻公琅琊王導。字茂弘。太保中書監錄尚書事。領揚州刺史。衛將軍大都督十五州諸軍事。贈太傅。廬陵文靖公陳國。謝安字安石侍中太尉使持節都督并冀幽三州諸軍事。廣武愨侯中山劉琨。字越石。鎮西將軍豫州刺史贈車騎將軍范陽祖逖。字士雅。散騎常侍安東軍司贈侍中驃騎將軍開府儀同三司嘉興元公吳郡顧榮。字彥先。左光祿大夫開府儀同三司贈司空穆侯會稽賀循。字彥先。驃騎將軍散騎常侍贈開府儀同三司臨湘穆侯丹陽紀瞻。字思遠。尚書右僕射贈光祿大夫平陽鄧攸。字伯道。安南將軍使持節都督梁州諸軍事梁州刺史贈征南將軍潯陽侯汝南周訪。字士達。平南將軍使持節都督江州諸軍事江州刺史贈鎮南大將軍開府儀同三司觀陽侯汝南應詹。字思遠。驃騎將軍都督兗豫幽冀雍并六州諸軍事假節散騎常侍贈右光祿大夫開府儀同三司秣陵侯廣陵戴淵。字若思。尚書左僕射護將軍贈左光祿大夫開府儀同三司武城康侯汝南周顛。字伯仁。散騎常侍輔國將軍左軍將軍監湘州

諸軍事南中郎將湖州刺史贈車騎將軍譙閔于河內司爲承。字敬才。尙書令假節領軍將軍給事中贈侍中驃騎將軍開府儀同三司建興忠貞公濟陽卞壺。字望之。侍中太尉使持節都督揚州諸軍事贈太宰南昌文成公高平郗鑒。字道徽。持節侍中太尉都督荆江雍梁交廣益寧八州諸軍事荆江二州刺史贈大司馬長沙桓公鄱陽陶侃。字士行。散騎常侍驃騎將軍開府儀同三司使持節都督江州諸軍事江州刺史使贈侍中散騎大將軍始安忠武公太原溫嶠。字太真。司空征西將軍使持節都督江荆豫益梁雍六州諸軍事江荆豫三州刺史贈太尉永昌文康公潁川庾亮。字元規。右衛將軍贈衛尉零陵伯琅瑯劉超。字世瑜。侍中贈光祿勳潁川鍾雅。字彥肖。散騎常侍宣城內史贈太常萬寧簡男譙國桓彝。字茂倫。衛將軍左光祿大夫開府儀同三司散騎常侍贈侍中車騎大將軍江陵穆公吳郡陸暉。字士光。鎮東將軍散騎常侍會稽內史贈車騎將軍開府儀同三司徐大將軍江陵會稽孔愉。字敬盛。散騎常侍廷尉贈光祿勳晉安簡男會稽孔珪。字君平。使持節侍中。都督揚豫徐州之琅瑯諸軍事揚州刺史驃騎將軍錄尙書事贈司空鄉文侯廬江何充。字次道。左光祿大夫開府儀同三司贈侍中司空濟陽文穆男蔡謨。字道明。祿勳右光祿大夫西平靖侯琅瑯顏含。字弘都。廷尉領著作長樂侯太原孫綽。字輿公。右將軍會稽內史贈金紫光祿大夫琅瑯王羲之。字逸少。尙書令散騎常侍衛將軍贈侍中驃騎將軍開府儀同三司藍田簡侯太原王述。字懷祖。散騎常侍護軍將軍尙書令贈左光祿大夫開府儀同三司謚簡琅瑯王彪之。字叔虎。北中郎將都督徐兗青三州諸軍事徐兗二州刺史贈安北將軍藍田獻侯太原王坦之。字文度。車騎將軍侍中使持節都督江荆梁益寧交廣七州諸軍事領護南蠻校尉荊州刺史贈太尉豐城宣穆公譙國桓冲。字幼子。衛將軍尙書令開府儀同三司贈司空南康襄公陳國謝石。字石奴。散騎常侍左將軍會稽內史贈車騎將軍開府儀同三司康樂獻武公陳國謝玄。字幼度彭澤令潯陽陶潛。字元亮。

（忠烈廟）卽卞將軍廟。在永壽宮西。晉蘇峻亂。尚書令卞壹與其二子死難。南唐保大中。始建忠貞亭於其墓北。宋慶曆三年。改亭曰忠孝。胡銓作記。今重修。建。（以監察御史言申省。唯修永壽宮。任持陳寶琳督主。規制嚴整。）

（伍相廟）按建康實錄。吳孫琳悔慢人神。燒大航及千胥廟。今不詳其所。（總龜詩話云。儀真觀西一水縈迴。南入大江。號曰胥浦。一日三潮。俗云子胥解劍渡江處。其西又有伍相林。對南岸竹篠港。下可又有廟。里俗呼爲伍相泊馬廄。其地在上元縣長寧鄉。）

（晉謝將軍廟）在城西南隅戒壇院之側。唐咸通九年建。將軍蓋謝玄也。

（晉陰山廟）在城西南一十二里。晉建武中。丞相王導於崗阜間。隱約見步騎數十。駐立墻上。導怪之。使人致問。俄失其所。一見夢於導曰。我乃陰山神也。昨隨帝渡江。寓泊於此。卿爲我置祠。當福晉祚。導以其事聞。上乃置廟於此。仍名其崗爲山。宋開寶八年。平江南。曹翰重修。因爲廟記。書於堂之西墻。

（晉梅將軍廟）在城南門外雨華臺東。地名東石子崗。晉梅賾嘗屯營於此。又名梅嶺崗。或名梅蹟營。後人卽此立廟。

（文孝廟）梁昭明太子是也。在城內西南新橋之西。面臨淮水。宋建炎間焚毀。紹興五年再建。

（武成王廟）在右南廟鎮淮橋之北御街西。唐開元中。詔京師及天下州府。並立太公廟。南唐徐鉉武成王廟碑云。入端門而右迴。旁太廟以一額。卽今處也。

（三聖廟）神卽蒼吏王廟。在今臺西偏御街口。按維泌路中禪通紀云。倉帝史皇氏。（倉頡廟。倉作蒼非。）名頡。姓侯崗。（見地記。）龍顏。（春秋命歷序。）侈侈。（見內簡。）四目靈光。（廟碑云。天生德於大聖。四目靈光。爲白王作憲。其銘曰。穆穆聖者。熹

平六年立。按春秋濱孔圖。及春秋元命苞。敘帝生之相云。倉頡四目。是謂並明。顓帝戴干。是謂崇仁。帝嚳戴午。是謂清明。堯眉八采。是謂通明。舜目重瞳。是謂無景。禹耳三漏。是謂大通。湯臂三肘。是謂柳掣。文王四乳。是謂合良。武王斷齒。是謂剛強。不及人臣也。故索靖草書狀曰。聖皇御世。隨時之宜。倉頡既王。書契是爲。而世紀乃言黃帝史官倉頡。取象鳥迹。始作文字。記其言動。策而藏之。名曰書契。蓋妄言也。上天作命。爲百王憲。昔周初有於倉頡墓下得石刻。藏之書府。至秦李斯辨其八字云。上天作命。皇辟迭王。或云叔孫通識十一字而不傳。妄也。任昉云。周人不能辨而斯通識之。余不信者。詳考二句。乃寇謙所纂黑帝安和國王禁文也。實有睿德。生而能書。隨巢子云。史皇產能書。亦見淮南修務訓。及受河圖綠字。河圖玉版云。倉頡爲帝。南巡狩。登陽虛之山。臨於玄扈洛汭之水。靈龜負書。丹甲胃文。以授陽虛山。在上洛。於是窮天地之變。仰觀牽星圓曲之勢。俯察鸞文鳥羽山川掌指。而翹文字。形位成文。聲音以相生爲字以正君臣之分。以嚴父子之儀。以肅尊卑之序。法度以出。禮樂以興。刑罰以著。爲立教。領事辨官。一成不外。於是而天地之蘊盡矣。倉帝所制。乃古文蟲篆。孔壁古文科斗書。卽其體也。魏略言邯鄲淳善倉頡蟲篆是矣。自倉頡至周宣。皆寫頡之體也。宣上紀。其史籀始作大篆十五篇。號曰篆籀與倉頡一體。所謂古文因出之。衛恆云。倉頡造書。因而遂滋。側謂之字。字有六義。至三代不變。故孔穎達云。倉頡至今字體唯變。而六義不易。天爲雨粟。鬼爲夜哭。龍乃潛藏。著績則生。正名乎號。升封於介丘。紀文字以昭異世。而又治日昌矣。治百有一十載。見渾天記。都於陽武。開封滎儀縣卽春秋之湯武。地記云。開封東北二十里。有倉垣城及廟墓。終葬銜之利鄉亭南。書入禮之。皇覽云。墳高六尺。學書者皆往上姓名投刺。祀之不絕。九域志。鳳翔有倉頡廟。今長安西南二皇宮張村有三會寺者。

。記爲倉頡造書之象。斯亦未然。王充論衡云。學書者諱內日。云倉頡以內日死。按古五行倉頡丙日死。辛未葬。蓋王始葬。其後有倉史侯。侯氏夷門氏倉頡比建康廟未詳所始。然其采必自六朝省部以祠。宋嘉定十年。李珣始加增闕。十六年余燦寶慶元年丘壽邁。皆州繼修崇。歸附後。司以春秋仲丁致祭。申諱廟制。曰□文□。民祈禱以正者必應。前志云。倉史千有四日者。掌籍。掌算。開聽。追失。三聖者。籍算爲其一。開聽爲其一。追失爲其一。能明此三事。故曰三聖。所主官府文籍計算忘失。所在官府建祠。王生而聰慧。正直忠節。乃二月三日聖誕。世人多不知其生辰者。遂致湮沒。於今徧行詢問。方得此實行。在省部往往立其香火。祭祀不絕。此間名之曰三聖。省部奉之曰三聖。倉史三名號雖異。其實一也。王有四司三官。如府之六曹。一曰舉留。二曰開聽。三曰證設。四曰追失。內有一事。災咎隨其手掌。誠心禱之。無不感應。又掌人之休咎災祥。無不關涉。別有羊頭三聖者。行在亦自祠。乃七國時功臣旌忠是其封。今南門外越臺正是其祠。若比之府之三聖非也。

(李王廟) 在城東南十里南唐李王也。里俗乎曰李帝廟。歲時祀之。

(廣惠廟) 在城東三里。廣德張王也。

(義勇武安王廟) 在城內東南隅御街東。宋慶元間建。王卽漢將關羽。歷代封贈。具見祀典。

(五龍真聖廟) 在城內正東隅御街北。宋端平乙未孔都目建。

(梓潼廟) 在城內正南隅。本廟街。宋端平二年。轉運判官高定文建。(神卽文昌帝君。詳見洞神祠下)

(曹土廟) 舊在江寧社壇之前。王諱彬。諡武惠。開寶間統兵平江南。不殺一人。邦人感之。



• 故祠焉。歲久祠廢。後人但以土神祀之。事見年表。

（褒忠廟）在城南門外。宋建炎三年立。褒楊邦乂之死節也。詳見年表及本傳。

（旌忠廟）在城南鐵索寺之東南。宋紹興三十一年金人犯淮西。御前統制姚興。獨以一軍與戰於尉子橋。鏖戰數十合。援兵不至。皆歿於陣。將死。猶手殺數十人。樞密葉義問以聞。贈觀察使。命廟賜額。

（忠節廟）在城東三里。與半山寺相望。宋隆興元年。江淮都督張浚。命李顯忠邵宏淵復宿州。宏淵王琪深入賊營。戮力鏖戰。日長至申。手殺甚衆。竟戰歿。督府以聞。贈閬州觀察使。命於棗前立廟。賜額忠節。（琪字伯謙。德第三子。戰時帥所部。絳衣鐵冠。所向辟易。）

（憲澤龍王廟）在水西門裏。大軍倉東。政和中建。

（牛將軍廟）在城西西隅口街。（宋木燹城死節。敕贈節使。廟額忠烈。）

（蜀三大神廟）三神自德有功。載在祀典（俗謂清源君梓潼君白崖君也。）制使姚希得蜀人分闡金陵日。度地青溪之側。鼎創祠宇。其旁又建道室。爲禱燎之所。取管下洞神宮額以名之。國朝延祐年間。改三大神祠爲佑文成化祠。加封梓潼帝君。金陵廟廢不治。泰定年間。盱江江廷楫住持宮事。重加修建。詳見後洞神宮下。

（曹南王祠堂）建在正北隅柴街寶戒寺側。（至正元年閏五月初六日。奉勅建。中書省左丞許有干撰碑曰。至正元年二月乙酉。中書臣僚言勅建曹南王阿剌罕祠。禮部議視淮安忠武王。而祠於集慶。縣官給其費。且請賜田千畝。以奉祭祀。制曰可。既月。王之子脫歡。由中書平章政事拜御史大夫行臺江南。臺治集慶。又得躬相厥役。以迄於成。貽書有壬曰。子嘗承詔銘先士。知先士莫子若。祠落矣。願紀也。讓不可。乃本其碑。攜其家世履歷勳庸之概。

曰。蒙古□□□氏。有贈定威佐運功臣。金紫光祿大夫□□□定諱撥撒者王祖也。贈宣忠靖遠佐運功臣金紫光祿大夫中書右丞相。諡桓毅。諡也柳千者。王考也。勳皆上柱國。爵皆曹南王。身皆死所戰。有人功。祖妣塔拜妣滅列。皆封王夫人。皆其家世。王沉毅善戰。襲桓毅職。中統四年。賜銀章虎節。仍上萬戶。至元十二年。擢昭毅□將軍。以上萬戶權行中書事。進中行大夫。行中書省參知政事。明年。以參知政事行江東宣慰事。明年。覲陞資善大夫。行中書省左丞。十六年進資政大夫。行中書省右丞。仍宣慰江東。十八年八月覲。拜中書左丞相。行中書省事。階光祿大夫。征日本。次明州而薨。壽四十九。葬曹州濟陰□村。畧贈推誠宣力定遠佐運功臣太師開府儀同三司上柱國。追封曹南王。諡忠宣。此其履歷。歲口未。渡江破宋師於龍興北山。中統初。討阿藍解兒渾都海於河西。明年虜征阿里不哥於漠北。明年從宗王半李璫於濟南。四殺皆有奇功。賜黃金龍金鞍文錦。恩數稠疊。至元四年。觀兵襄陽。明年圍之。越六年克之。始走宋師南門堡。獻盪舟之策。渡沙蕪。取鄂州。沂江陵至鎮江。十二年。與右丞相淮安忠武王伯顏。分道取宋。王發建康。與宋師戰。屢敗之。破東壩砦。拔溧陽建平廣德泗安長興。關獨松關。前後斬首一萬五千級。殺其將杜總管吳奉使許吳二總制。及騎將二人。俘谷總制張知府裨將祝亮等四十二人。十三年。三軍會於杭。宋亡。徇游東降趙提刑等五百餘人。追播福安。僵尸四十里。殺步帥李世達。俘秀王與擇監軍趙由儻防禦使林德。降安撫使王吉。分軍興化。擒宋相陳文龍。降宋官二百餘人。淮兵三千人。江南遂平。此其勳庸。配脫端闊閻忽都臺並封王夫人。子男二。長也速迭鬼。銀青榮祿大夫。山東河南蒙古軍大都督。集賢大學士。次大夫也。女五。俱適望族。有士惟古者。功臣受封之國。先建宗廟於路寢之東。所以廣孝而勸忠也。諸侯之制。二昭二穆。與太祖之廟而五。太祖百世不遷。昭穆則俟親盡而遞遷之。自漢以來。諸侯鮮及十世。身

享崇爵。而子孫不能保也。廟制由是弗講矣。其有德及生民。功施社稷者。在朝廷則有圖形以寓其思賢念功之意。在其臣吏。則有建祠以寓其事亡如存之心。亦因時制宜之義也。諸葛武侯之歿也。所在求爲立廟。又請立之成都。後主皆不聽。民致私祭陌上。以武侯之功。尙何靳於一廟。豈欲黜私祭以崇正禮邪。夫所在立廟。在禮若汎立之成都。亦復不聽何哉。至習隆向克之請。始聽立廟沔陽。則武侯之得廟。亦莫莫乎止難哉。皇上於忠宣旣立之祠。又錫之田。思賢念功之盛德。豈區區蜀禪之所知哉。大夫祇順德意。克篤前徽。勸孝勸忠。於是乎在。皆可歌以薦者也。乃爲之詩。俾歌以祀焉。其辭曰。乾元統天乘六龍。宏材碩德如雲從。忠宣天挺開世雄。父蓄子播昏作農。帝曰來汝汝世忠。奮戈無往不奏功。方城額額際皇風。分兵犄角飛其壘。沙蕪飛渡星月濛。順流淺擊無遺鋒。義旗禮于趨獨松。趙孤啣璧吳山空。萬邦玉帛四海同。台司兩轄昭報崇。符龍節行江東。倭奴何物勞蒙衝。魂升海隅心九重。揚顯有子能始終。哀榮典冊備且隆。衰旒冕爲曹南封。石頭城高江流濛。新廟奕奕摩蒼穹。圭田千畝敵萬鍾。維摩維莒紛穆種。春榆釋烝益有餘。醇醴載裸牲特豐。備樂舞兮明祀容。神來假兮福攸降。象賢濟美垂無窮。詳見前圖考并年表。

(禹王廟) 在保寧坊磨盤街口。(其地有溝。名建業溝。又封崇寺街。亦有廟。俗呼平水大王。)

(侯將軍廟) (侯瑛與王琰戰於烈山下。大捷。士人以瑛功烈甚盛。故名山曰烈。祠之。)

(劉將軍廟) 上元縣治西有廟。相傳南唐劉仁贍廟也。

(五龍堂) 在城北古太一殿基。近玄武湖。廢。屬金陵鄉。去縣八里。(南唐保大八年改舞等祠。十三年。有元符像。乘一木。流於江。及岸上。道流迎奉。徐鍇爲記。)

(孚澤廟) 在玄武湖側。去城西北一里。(宋文帝時。翼龍出湖側。時人號黑龍潭。廟祀之。)

紹興中。霖雨輒應。張壽以世賜額。

（嘉惠廟）在城東南二十五里。（紹興元）賜額。慶元志。丞相沈該政和中。在邑上元。霖雨顯。列詩於祠。

（靈澤夫人祠）在長干寺、龍池側。（事見曾公昭公曲阜集云。）

（炳靈公廟）新橋西。南唐昇元中置。（五代史後唐長興四年。封威雄將軍。至祥符元年。封炳靈公。今廟中有化紙鐵盆。上鑄南唐年號。衆鑄人三郎君廟。按搜神廣記。神東嶽第三子。又稱東嶽三郎。）

（武烈帝廟）在永壽宮西。（南唐書。常州有陳果仁祠。越人寇常州。柴克宏帥師往救。見夢於克宏曰。吾以陰兵助爾。及戰。有黑牛二頭。衝突越兵。克宏繼之。大敗越人。克宏奏封武烈帝。今按果仁事見唐書沈法興傳。蓋隋末嘗保據常州。本廟在常州。徐鉉集。有武烈帝碑。潤州志。唐贈忠烈公。有諸道行營都招討判官顧雲銘。搜神廣記。神子子威。宋宣和中。加封及賜額。柴克宏爲佐神。封靈翊將軍。慶元志。廟在天慶觀西廟室後水一壁。乃毗陵董羽畫。世傳名筆。今不存。不知其處。畫壁亦罕傳。句容志。廟在東門內。漂陽志。忠祐別廟在縣東門外。陸子通重建。延祐五年。本州准常州路牒。勅加封武烈顯靈昭德仁惠祐真君。）

（二判官廟）在城西門裏鐵塔寺西南百餘步。（事迹云。舊本延祚院土地神。唐會昌中。寺廢。景福二年。神託夢里人。復夜見火光連天。人潛窺見。炬筆焚燹焉。因就其地建廟。）（白石廟）按宋書晉咸和三年。蘇峻亂。溫嶠等入伐。立廟於白石。晉元帝元日。逆臣峻傾覆社稷。毀樂三正。汚辱海內。臣亮等手刃戎行。恭行天伐。惟中宗元皇帝肅宗明皇帝明穆皇后之靈。降察有罪。勦絕其命。翦此羣逆。以安宗廟。臣等雖殞首摧頤。猶生之年。

謝靈運撰征賦。造白石之祠壇。懟二凶之無君。謂此其地。在白石陂。今廢。

（九州廟）按宋書明帝立九州廟於雞籠山下。大會羣神云。

（紫微廟）在城東北九里蔣山西。宋明帝立。祀五行帝。廢基猶存。

（興德王廟）在蔣山蔣帝廟北。去城十三里。唐末。吳天祐三年。神見先主夢中。因立廟。廢基猶存。

（助國王廟）在城東北十八里。觀山王廟。兩唐取鐵山下。遂改助國大王廟。

（青溪姑廟）在今府學東。與上水閣相近。按輿地志。青溪岸側神祠。世謂青溪姑。南朝時有靈異。舊傳隋平陳張麗華孔貴妃死於此。今祠像有三婦人。蓋青溪姑與二妃也。慶元志。

廟在今上水門東。異苑曰。青溪小姑。是蔣第三妹。南朝甚有靈驗。嘗見形云。又類說趙文韶任青溪。月夜唱烏栖飛。忽有青衣至曰。王家娘子傳語。聞君歌聲。有闕人者。須臾。女子至。容色可憐。文韶乃歌。深契女心。曰。但令有瓶。何患無水。取筮篋鼓之。令婢歌繁霜。

自解裙帶。縛篋篋歌曰。日暮風吹。葉落依依。丹心寸意。愁口口知。窮夕別去。明日至青溪廟中。女姑神像。口心見者。荆公詩。已無溪姑祠。何有江令宅。今廟恐非故處。按此本溪神祠。後人傳怪至。中闕。城東隅三姑廟。口口小廟。下闕。

（白馬廟）慶元志。在江寧縣隨車鄉秦淮南岸。去城三十里。宋顧琛傳。景平中。顧琛為朝請還東。日曉至方山下。於時商旅數十船。悉泊東岸側。有一人朱衣介幘執鞭。屏諸船云。

顧吳郡都伍尋至。應泊此岸。於是諸船各東西。俄有一假裝至。事力甚寡。仍泊向處。人問顧郡早晚至。船人答無顧吳郡。又問何船。曰顧朝請耳。莫不驚怪。琛意竊知為善徵。因誓之曰。口口郡當於此立廟。至是果為吳郡。乃立廟於方山。號曰白馬廟。今按秦淮東上元崇禮鄉地有廟。與史方山下東岸台隨車地名殷巷。二廟隔秦淮相望。里人各祀之。

（白馬廟）慶元志。在江寧縣隨車鄉秦淮南岸。去城三十里。宋顧琛傳。景平中。顧琛為朝請還東。日曉至方山下。於時商旅數十船。悉泊東岸側。有一人朱衣介幘執鞭。屏諸船云。顧吳郡都伍尋至。應泊此岸。於是諸船各東西。俄有一假裝至。事力甚寡。仍泊向處。人問顧郡早晚至。船人答無顧吳郡。又問何船。曰顧朝請耳。莫不驚怪。琛意竊知為善徵。因誓之曰。口口郡當於此立廟。至是果為吳郡。乃立廟於方山。號曰白馬廟。今按秦淮東上元崇禮鄉地有廟。與史方山下東岸台隨車地名殷巷。二廟隔秦淮相望。里人各祀之。

（張僕射廟）在城西門外十里。（事迹緜云。舊經唐天祐中有清河張司徒營建。金陵百姓懷而祠之。今呼張僕射廟。北去城四里。南唐張懿公墓道在焉。或云。卽僕射也。名居詠。字德之。嘗爲特進太子太傅。未見爲司徒也。）

（周江乘廟）在攝山頂。（相傳吳時人。蓋賢令也。）

（韓將軍廟）在城西門。（額大吳韓將軍廟。唐末楊氏將吳。其人必有功者。）

（阿罕廟）在雞行街殺豬巷。（相傳金人殺掠時。有不忍而救免者。人記其名。立阿罕大王廟。）

（新林姥廟）（南史張敬兒於新林姥廟中。爲婁析子。自稱三公。不詳其所。）

（李氏女廟）在三山。（李氏名珣。字溫叔。都官外郎幼女也。八歲後賦詩。後適江夏王。常同泛舟。射利江湖間。婁徹爲江州作清風亭記。常方歎美。珣曰。未之盡也。何不云好山綠水萬里有盡處。清風明月千古無老時。一日。舉其文於徹。徹卒用其言爲破題。不久常死。珣溺舟三山磯下。後三日。尸忽出水中。土人異之。立廟。）

（楚菩提王廟）舊在攝山前。今徙棲霞寺內。（稽神錄攝山記。皆云神卽楚靳尚。以譴爲蟒。穴於山。齊永明中。有僧爲受菩提戒。立祠山下。號菩提王。事甚迂怪。亦見江總棲霞寺碑云。）

（蘇大將軍廟）舊在上元金陵鄉張陣湖側。（按南史宋明帝卽位。四方逆命。與蘇侯神結爲兄弟。以祈福助。事平。與建安王休仁書曰。此段殊得蘇兄神力。加峻驍騎大將軍云。）

（句容縣城隍廟）（在縣治南。）

（三茅真君廟）（句容縣志太玄真人傳曰。漢明帝□□年。詔敕郡縣修守丹陽句曲真人廟。陶隱居□此廟。猶存。在山東平阿村中。有女子姓尹爲祝。隸山西諸村。並各造廟大茅西

爲吳墟廟。中茅板山上爲述墟廟。今並不知處。惟昇元觀名鶴廟。在祠宇宮之上。以茅君分理亦城。每年十二月二日。駕白鶴會於此。紹興戊寅春重建。廟殿肅。工興。丹光現舊基。

（張干廟）在句容縣南鈴塘廟北。有張墓數百畝。紹興經界時。獨賦禁民田。東有石柱。前有陂池。（相傳王飲馬於此。又有口復廢寺及孝宅硯池。舊縣官禱雨。香爐侈轉不已。有碑記其事。舊額忠祐靈濟廟。信安盧襄書。今廟額曰正順忠祐靈濟昭烈行祠。以顯跡桐汭。反以此爲行祠。）

（廣濟廟）句容縣志。天聖觀附龍神祠。廟前有龍池。（昔陶隱居遷甯中池小龍。麥養於此。歲遇早禱雨。府縣官迎請致醮。每應。紹興出賜額。淳熙紹熙間敕兩封敷澤廣應侯。

（文孝廟）在句容東門內。（昭明有宅。茅山邑人祠焉。）

（劉明府廟）在句容東門內。晉劉超爲邑宰。有德政在民。

（沈吏君廟）乾道志。在句容縣北下蜀臨西北。又有沈公橋。（神卽宋沈慶之也。縣志曰。昭靈侯廟。有祝文。略曰。淳熙六年六月既望。從政鄧張巖。謹再拜尚文告。建康茂山沈侯之廟曰。惟侯武勇勁正。生爲忠義。死卽福一方。後其子備書曰。先公亦舉江東。乞靈。卜尋登第。越十年而寓前文。以私助飭祠宇。又四十八年。備濫爲宰。遂書文於板。以顯侯靈。）

（達奚將軍廟）乾道志。在句容縣東門內。縣志白羊門內。（事見。蹟仁威廟注。）

（盧大王廟）在句容縣西北東陽鎮市東。（父老傳云。盧綰也。無碑刻可攷。慶元志。鎮江周孚。嘗至祠下。曰盧絳也。致南唐史絳仕江南。至昭武節度使。城圍日。頻立戰功。及金陵城陷。募驍勇敵死千餘人。行收敗卒。由宣歙長驅入福建。循海聚兵。以圖興復。不果而敗。忠於所事者也。）

（射鳥廟）在射鳥山下。去句容縣北五十里。（或傳爲羿。）

（靈濟廟）在射鳥山下。句容縣志。張太尉廟在東門內。久廢。有靈濟王廟在縣南十五里。縣志作靈濟廟。龍王廟在縣東二十五里。武烈帝廟見前茅。司徒廟在茅山。事見溧陽天王廟。在縣城東角。

（溧水州城隍廣惠侯廟）在東百步。蓋唐縣治基也。（神卽唐縣令白季康。祈禱必應。宋元符中。邑民俞瑑率衆建廟。紹興九年。李朝正請於朝。賜額主顯。十七年封廣惠侯。淳熙元年修。王端朝作廟碑。十六年。加封孚應。寶慶元年。加封順濟。二夫人加封四字。開慶中。加封顯祐二夫人。加封六字。景定元年。權縣趙介如以唐中書令敏中侯之子。尚書居易侯

之子也。關西廡立祠。曰有唐文獻之祠。五年封顯忠公。夫人河東薛氏高陽敬氏。皆加封。子三人。皆特封侯。居易特封昭文侯。咸淳四年。邑。建顯應閣。樂天集石侯墓誌銘曰。公諱

季康。太原人。秦武安君起之裔。北齊五兵尚書建五代孫也。曾祖諱士通。皇朝利州都督。祖諱志善。尚醫奉御。父諱鑄。揚州錄事參軍知錄事次子。歷華州下邳尉懷州河內丞徐

州彭城令江州潯陽令宿州縣令宣州溧水令。歿於官舍。明年某月某日。歸葬於華州下邳縣某鄉某原。享年若干。嗚呼。公溫恭信厚。爲官貞白嚴重。友於弟兄。慈於子姪。鄉黨推其

行。交遊諱其才。自尉卜至宰溧水。潛以廉潔通濟。見知於郡守。流譽於朋僚。才不偶時。道屈於位。而徒勞於州縣。竟不致於青雲。命矣夫。哀哉。公前夫人薛氏。先公若干年而歿。

。生二子一女。女號灌虛。未笄出家。長子某。杭州於潛尉。次子某。陸州遂安尉。後夫人高陽敬氏。父諱基某官。生一子二女。女皆早夭。子曰敏中。進士出身。前試大理評事。歷

河東鄆滑澤寧三府掌記。夫人在室。以孝敬奉親爲淑女。既嫁以柔和從夫爲順婦。及主家。以慈止訓子爲贊母。故敏中遵其教。飭其身。昇名甲科。歷聘公府。以文行稱於衆。以祿養



榮於親。雖自有兼材。然亦由夫人誨導之所致也。夫人以太和七年正月寢疾終於下邳別墅。享年若干。明年某月某日。啓溧水府君薛夫人宅兆。而合祔焉。禮也。時諸子盡歿。獨敏中號泣襄事。託從祖兄居易誌於墓右。銘曰。繫我叔父。溧水府君。治本於家事。施政於縣民。繫我叔母高陽夫人。德修於家室。慶積於閨門。訓著趨庭。善彰卜鄰。故其嗣子。休有令聞。

（楚平王廟）在溧水州南十里。卽平王都舊址也。（乾道志。吳越春秋云。楚平王都岡城。周成王封熊一繹子男之田於荆蠻之地。靈王立。與敵日尋干戈。邊鄙不寧。時吳軍失利乃陷瀨渚。至平王用佞臣之言。殺太傅伍奢并其子尚。子胥奢子。吳用之破楚而入郢。其廟唐廣明元年重修。知縣周邦彥詩。奸臣亂國紀。伍奢思結纓。殺賢恐遺種。巢卵同時傾。健雛脫身去。口血流吳庭。達士見幾微。楚郊憂苦兵。十年軍如郢。勢如波捲萍。賢亡國嬰難。王死屍受刑。將墮七世廟。先壞百里城。子胥雖捐江。素車駕長鯨。驚濤寄怒餘。遺廟羅千楹。王祠其微。破屋風冷冷。蟄蟲陷香案。飢鼠懸燈檠。淫俗敬魍魅。何人顧威靈。臣冤不離主。況乃鋤丘塋。報應苦不直。吾將問冥冥。）

（左伯挑羊角哀廟）去溧水州七十五里。（今廟中像。羊左居左右。介子推位其中。詳又近地有子推墓。地名介墟。恐後人併其口爲一爾。舊志廟在漆橋路東五里。又有地名介墟。在近。後人因敬羊左義烈。併塑子推像祀之。然土人但稱羊左廟。）

（荆將軍廟）去溧水州南四十五里。孔鎮南大路西高陂古城內。（舊經云。荆軻祠未詳。蓋以羊左事見爾。）

（聖母廟）在溧水州東十四里。（蓋中山神。俗號俞母。俞丑救切。南唐昇元六年。邑宰廢淫祀。惟此廟獨加修建。祕書省正字賈彬作記。石刻已亡。耆老能背記。元豐元年春旱。禱

雨而應。邑人胡無競重刻石。略曰。有唐中興。文軌未一。至子宵吁。惠於蒸人。疇茲賢才。以理郡邑。詔琅邪王公出宰畿甸。公每鄙衆心尙崇淫祀。下有取舍。那分否臧。爰採地岡。稽之故事。古之誅侯。今之令長。得祀境內。以祈有年。有若聖母。享於是山。其名中山。其神后土。將以廟貌。胡爲不然。其餘囂浮所完。土木之設。並從毀拆。無或興妖。有以見公之去邪蔑疑。爲政以德。愷悌君子。其在茲乎。將仕郎試祕書省校書郎韋其矩書。

（張將軍廟）在溧水州東南二十五里。俗呼烏龍廟。禱祀輒應。民敬事之。州志事迹。昔民有女行田野間。遇黑龍而孕。後產鯉魚遂投水中。復變化隨母所遊。後乘雲去。每春時必不墓上。禱雨賜隨應。

（劉府君廟）在溧水州北三十五里方墟。淳祐十六年太學進士杜子源記曰。溧水縣北之柘塘。劉府君有祠焉矣。禱禱禱祈輒響答。端平丙申。里民以棟橈將壓。補其敝。且藻飾之。一夕。繪上有醜醜慢褻者。傍觀爲髮立汗下。結且起視。則雉經而死。尉陶君季治被縣檄驗視。爲廟素曰靈著。而今以是汚。弗靈矣。遽火之。已而風籬月牖。變詭幻怪。於是翻然悔。規復其初。鄉之著姓。濮君智明。首以義倡。時嘉熙己亥秋八月也。未幾。戎馬突至。居靡遑寧。其後因之水旱田菜多荒。不潰於成。淳祐甲申。乃始屬役殫力竭慮。若己作室。雪脊朱扉。林薄映照。揣高度廣。視舊有加。位置貌象。舉以法故。洋洋如在。民益敬憚。其子桂發求予記。稽諸志乘。及裴晉公所著隱碑。府君歸葬於鄉。今州北三十五里曰劉墓者是也。其門人韋乾度。良士鄒郡合十餘人。琢石爲碑。顏魯公敘送伯氏西遊。亦侈其鄂不移華之盛。晉魯二公。元勳盛德。日星儼明。千載聞風者。衽斂色悚。而於府君稱道如是。嗚呼。金陵古帝王州。達官顯人。壘壘丘壠。鮮有氏其地者。星而祠之。尸而祝之。歷百千歲如一日。府君之德如此。書於簡者獨甚。約幸託晉公之筆以傳。而又幸缺裂敲礪之餘。淪墜

割亭之所。非有賢大夫如戴公掣而出之。則其名行泯沒蒼煙衰草間。然則抉斷刻於垢汚。新廢祠於煨燼。其好古樂善行神風化一也。裴度撰神道碑。公諱太賁。字仲適。族彭城。晉永嘉末。戎寇南渡。遂爲金陵土地。見本州志。

（溧水州諸行祠）東嶽祠在州治東。張真君祠在臨淮門外。五顯祠在永安門內。

（溧陽州城隍廟）在州城南迤秀門內。

（顯惠廟）在溧陽州北二十里山下。（後漢司空驃騎將軍溧陽侯史崇廟。祈禱屢應。大觀元年賜額。政和三年。封靈濟公。舊經以爲溧陽史氏之祖。故又有史祖廟。廟中禱雨靈應記。南唐昇元三年知鎮縣事。郭延沼立。按唐制方鎮兵戍州縣者謂之鎮兵。將曰鎮將。知鎮縣事者。蓋以縣令兼將鎮兵。如今郡守知軍州事也。）

（貞義女廟）在溧陽州西北四十里瀨水上。（唐李白作碑。淳熙五年重刻。碑云。溧陽黃上里史氏之女。卽以飲食伍子胥自殺於水者。）

（趙城明王廟）在溧陽州趙城內。（明王蓋城之土地神。州志廟有記。唐中和二年鄉貢進士林雲撰。神諱禹。獨立漢庭。口持邦憲。關東江南飢民爲盜。王整師掃蕩。吳楚晏清。再分茅土。分王東平。今州有趙城。卽當時屯軍之地。後人思之立祠。大歷中。義興縣豪民張度聚衆數竊。至趙城東二十餘里。驚風駭浪。人溺舟沉。乃茲神力。水旱禱祝。剋日應期。今按漢書趙禹郤人也。爲丞相。史稱廉平。撰爲御史。至中大夫。歷中尉少府廷尉後以壽卒於家。其事下合禹。以異姓封王。史必不略。詳雲碑意。似指趙宗室爲王者。然不可考矣。

（梁城廟）在溧陽州古梁城內。相傳昔梁王國於此。

（赤鄒將軍廟）在溧陽州東北二里屠塘右。（舊經云。城樂鄉侯史崇之將也。）

（武程將軍廟）在溧陽州吉安門外。

(高鄭二王廟)在溧陽州北街廢

(伍相廟)在溧陽州護牙山下。

(聖姥廟)在溧陽州曹姥山下。

(潘真君廟)在溧陽州三鶴山下。(寰宇記云。潘氏兄弟三人得道。化白鶴衝天。後人思而立廟。祈雨有應。)

(白鶴廟)在溧陽州朝山下。(按茅山昇元觀。有白鶴廟事。州志舊經云。昔仙人釣魚於此。雙鶴來朝。集廟屋上。因名。石上有仙人迹。)

(東嶽茅司徒等廟)(按舊志東嶽廟。廣惠張王廟。五通廟。並在溧陽州西門內。忠祐廟見城內。武烈廟茅司徒廟。事迹云。稽神錄浙西僧德林。少時遊舒州。路見一夫荷鋤。治方丈之地。左右數十里。不見居人。問之對曰。頃時自舒之桐城。至此暴得疴疾。不能去。因臥草中。及稍醒。已昏矣。四望無人。惟虎豹吼叫。自分必死。俄有一人部從如大將至此下馬。良久。召二卒曰。善守此人。明日送到桐城縣下。遂上馬去。條忽不見。惟二卒在焉。某即強起問之。答云。此茅將軍也。常夜出獵虎。憂汝被傷。故使護汝。更欲問。即答曰。已出矣。不復見其二人。即起而行。意甚輕健。至桐城。頃之。疾愈。以所見立處立祠祀之。德林止舒州十年。及回。則村落皆立茅將軍廟。今俗呼茅司徒。在溧陽州東門外一里。舊志云。)

(祠山真君廟)在溧陽州招遠坊。

(五顯華光樓)在州城西隅賞心亭側。(神蓋五行之精。古有祀。道書謂。靈觀大帝祠廟。所在有之。江東尤盛。若木石之怪爲妖。則亦五行之沴氣耳。)

宮觀

（大元興永壽宮）卽舊（天慶觀）。在城西門內崇道橋北。南宋廢國學。置總明觀。地卽吳治城。晉西州故址。總明觀廢。道家者流。以儒觀之。名爲道士觀。楊吳於其地建紫極宮。徐鉉作記云。治城峻址。西州舊宇。卞貞公之遺墟。郭文舉之故臺。宋大中祥符間。改爲祥符宮。續改天慶觀。建炎兵火。紹興十七年重建。真太乙殿基。卽郭文舉讀書臺也。在祖聖殿後。治城樓忠孝亭。在觀之右。歸附初。治城樓廢燬。別建治亭。元貞間。改額玄妙觀。天歷間。潛邸屢幸之。觀主趙嗣祺與寶琳應對稱旨。尋陞觀爲大元興永壽宮。改治亭爲飛龍亭。賜嗣祺號曰虛一先生。寶琳曰虛白先生。令有司新其宮宇。出南行臺賦韻鈔。以供用費。皇上卽位之明年。又撥鈔二千定成其功。遣匠作臣造天神像。累賜金旛寶香。嚴其祀祀。至元二年。降輿書命卞其宮者。甲乙次第之。（翰林學士虞集記飛龍亭。略曰。昔在潛邸東南海嶽湖江之上。車轍馬足。有所至焉。則守吏民庶。輿咸榮幸。隨而表之。以識其愛慕之意。旣登大寶。自天光日華之所被。及山川草木。與有榮耀。則必有所述。以示乎天下後世。若集慶路太元興永壽宮之飛龍亭其一也。亭成久矣。而宮之住持道士。賜號虛白先生。臣陳寶琳始錄其事。卽臨川山中求臣集記之。亭本治亭。宮本玄妙觀。集慶本建康路。皆所賜名也。方在金陵時。行邸去治亭爲近。上時遊焉。一日傳命且至。臣寶琳出宮門迎候逾時。從官已奉供具。及門。則知已至治亭久矣。引鍾山之形勝。俯城郭之佳麗。願瞻徘徊。悠然有化育之治焉。從臣以寶琳見。上笑曰。道人何避客之久也。寶琳頓首俯伏請罪。上曰。山徑幽雅。取便而至。宜爾之不知。題治城者。虞集今何在也。皆對曰。今在翰林充學士。命王修家奴模而觀之。因藏諸篋。問寶琳何以字玉林也。則對曰。道士燒金石爲丹。傾抽鼎中。狀如瓊林玉樹。故取以爲名。上曰。當雪時。吾歷此亭。目力所及。樹木皆玉也。豈不易知乎。更謂之雪林。後臨御。別書雪林字賜近臣趙伯寧。而寶琳仍字玉林矣。謂寶琳曰。吾

出游數勞人。不如山行之便。可作柴門。嚴扃鑰。以待予之往來。自是數至寶琳。野人見上之樂。而忘其微賤。或持酒引裾。欣然爲留。亦不貴也。天歷己巳。寶琳與其宮之任持趙嗣祺朝京師。始製先生號。以賜金陵道士之嘗得見者。嗣祺曰虛一先生。寶林曰虛白先生。得之者。纔二三人耳。蓋異數也。時賜新宮名。而治亭名飛龍矣。明年之三月二十五日。臣集侍立奎章。上顯謂曰。汝猶憶治亭乎。亭旁松當加長茂。臣集對曰。臣集到治亭時。未種松也。上曰。遊治亭見卿書。以爲繫千載之思。實概於懷。因命臣集書宮亭名以賜。而寶琳持歸。賜南御史臺錢若干。新其宮。所謂治亭者。旣名飛龍。加飾楹楹。置御榻其中。重復而謹視之。別作亭其下。仍曰治亭。羣臣公卿大夫賦詠咸在。又爲亭以常鍾山之秀。名之曰鍾英。宮成。行臺御史大夫中丞以下。以郡縣守吏咸集於此。以修天子之賜矣。嗟夫。亭成至於今十有一年。而先帝棄臣民將八年矣。微臣辱在草野。未先朝露。詎能爲寶琳執筆以述恩光之萬一哉。於惟天子。仁孝純至。勛華相承。夔牆之見。無有遺思。先帝神靈在天。陟降上帝。雖曰不可度思。而日月所照。霜露所墜。輒懷上下。於萬斯年。臣民之瞻仰。烏有窮已乎。臣集故丕流亭亭石。以昭示於來者。至元五年十一月記。自改飛龍亭後。更作治亭。及鍾英亭。極冶城之勝云。

（洞神宮）據景定諸志。舊在蔣山太平興國寺東。有古基階級存焉。制使姚希得創蜀三神廟於青溪側。景定四年。就其旁創道宮以爲祈報燎爨之所。因以洞神舊額加之。命道士王道立爲知宮。俗呼洞神宮。蜀人文復之爲記。田產有碑。歸附後久廢不治。盱江道士江廷楫。以泰定初年住持宮事。始修宮祠。復其田土。於舊溪光山色亭基。創青溪堂。李孝光撰記。建業東有老子之宮曰。洞神在鍾山之下。歲久而橈。宋景定間。留守姚希得居守建業。希得蜀人。久宦不得歸。乃作蜀三神祠。建業青溪階中。俗相傳言江總故宅所在。希得念諸祠祀

。令佛老之徒守之。乃得不廢。遂徙鍾山故宮並樹焉。又大出金布，爲置次舍，土田園池芻蕘之地。屬道士王道立守之。事在文復之記祠語中。宋且亡。土田散屬巨家。祠亦弛弗治。其徒夢神人告曰。公有公孫止吾宮。則祠且復興。延祐六年。府江江廷楫濟川實來。始至跋青溪上。行視祠東西。大爲惕然。於是修三神之祠。明年。又益樹壞垣。改作兩廡始完。而御史中丞納璘侍御輔之。治書侍御史禿堅不華監察御中桑加達思過見之。開祠祀土田屬巨家。使有司悉按故籍。歸其土田。皆已復其舊。濟川乃曰。吾徒聚居以學道。道清淨而離世。然不可以褻。故有齋居之室。乃作室祠北曰青溪之堂。堂成屬余記之。客有問於余。三神者。皆蜀人。生有功於蜀。沒廟食其縣。何以得祀於他邦。余曰。先王爲祭法。凡爲民禦菑捍患。而德在生人。得著於典祀。夫三神有功於蜀。而爲蜀德。然其法則可施於天下後世。偏祠固宜。今夫公卿大夫。有民人之責。苟能推上之膏澤以利之。則民生祠之以報其仁。至於他縣之民。亦願欲望見幾幸一臨蒞之。以求得其所願。此無他。以爲能德已也。由是言之。推民之所爲事神。可以少愧卿大夫之不爲民德者。是故有功於人人思之矣。獨事神哉。余感濟川之用勞若此。故爲言焉。以慰問者之意。又爲之詩。樹祠之所始。濟川江丞相之諸孫。始仕矣。不遂去。修老氏之道。別自號野舟云。其詞曰。耽耽神棲。自鍾陵徙。青溪之詩。江令之里。三神並樹。蜀人留守。我聞三神。皆愍萬生。乎命上天。輔此衆萌。鑿江灌田。黍稷如京。惟孝廉氏。帝使司文。神光下燭。其煒如星。廟食蜀都。皆號神君。徧祠於楚。貴並公社。民飲食神。奠椒懷糝。始隆中弛。橈而復宇。字我而作。珍本具美。疾猶鬼轍。暈其有頰。藻井瑤房。僊聖至喜。神鼈扶宮。宛在中央。右裨海九。環以大瀛。口哉沉沉。上與河通。宮室清淨。幽人所棲。澹泊無欲。觀其天倪。辭祝三人。與天地齊。神有報民。則多祉福。宜稼於田。口倪大樂。時神之休。惟聖壽穀。

（報恩光孝觀）在報恩坊街。（觀其係陳朝進奏院故址。宋崇寧二年置觀。賜崇寧爲額。政和元年。改爲天寧萬壽觀。紹興九年。諸路天寧萬壽觀。並以報恩光孝爲額。專充追崇徽宗道場。近年重加修建。）

（崇禧萬壽宮）在茅山華陽洞南門之東。卽舊崇禧觀。（唐史方技傳。道士王遠知少聰敏。博綜羣書。初入茅山。師事陶弘景。傳其道法。高祖之潛龍也。遠知嘗傳符命。太宗平王世充。與房玄齡徵服以謁遠知曰。此中氣聖主。得非秦王乎。太宗以僞告。遠知曰。方作太平天子。願自愛也。太宗登壇。將重加祿位。遠知固請歸山。貞觀九年。潤州置太平觀以處。以舊園經云。晉陶隱居創後。爲永嘉館。復爲嘉遁館。以待四方之衆。卽此也。後號太平觀。爲盜所焚。南唐昇元初重建。宋祥符元年。因祈禱改名崇禧觀。建炎四年燬於火。紹興中再創。陶弘景傳云。大茅中茅間有積金嶺。先生於嶺西立華陽上下館。舊記云。崇禧觀。卽梁貞白先生陶君華陽下館。茅山記云。太師益國公。以金帛建造。觀宇粗備。先是眞宗祈嗣茲山。獲應。每歲建金籙道場七晝夜。內降青詞朱表。并降香施料。命句容縣宰充代拜官。設醮於此。由是總轄諸山。此觀爲張商英撰碑。今延祐六年改爲宮。）

（玉晨觀）世人稱爲茅山第一福地。（高辛時展上公。周時郭真人。巴陵侯。漢時杜康平。東晉。楊真人許長史父子。唐李玄靜。南唐王貞素。並在此得道。梁時陶隱居於此精修。爲華陽館。唐太宗時。爲華陽觀。玄宗時。爲紫陽觀。宋大中祥符元年九月。改爲玉晨觀。在雷平內北。）

（古太平觀）在茅山側。（梁時陶隱居誦書萬餘卷。善琴棋。爲諸王侍讀。永元十年。挂衣冠神武門。居句曲山。立館號華陽隱居。宋元符中。改太平觀。卽前崇禧觀基也。）

（崇壽觀）在大茅山下華陽洞內。（九錫碑云。宋太始中。廬陵太守魯國孔嗣之爲道士華



文賢建。舊記云。晉任事人舊宅。宋元嘉十一年。路太后建。未詳孰是。齊建元二年。立崇玄觀。晉太子嘗臨之。重廣基宅。唐大寶重修。宋大中祥符七年。賜今名。張天舉撰茅山志。載在華陽洞南。

(下泊宮)在中茅西。(茅山志云。大司命君。以漢地節三年。自咸陽昇舉。徑來句曲。外立茅舍。戶候二弟處也。隱居云。父老相傳。是司命故宅。唐貞觀十一年。重立碑。黃洞元文。

(元符萬寧宮)在積金山。(三茅記云。嘉祐中。有蜀人王略於積金山結廬。以煉丹藥。後因事捨去。劉混康初入山居之。宋哲宗召混康赴闕。詔以所居爲元符觀。崇寧五年。徽宗題其榜曰。元符萬寧宮。建炎四年。爲盜所焚。楊沂中以私財建造殿堂。

(祠宇宮)在中茅峯西陲。(舊記云。唐天寶七年。敕於廟下立精舍。度道士焚修。屯田員外郎柳識撰碑。)

(華陽宮)在積金山西。(舊記云本真白之上館。唐天寶七年。敕度道士焚修。後燬於兵。宋咸和中重建。)

(乾元觀)在茅山大壩山下。(陶隱居真誥定錄。言大橫山下有泉。昔李明於下合丹而升玄洲。梁。暨十四年。陶隱居創鬱罪齋室。以造玄洲之蹤。天寶中。玄靜先生居之。制旨建置殿堂基樹甚多。皆明皇賜額曰。神真堂。會真亭。候僊亭。道德亭。迎恩拜集等亭。宋朝大中祥符二年。國師朱觀妙於此結廬。先賜集虛庵爲額。天聖三年九月。改賜今額。)

(下聖觀)在茅山積金峯山。(梁。天監初。陶弘景開創池沼。唐貞觀中。建立道靖。至德中。賜名。澆宮。唐末遂廢。宋景德中。張明真結廬於此。祥符中。御製觀龍歌。送龍歸三茅山所得之池。卽此處也。天聖二年九月。賜名延真庵。五年賜額爲觀。)

(五雲觀)在華陽洞西門五雲峯下。(宋天聖中。王文穆公欽若於此建庵。景祐四年。賜額五雲觀。慶歷二年。晏元獻公殊撰記。後爲雷所擊碎。碑不再刻。)

(抱元觀)在茅山柳谷泉上。(舊名柳谷庵。政和八年。因陳希微修行於此。敕建抱元爲額。慶元間。王元綱重修。)

(昇元觀)在中茅峯西。(本名白鶴廟。劉至孝三遇仙桃之所。宋元祐中。道士湯友成友直居之。政和八年。俞栗奏改今額。)

(棲真觀)在崇禧宮東(本名玉霄庵。舊記云。陶貞白中館。宋宣和中。賜今額。)

(華陽觀)在崇壽觀西。舊名鴻禧院。舊記云。寶歷二年敕置。卽梁昭明太子舊宅。丘徵君亦隱於此。李德裕延太玄周先生有碑。宋治平中。賜名鴻禧觀。至宣和初。改今額。)

(清真觀)在大羅源中。(宋政和中。吳德清始營建。爲道人棲泊之所。徽宗朝。賜以觀額。紹興間。每歲三月十八日。四方道人皆會於此。齋時多有鶴至。故謂之鶴會。)

(燕洞宮)在柳山柳谷汧東。(宮之東南。有燕口山。三小山相偶。梁普通中有晉陵女子錢氏妙真。年十九。辭家學道。師事陶隱居。獨居幽巖。誦黃庭經。積三十年。佩白口入洞。自後奉祀不絕。至唐天寶七年。興修爲宮。賜額燕洞宮。度女冠。以紹香火。梁邵陵王爲記。

宋嘉祐甲辰。野火焚之。遂移於句容縣。紹興二十年復舊。)

(白雲崇福觀)在中茅峯西白雲峯下。(先是華陽宮知宮道士王景溫。退居結廬於此。紹興三十二年。名聞於上。詔卽所居建白雲崇福觀。)

(永僊觀)在方山。(宋淳熙四年。劉先覺以高士召賜。對重華宮講口口真經。引疾還山。攜賜詩於觀。朴峯棲泊。始名玉霄庵。今改此。)

(洞玄觀)在方山南。(輿地志。吳亦烏三年。爲葛玄於方山立觀。後玄白日昇天。今方山

猶養藥鑄。及茲□在焉。唐貞觀六年。併岩栖觀。建洞玄觀。

（永樂觀）在城東七十里。上元縣境。（舊經云。漢劉謙光捨宅爲觀。南唐昇元中。重修。宋改爲崇虛觀。）

（修真觀）在永壽宮西。舊在□王臺下。南唐保大七年。置爲女冠觀。宋開寶八年毀。太平興國二年移於此。）

（藏真觀）在茅山壘玉峯南。臨大路。劉靜一先生解真瘞劍之地。（宋朝大觀中建。因賜額爲藏真觀。側有龕一先生墓。）

（崇元觀）齊建元中。改爲崇元館。唐天寶七年重修。宋大中祥符七年。改今額。（紹興末桐川石先生名元朴。從楊奩甲學道。結庵常寧鎮之南岡。以醫濟人。日織草屨一緇。兼錢十文。縣戶外樹。使行者自取之。寒暑弗渝也。年八十八。無疾而逝。漫塘劉宰爲文祭之。至

元內子。以古額爲觀。其徒嗣守藥室。）

（元陽觀）古觀名。見顧況詩。（此觀十年遊。此房千里宿。還來舊窗下。更取君詩讀。）今觀在茅洞之上。隆興初。吳興道人沈善智者。穴居自稱洞主。遇韓蘄王夫人茅氏。爲創殿宇。初名冲虛庵。慶元間。請額爲觀。

（紫陽觀）舊名（洞雲庵）。建炎中。河北博州道士王破頭者。來山獨居丁公山東巖下。夜

夢神。指巖穴曰。此鄴都考訊之所。可去洞百步居焉。至秦檜歿。夫人王氏純紫詣請真李宗師乞拜。知檜繫此鄴山獄中。因命其子燻。卽洞口建太一殿。以求冥釋。所□□□右記存焉。至正癸未爲觀。存古額也。

（聖祐觀）在大茅山頂。延祐三年定額。奉太君眞應眞君。

（葆祐觀）在中茅山頂。延祐三年定額。奉中君妙慮眞君。

（仁祐觀）在小茅山頂。延祐二年定額奉小君神應真君。

（青元觀）在句容縣西南。（舊經云。葛仙公宅。梁天監七年建。有丹井在焉。）

（崇真觀）在元力山下。蓋卽前洞玄觀。宋避諱。改今名。（戚氏志云。正殿奉葛僊公像。葛氏環觀而聚居。有名天麟者。及知觀事。陳元吉各有所識曰。自吳立觀僊公飛昇。後靈祥至。白仲都輕舉相望。從孫稚川復遊鄭氏之門。而得其祖之學。自是觀宇羽翼日盛。子孫亦並山居不絕。觀額至宋避國諱及僊公諱。遂改今名。而志失其耳。至元十三年。燬於兵火。獨存遺像。葛氏秀實建殿。延道士周如一領之。而觀以漸復。以觀中南唐時戚据等請還洞玄鍾碑觀之。不及舊之宏麗矣。然居人崇嚮真侶來依。互山之境。無水旱札瘥之患。齋館日闢。樹植歲茂。將復洞玄之規。惟僊公藥臼及鐘。莫究所在。後山有月井。嘗在寶華宮內。加以石闌護淨。及建僊公殿宮碑具載。井隨宮廢。井上夜時有丹光驚飛。如石湮塞。近年人滌之。利其所藏。既下。開風雷聲擢而出。山中石星布虎伏二石。相傳有僊公昇杖履遺跡。道家閣皂山太極左宮符籙與三茅龍虎並行號三山。天印地連三茅。故出閣邑。宋嘗兩封僊公曰冲應孚祐真君。其子孫猶多儒雅云。）

（元真觀）今在臺治南直街東。（慶元志。徐鉉唐故道門威儀玄博大師真素先生王君碑云。天祐丁卯。避亂南渡。至於壽春。來止建康。有玄真觀者。陳宣帝爲臧矜先生之所作也。殿堂岑寂。水木清華。遊焉息焉。今不詳其所。宋末以舊額建於今址。曰元真觀。）

（洞真觀）在城中正南隅。秦淮南杏花村。（至元二十七年。郡人侯洞佐創道院。延金真道士陸智靜自治城全真西庵來居。道教所定額曰洞真庵。後朱大堅主庵事。泰寧元年。遂陞觀額。）

（口清觀）按實錄。梁大同二年置。西北去上元縣口十八里。南令護哲造。（乾道志。在

城東南四十五里。方山之東，唐隄成中重建。

（朝元觀）在溧水州臨淮門外。（舊西城道院。皇慶二年改今額。）

（尋僊觀）乾道志。在溧水州東南六十里。梁置鄰芝山燕。洞上有石壇。有古三門基。（舊經云。昔茅君行道之所。唐垂拱五年。道士琢石爲茅君像。重修石壇。今鄉名僊壇以此。）

（白石觀）在溧水州東南之荆山。去州六十五里。（舊傳卞和獲玉之地。今殿內有卞和塑像。有方池。近池有楚靈王廟。）

（遊僊觀）在溧水州西南八十五里（舊居女冠。）

（尋真觀）在溧水州西南九十里。（有許旌陽燒香壇。舊庵基在觀南五里。地名壇子。周邦

彥有雜詠尋真觀詩云。）

（通真觀）本在溧水州僊壇鄉。久廢。宋紹興八年。移白鹿鄉觀橋。

（陵陽觀）在溧水州東南唐昌鄉。今廢。（詳見崇德觀下。）

（金陵觀）在句容縣。（張允之建。）

（元曜觀）在句容縣。（王道鄰建。）

（元陽觀）在句容縣。（張元始建。）

（洞靈觀）在句容縣。（皇甫冉有詩。）

（僊臺觀）在句容縣。（劉言史有詩。）

（秦帝觀）在溧陽州東南州學左。（淳熙十年。道士王靈和移溧水州。廢額建。）

（太虛觀）在溧陽州盤白山。晉盤白真人得道之所。簡文帝詔真人宅造觀。賜曰（招僊）。

宋大中祥符元年。改今額。賜銅天尊像一。真人像二。觀有九井。真人煉丹藏井中。（觀西北有唐隱士許堅放魚池。東北有漢蔡伯嗜讀書臺。山頂有曾僊亭。基有銅鐘。唐大歷六年鑄

。有銘。州有廢永僊觀。唐開元初。宗先生法嗣建觀。碑在今觀內。乾道志。鐘樓嘗鼓側。楊吳順義中。一夕大風自正。在州西南三十五里。有周濬行濬先生墓。在觀之前。

（幽棲觀）在溧陽州北三十五里。有幽棲伯祠堂。（州志。紹興中尉朱大廉記曰。幽棲觀。舊梁普通二年。有隱士號幽棲伯。煉丹成。全家白日昇天。其宅居道家流。梁以其號名曰幽棲。觀基延袤三十畝。周圍有出有園。廣半頃。皆僊人舊產。舊有碑不存。觀中有藏丹九井。井泉甘美。不減惠山。觀東北有小阿。號朝斗山。山側有井。云幽棲伯祭北斗器。藏其中。山之右有望僊橋。當昇僊之際。人瞻仰而名也。許堅題詩。石刻尚存。）

（黃山觀）在溧陽州西南四十里黃山下。（舊傳西晉時。有黃鶴真人修道飛昇。唐天寶九年置觀。州志宋屯田員外郎周絳。少爲道士。一夕棄冠褐。發憤讀書。登太平興國八年第。是歲及知常州日。有書謝道友。觀中藏之。）

（崇德觀）在溧陽州西南六十里。唐長慶元年置。本名陵陽觀。大中祥符元年改今額。亦見溧水志。（水環觀西北隅曰蘭溪。溪上有墩曰掛魚臺。舊傳陵陽子明垂釣之所。元和郡縣志曰。陵陽山。在宣州涇縣。子明得僊處。溧陽州。舊亦隸宣州云。）

（靈寶觀）在溧陽州西六十里芝山。（舊傳梅福學僊之所。唐咸通二年修。宋太平興國中。重建州志。按福傳居家以讀書養性爲事。元始中。王莽專政。一朝棄妻子去。傳以爲僊。後有見福於會稽。首變名姓爲吳市門卒。豈嘗寓此乎。元豐中。封福壽春真人。）

（聖祖觀）在溧陽州西北六十里。（唐咸通中建。今廢。）

（紫虛觀）在府城炳靈公廟街。（至元十五年創。御史撤的彌實重修。）

（毓真觀）在青溪上。（宋景定二年。喬真人創名葆真庵。至順三年。集賢院定額。）

（三茅冲虛觀）在府城西門龍王廟側。（茅山是點對天佑建。弟子謝曰命繼守之。天歷曆邸

○嘗遊鄒沂道庵。有所坐軒扁全潛境界。庚午歲。併其庵基創龍翔寺。命曰俞別住此庵。改額大昇龍觀。

（西山道院）在冶城山之西麓黃泥巷內。（宋嘉定中。默應居士張守正者。遇一道人云。來自西山。授以驅蝗法。有廡。守正結草菴以居。嘉熙中。其從子妙真。因建爲西山僊集道院。祠許真君云。）

（全真庵）在府城立德坊玄妙觀街。忠烈廟西。古城隍廟東。（宋咸淳中張志朴字希陽者。漣水人。號木屐。老有道行。衆創爲庵。在西山道院南。後其弟子。移建是庵。）

（靈寶院）在茅山玉晨觀隱居昭真臺故基。（唐宗師孫智清于棲霞重建。奉靈寶天尊像。內有老君瑞像殿。）

（洞華館）在茅山南洞華陽觀之西。（政和間。延康殿學士王漢之爲高士沈子舟建。以鍊大藥。）

（西天寧院）在句容元符莊。宋崇寧五年賜額。

（玄淵精舍）在茅山鶴臺澗上。（至元間。蔣宗師立。存鬱岡古名。）

（華陽道院）在積金山東。（大德間。王宗師建。西偏有奇石。翰林學士元明善撰碑。）

（三茅道院）（大德間。元符道士姜大珪建。）

（唐若山庵）在茅山郭于塘東。（若山唐開元中。嘗爲潤州刺史。棄官來山。又居太湖菴山。今林屋有碑殘缺矣。）

（鄒尊師庵）在茅山八掛臺南數十步。尊師不知名。及時代有甃垣石曰及竈。纔方丈餘在荆莽中。宋紹興間。築菴始見。）

（齊雲菴）在中茅小茅之西玉沙泉上。（劉莎衣先生居。）

(天信庵) 在茅山懸輪峯下。(楊宜甲先生居。)  
 (圓錫菴) 先在茅山大維源。後徙龍尾山前。(宋紹興間。毗陵道者虞慧聰創。慧聰蓬頭苦行。日結草屨二兩以易米。每夕拜斗。一夕感黑虎伏其旁。高宗知名。召見德壽宮。賜以齋米對曰。野人無用。留作軍需。上一笑放還山。)  
 (栖菴) 在丁公山。(華文閣學士秦煊建。元符知宮張洞元主之。)  
 (凝神菴) 在茅山黑虎谷前小阿西。(山最深。舊有黑虎。未嘗傷物。宋高宗聞道士張椿齡名。召對德壽殿。爲書陰符清淨一經。并賜菴額。)  
 (悟真演院) 在府城內正西隅大木頭街。(元係南唐燕冀二王祠宇。宋淳祐間。改作道院。奉山真人。)  
 (奉真菴) 在府城南隅文孝廟西。卽秦淮僊境。)  
 (青溪道院) 在舊子城東偏。其地古青溪所經。(延祐元年。真定李允建。祠老子而下僊者。)  
 (四聖院) 在府城正北隅。(至元六年。道士仇至清重建。)  
 (朝真院) 在府城正東隅。(至元十九年。崔永王建。名朝真堂。泰定間改額。)  
 (中和菴) 在府城北隅。(全真李清菴苗實菴修建。)  
 (上清院) 在府城正南隅。(至元二十六年道士潘雲窗建。)  
 (上真菴) 在府城東南隅化門寨。(宋端平三年建。)  
 (上真菴) 在府城東南隅堤岸。(至元二十四年道人徐守一建。)  
 (長春菴) 在府城正南隅炳靈公廟街。(宋時建。)  
 (道寧庵) 在府城東南隅旗望寨。(延祐年間。郡人宋運成建)



(逍遙庵)在府城西北。(地近古耆闍寺。金真于道邁所居。熊編修鼎臣爲記。)

(玉陽庵)在府城西北隅。(金真王道庵建。)

(太清庵)在江寧縣治西。(宋鄧安撫住宅。至元二十一年。捨建道庵。大德五年四月十四日。有道人求齋插白枝石臼上。尋失所在。其石見存。)

(元和道院)在府城正南隅胭脂巷。(至元二十四年。楊道士建。)

(口口口)在溧水州城隍廟東。即舊崇真道院。(延祐六年。口口圭等建。)

(石湖道院)在溧水州儀鳳鄉。(延祐四年。俞逢西建。)

(三山道院)在溧水州上元鄉。距城二十里。(湯因建。)

茅山南北 有(歸真)(迎真)二館(崇真院)(鶴臺)(常靜)(石堂)(超然)(萬

松)(俱妙)(朝陽)(恩真)(積金山)(玉泉)(雲谷)(集聖)(崇真)(奉真)(

靜真)(澄真)(喜客)(慶和)(上善)(守柔)(靈寶)(抱朴)(秀雲)(青龍

(真興)(志和)(素華)(和福)(僊臺)(丹谷)(寧真)(儻然)(靖虛)(靖真)

(通泉)(太和)(致柔)(潛神)(善慶)(靜真)(妙法)(頤真)(如常)(靈泉)

(回隱)(洞陽)(通靈)(洪福)(玄德)(金真)(黃寧)(冲慶)(崇德)(玉虛)

(九錫)(草堂)(三華)(寧壽)(清靜)(老壽)(觀妙)(洞真)(木華)(悟真)

(高靈)(圓慶)(朝真)(隱深)(谷神)(抱陽)(和真)(仁和)(抱元)(集禧)

(至聖)(養神)(潛真)(正一)(拱極)(養素)(碧虛)(居靜)(濟陽)(朝元)

(百丈)(體純)(玄真)(扶虞)(凝雲)(寧靜)(明真)(口常)(澄虛)(靜隱)

(凝熙)(清虛)(柔和)(澄神)(守一)(常應)(德善)(熙真)(洞僊)(養拙)

(玄通)(德潤)(洞玄)又(朝陽)(玉液)(早素)(朝斗)(迎真)(延真)(慶雲)

(瑞雲)、各有二。凡一百二十四庵。皆道者所建。  
舊例祠廟寺觀。非祀典。及賜額不書。自歸附至今。建置頗多。其地居或係前朝宮府遺蹟。或係臺省官僚經畫修造。其題扁或經集賢官政院定擬。或有館閣名臣題詠碑刻。所奉祠者。又皆祀典之神。名爲祝釐報上。前志及郡報具見之。今不容悉刊而不識也。略存之。以備參攷。庵院倣此。

寺院

(大龍翔集慶寺)在城正北隅閃駕橋北。(天歷元年奉敕建。翰林侍講學士虞集撰碑。略云。上自金陵人正大統。改元天歷。以金陵爲集慶路。遣使傳旨。行御史大夫阿思蘭海牙。仍以潛宮之舊。作龍翔集慶寺云。明年。召中天竺住持禪師大訶於杭州。授太中大夫主寺事。設官隸之。畫宮爲岡。授工部尚書王士弘往董其役。斥廣兵地。爲民居者。悉出金購之。土木瓦石丹堊金碧之需。財自內出。不涉經費。工以備給役。邦遠農有司率職左功。景從嚮應。御史中丞趙世安承稟於內。行御史中丞易釋董阿忽都海牙。相繼率其屬以蒞之。是以吏敏於事。而民若不知。材既具。期以又明年正月六日壬午之吉而建立焉。其大殿曰大覺之殿。後殿曰五方調御之殿。居僧以致其道者曰禪宗海。會之堂居其師以尊其道者曰傳法。正宗之堂師弟子之所警。發辯證者曰音之堂。法寶之儲曰龍藏。治食之處曰香積。鼓鐘之宣。金穀之委。各有其所。繚以垣廡闢之三門。而佛菩薩天之像。設纓益床。嚴飾之具。華燈音樂之舉。與凡所宜有者。皆致精備。以稱上意焉。賜姑蘇腴田以飯其衆。上在奎章閣。親詔臣集制文刻石以誌之。臣聞金陵之虛。自秦時望氣者。嘗言有天子氣。至藏金土中以鎮之。其後若吳晉宋齊梁陳唐之君長。據以爲都。然皆瓜裂之餘。僅克自保。要不足以當王氣之盛。夫孰知江山盤踞之固。天地藏闕之久。積千年而有待於我聖天子之興也。不然。何淵潛

之來處。遂飛躍之自茲。見諸禎祥符。畢昭著之若此者乎。夫太陽之昇麗於天。光耀熙赫高深廣袤之區。生成動植之類。孰不受其煦煥。而其次舍之所經。知大者必仰推而志之。天子以四海爲家。莫非聖明之所臨鑒。惟帝運之所由起。天人應合之機。實在於此。其可忽諸。今上建極於中。撫制萬國。願懷昔居。勢隆望重。非我佛世尊無量之福。孰足以處乎此也。茲事之成。上以承祖宗之洪休。下以廣民庶之嘉惠。聖天子之至仁大慈。垂示乎億萬斯年者。以此可見矣。嗚呼盛哉。敢不拜手稽首而述讚曰。明明上天。祚我皇國。聖祖神宗。立我民極。於昭武皇。懋建丕績。憲章修明。民用齊飭。天下爲公。仁廟受冊。治極而圯。或敷彝訓。迺瞻明哲。是保是翼。俾久而安。弗邇以述。祝融效靈。海若率職。更相吉士。此爲與宅。吉士惟何。建業舊邑。龍山崇丘。虎在盤石。昔有居者。不稱厥德。惟我聖皇。天命攸迪。川寧於波。田宜於穡。民用孝敬。神介景福。帝命不遲。師武臣力。遂開明堂。受口之。廟而祖饗。郊門帝格。治功造成。庶物蕃息。江流湯湯。經我南服。中城有宮。皇所肇迹。惟時父老。載慕疇昔。雲來日臨。庶我心懌。皇帝曰嘻。予豈汝釋。惟大覺尊。寶相金色。常以慧愍。拯汝迷溺。我即我宮。作祠奕奕。照汝淨月。沐汝甘澤。汝見大雄。如我來卽。馬寶象寶。珠璣金燿。凡爲汝故。我施爲惜。無災無害。居佛之誠。民庶稽首。我不知識。我願天子。聖壽萬億。與佛同軀。住世有赫。一誠口口。有永無數。寺建後。命行臺官提調撥鈔置口口宮。主其賦入。歲有成規。詳見闕表及官守志。

（大崇禱萬壽寺）在寶公塔後。（天歷元年。行御史中丞趙世延撰碑。略云。昔在我世祖皇帝。膺上天之景運。承祖之丕基。混一海宇。建立制度。條理綱紀。一出睿思。以爲子孫萬世之成法者。昭乎若天旋而日行也。乃若崇尙佛教。營治塔寺。亦必弘佛殊勝。足以聳臣民之瞻焉。歷數大躬。天之所命。孰能違之。若夫大雄妙覺之尊。默相潛佑者。必有其徵矣。

是以聖相承。於是而行之也。澤邸在金陵時。於暇日登鍾山而觀之。見其凡山之縈迴。樹林之廣茂。民庶之熙洽。慨然興歎。以爲我祖宗德澤之涵煦以至於斯也。問諸邦人父老。則又以昔有聖僧曰寶公者。自梁以來。實委靈茲山。能助我國家之福。因以覆護吾民也。水旱疾疫。凡有禱焉。隨頌輒應。於是上感焉。鍾山之陰。有石巖中虛。下出流泉。注入功德水。乃卽巖中作觀音大士像。巖前構木棧。虛容瞻禮者。旣而又以爲火足。卽珠峯之北。得高爽之福地。規置大刹宮殿。閣。如白天降。寶公之塔。在峯上。正當其前。來茲山者。仰而望之。如見天宮於林壑之表。然後上仁民愛物之心。所以屬諸寶公者。泉庶莫不知之。相與踴躍而讚歎矣。鍾山之舊。寺聚銅數萬斤。鑄大鐘。金旣在鎔。以碧珠投之。及鐘成。碧珠不壞。完好堅固。宛在鑿銑。萬目驚睹。以爲寶公之報覲焉。天歷元年九月甲申。臣世延臣集入見。親詔之曰。宜加寶公號曰道林真覺慧感普濟聖師。寺曰大崇禱萬壽寺。汝世延等其勒文以記之。臣世延等旣具述其事。而竊思之曰。帝王之興也。天與之。天保之。百靈受職。符瑞交現。此其常也。金陵當東南之會。山川鬼神。翼扶翕張於吾君者。蓋凡五年而後歸正大統。宜皇心之注於斯乎。嗚呼。累朝佛宇之盛。皆臨御時爲民禱祭。資用功力。有司具焉。茲寺之成。實在艱難之日。出私財以具事。而雄麗若此。此固生民之所以深感乎淵衷。而寶公之所以顯著於祥符者也。嗚呼休哉。敢再拜稽首而獻銘曰。大江之南。鍾山龍蟠。王氣潛鬱。神所保完。於皇聖明。遵養時晦。靈祇奉天。竦立以待。春殷秋高。來遊來遨。旃有交龍。載雲在郊。顧瞻原隰。有稼有穡。元元之生。聖聖之澤。民亦望之。帝子實來。不鄙我邦。庶無苦哉。維梁寶公。夫之丁歲。善福其民。有引弗替。皇運勃興。寶有慧。奔走先後。克相厥時。奕奕祠宮。我營我作。我報無私。爾感無忤。吉金之良。燥溼不移。烏古在簾。宜號震冰。宜乃發祥。以肅羣眚。明珠不灼。彰上之賜。龍在天。臨制九圍。

○皇心徘徊。睿茲崇禱。崇禎之字。永殿南階。天子萬年。錫我民福。○  
○帝師寺在保寧寺北。○延祐七年建。○

○保寧禪寺在城內飲虹橋南。保寧坊內。○吳大帝赤烏四年。爲西竺康僧會建。寺名建初。晉宋有鳳凰集此山。因建鳳凰臺於寺側。宋更寺名曰祇園。昇明一年。齊太祖爲比丘法願造寺。於其地得外國輻爲白塔。又名白塔。唐開元中。寺僧大惠禪師者。明皇召至長安。尋求歸山。詔可之。因改其寺爲長慶寺。其額韓擇木書。南唐保大中。齊王景達爲先主造寺。因名奉先。宋太平興國中。賜額曰保寧。祥符六年增建經鐘樓觀音殿羅漢堂水陸堂東西方丈。莊嚴盛麗。安衆五百。又建靈光鳳凰凌虛三亭。照映山谷。圍甃磚牆五百丈。茂林修竹。松檜叢蔚。詔歲度五僧。政和七年。敕改神霄宮。建炎元年。敕復舊額。三年四月。駕幸江寧。權以寺爲行宮。閏七月加浙西。其命卽府治作爲行宮。而御坐猶在木寺。歲久屋弊。留守馬光祖重修殿宇及方丈觀音殿水陸堂廚堂庫院。移鐘樓冠青龍首增進廊屋。橫直一十八間。作新建鳳凰臺記。詳見鳳凰臺下。○  
○天禧寺即古長干寺。在府城西門外。宋天禧二年改今額。寺有阿育王舍利塔。祥符中。賜號聖感。其晉高裡所施金像。隋文帝移置長安。○梁天監元年立。大同元年幸長干寺阿育王塔。出佛爪髮舍利。又幸寺設無遮會。大赦。丹陽記。大長干寺道西有張子布宅。在淮水南。對瓦官寺。長干是秣陵縣有里巷名。江東謂山墻之間曰干。建康南五里有山岡。其間平地庶民雜居。有大長干小長干東長干。並是地。○小長干在瓦官寺南巷西頭。出大江。○梁初起長干寺。接塔記在秣陵縣東。今天禧寺。乃大長干也。宋開寶中。曹彬下江南。先登長干。北望金陵。卽此地。天禧二年。改爲天禧寺。政和六年建法堂。卒之儀端叔撰天禧寺新建法堂記云。天禧寺者。乃長干道場。葬釋迦真身舍利。祥符中。建塔賜號聖感舍利寶。

塔。至天聖中。又賜今額。按梁書大同三年。高祖改造阿育土塔。出舊塔下。舍利及爪髮。髮青紺色。衆僧以手仙之。隨手長短。放之則屈爲蠶形。始吳時有尼居此地。爲小精舍。孫繚尋毀除之。塔亦同泯。吳平後。諸道人復於舊處建立焉。中宗渡江。更修飾之。至簡文咸安中。使沙門安法師程造小塔。未及成而亡。弟子僧顯。繼修之。至孝武太元九年。上金相輪及承露。其後西河離石縣。有胡人劉薩何遇疾暴亡。而心下猶煖。未敢便殯。經七日更蘇。說云有兩吏見錄。至十分地獄。隨報重輕。受諸苦毒。見觀世音語云。汝緣未盡。若得活。可作沙門。洛下齊城丹陽會稽。並阿育王塔。可往禮拜。則不復入地獄。因此出家遊行禮塔。次至丹陽。未知塔處。乃登越城望見長干里。有異氣色。因就禮拜。果見阿育王塔所放光明。由是定知有舍利。乃集衆掘之。入一丈得三石碑。中一碑有鐵函。函中有銀函。銀函中有金函。盛三舍利。及爪髮各一。枝長數尺。卽遷舍利近北。對簡文所造塔。造一層塔。十六年沙門僧尙加爲三層。卽高祖所開者也。寶錄咸和中。丹陽尹高惺行至張侯橋。見浦中五色光。乃下車載像還至長干巷首。牛不肯進。乃令御人任牛所之。牛徑牽車入寺。惺因留像付寺僧。每至中夜。常放光明。又開空中有金石響。經一載。捕魚人張係世於海口。忽見銅花跌浮出水上。取送縣。縣以送臺。乃施像足。宛然合會。簡文咸安元年。交州合浦人董宗之探珠沒水。得佛光豔。交州押送臺以施像又合焉。歷三十餘年。光跌始具。隋文帝徙人長安。蘇魏公頌長干寺詩注云。晉時有沙門惠遠至金陵長干。獲古佛塔。因於其地建佛塔。卽劉薩何也。至南唐時。廢寺爲營廬。久之。舍利數表見感應。祥符中。僧可政狀其迹并感應舍利投進。有詔復爲寺。卽其表見之地。建塔賜號聖感舍利寶塔。白塔在寺東。卽葬唐三藏大徧覺玄奘大法師頂骨之所。金陵寺可政端拱元年得於長安終南山紫閣寺。俗呼爲白塔。事具塔記。元符二年知府事呂卞御請於朝。改爲十方住持。楊次公長干聖感塔詩云。釋迦

八萬四千塔。一在江南古道場。其礙展開青鬢髮。最初分得白毫光。陳軒金陵集。載魏京登長干塔詩云。江南管當幸。畢。盡憑廟算非臣專。眷言此地本軍壘。乞與招提安佛子。蓋敘宋初事也。至元二十五年。有詔選高行僧三十員。開講於江南諸郡。擇名利以居之。時薊城德公講主。首奉詔開席於金陵天禧寺。說經訓。傳慈恩之教。未幾特賜號佛光大師。并撥賜故宋太師泰申王墳寺旌忠寺爲下院。以其廢座。共贍講席。改賜元興天禧慈恩旌忠寺額。僧統廣福大師。嘗施財繕修大塔。泰定中。潛龍時嘗幸寺。及登大統。以所奉觀音像付寺供養。歲給香燈之費。至順初。佛光之孫法嵩人覲。顧謂曰。舍利塔曾修完否。嵩曰未也。卽時賜內金三定。及官錢五千緡。以助繕修。臺臣郡守咸致其力。有旨命佛光之徒廣演主寺事。賜號弘教大師。塔完之日。嘗感天花如雨。祥光如練滿空者凡數日。詳見中丞趙世延所撰碑。

、正覺禪寺一名鐵塔寺。在城內西北冶城後岡上。(宋太始中。邦人捨地建精舍。號延祚寺。至唐有靈智禪師。生無雙目號羅暎和尚。經論文字。悉能明了。時人稱有天眼。爲建塔於寺內。廣明中賜額。梁侯景之亂。王僧辯入援。景使其黨宋長貴守延祚寺。何遜有卷延祚寺閣詩。佛殿前有鐵塔二座。鑄云乾興元年造。古鐘亦唐時所鑄。有經幢鐫文曰金陵府延祚院寺。有井十一口。內一口最大。號爲百丈泉。并闌上字乃保大元年所鑄。宋熙寧中。賜寺名曰正覺。塔名曰普照。王荆公嘗於寺西作書院。有軒名籀韻。建炎三年。以法堂西偏爲元懿太子攢宮。令寺東偏。復建延祚閣。名公賦詠尤多。炳靈公廟西及新亭側。又別有正覺寺云。)

(能仁寺)在臺治東口。(劉宋元嘉二年。文帝爲高祖建。名報恩。唐會昌中廢。吳太和六年。毗陵郡口徐景通爲其親重建。曰報先院。南唐昇元中。改爲興慈院。至開寶中又廢。後

有里人捨宅復爲興慈院。太平興國二年。以院地卑溼。徙置於此。以乾明節日建院額。復改爲承天寺。政和中。又改今額。景德志。能仁禪寺在南廂嘉瑞坊。慶元間。游九言佛殿記云。寺南接秦淮數百步。其地方青溪之濱也。自宋始建。至南唐改興慈。無鑄識可攷。獨據圖經所載。然五代唐愍帝應順甲午。爲吳太和逆數會昌乙丑。蓋已九十年。旣曰廢矣。中間誰所繼續。院之老僧。僅能記本朝之言。院故在西門雙廟之東。至道中有圓覺律師德明者。中開誰遇太宗召見。錫御容及羅漢像以歸。咸平間。重賜院基田產。更律院爲禪寺。寵以詩章。寺復顯。至崇寧賜名承天。政和七年改能仁。今之守墓咸平所賜而遷也。又曰。國志謂寺嘗廢於開寶中。繼有捨宅爲寺者。邦人復以卑溼徙。今地不知何據。觀咸平制書。則老僧相傳。當爲可信。建炎三年。屋宇暨朝廷所賜復燬。猶賴制書無恙以昭後。自是草創數十年無振起者。淳熙丁酉。余客金陵。偶至寺殘僧。蕭然。敗壁風雨莫蔽。門臨街喧。過者陋焉。適主僧允微初嗣法席。布衣芒屨。徒步通衢。略無外飾。氣貌淳夷。語言靜止。心固重其爲人。後十八年。余來爲師屬。則大門易東嚮。堂廡壁甃。盡撤其舊。僧徒彬彬。而微則老矣。然其布衣芒屨如故。戶庭雖華。而居室甚陋。齋庖潔豐。而自食至菲。金陵城中多鉅刹。同時主出有澤車。衣有織綺。而臺殿欹斜。籍口檀施。漠不顧恤。微頽然自勵。曾無緇袍狐貉之慚。慶元丁巳。鼎建大殿。微言曰。能仁非他方比。國朝忌日。府臺率屬。文武駁奔。其炷爇。冠蓋填溢。今老釋之宮。咸曰焚修爲國也。而廢頽若是。何所掌乎。願記其事。并錄院之始末。毋若向之失傳。戚氏云。今寺南唐古寺基。保大年中。昇州特進守司徒致仕鍾山公李建勳捨田入寺。後廢。宋朝撥賜地基。起興慈禪院。咸平初。建勳女潤州本起寺住持臨壇積律大德尼進暉申明宅以故父李相公舊所施曰入興慈寺。至今供常住。咸平後改承天寺。崇寧間。又改入下承天爲能仁寺。眞宗賜昇州法主圓覺大師。賜紫德明詩曰。精勤演律達眞



風。釋子南禪道少同。與旨筌蹄悟佛理。慧燈廣布九圍中。眞蹟今藏寺中。至元五年。住持僧旣斲其寺。又作鍾山公祠以祀之。土田多公所施也。臨川危素請記於集賢揭公侯斯。略云。五代之際。君不君。臣不臣。可謂天下大亂之時。而公所與爲僚友者。有若馮延巳其人。史雖稱公有吏材。董猶不相雜。冰炭不相入。豈能行其所志哉。宜乎引身山水之間。謝病不出。死而屬其家人以薄葬。公命之厄於天。勢之厄於人。有可悲者矣。建勳事見年表。

（太平興國禪寺）在蔣山內府城十五里。梁武帝天監十三年。以定林寺前岡獨鶴阜葬誌公。永定公主之湯沐之資。造浮圖五級於其上。十四年卽塔前建開善寺。卽今寺基。唐乾符中。改爲寶公院。南唐昇元中。徐德裕重修。後主又改爲開善道場。至太平興國三年。改賜今額。慶歷二年。葉清臣奏爲十方禪院。紹興三十二年。加封寶公號塔。以感順爲額。今塔院西偏。有木末軒。王荆公命名。俯視巖壑。虬松參天。幽邃可愛。爲山之絕景。荆公罷相。居金陵。多以資產金帛助施寺中。各有碑籍。劉岑佛宮記。梁武女永定公主捨財。創精舍。葉清臣爲守。始以釋易律。元豐中。主僧法泉經營辛苦。成大叢林。焚於建炎。佛殿前大毗盧閣兩翼。爲行道開闕之殿。其餘堂廡極雄麗。皆紹興以來建也。淳熙十六年九月晦日。又火寶公舊像。父老相傳。沈香爲之。宋初取歸京師。陳軒金陵集。載狄威遊鍾山詩云。屏幃歸象魏。翠塔臥煙霞。謂此事迹。太平興國七年舒民柯夢。遇老僧。往萬歲山。指占松下掘之。得石篆。乃誌公記聖祚縣建之文。於是遣使致謝諡曰寶公妙覺。治平初。更諡道林眞覺大師寺。舊有誌公履洗鉢池。寺後向東。有婁禪師塔。泰定二年正月。寺復遺漏。主僧守忠極力營創。至順二年九月。翰林學士虞集奉敕撰碑云。昔金陵有神僧曰寶誌。宋元嘉中。居道林寺。歷齊至梁。數著靈異。天監十三年示寂。武帝感其遺言。瘞之鍾山獨龍之阜。帝女永定公主。以浮圖。因建寺曰開善。至宋太平興國年間。太宗得誌公祕識石中。符其闕述。

有神降其宮。親與之語。蓋誌公云。太宗異之。號之曰道林真覺。更名寺曰太平興國。賜田以食其人。及王丞相安石守金陵。合諸小刹以附益之。寺始大。建炎燬於兵。紹興更作。淳熙又燬。隨更作之。每更作輒加宏廣。日葺歲增。至於我國家。而規制之盛極矣。至治辛酉。匡廬僧前靈隱玉口禪師弟子守忠。應請來主之。禪學之士。來者日滿其室。今上以太定乙丑之歲。正月來至於是邦。而寺適災。天意若曰其撤舊而作新之乎。上感焉。出金幣以爲民先。於是行御史臺與郡縣之吏。皆祇若上意。始忠之治寺也。舊有蒲蘆之澤。前見奪於豪家寺隸。訟之累年不決。忠至讓而弗辯。奪者愧而歸之。人固以是信道之矣。皇上一風動之。遠近雲集。富者効其財。貧者輸其力。工則致其巧。農則獻其食。一歲垣廡成。再歲屋室具。其可以名書者曰方丈。曰北山閣。曰經樓。曰香積。曰水陸堂。曰白蓮堂。曰伽藍祠。曰大僧堂。曰道林堂。曰新倉院。曰耆宿之舍。而大宏興。鍾三門皆以上資次第。歲在乙卯。鑄大鐘。爲銅數萬金。方在治。上資寶珠投液中。鐘成。珠宛然在其上。若故識之。而光彩明發。不以灼燬。萬目共觀。謹嘆如一。時上方別建宏祠於寺北。今賜名曰大崇萬壽寺者也。是年秋。歸膺大寶。是爲天歷元年。出詔書布德。天下。卽命廷臣製寶公號曰道林真覺。慧感慈應普濟聖師。封名香以禮祠之。出黃金白金重幣賜忠俾成寺之役。獨寺田之賦。號守忠爲弘海普印曇芬禪師。住持大崇萬壽寺。而兼領茲寺未幾。加封廣慈圓悟大禪師。領兩寺如故。至順元年秋。御史中丞趙世安傳敕。召忠入朝。九月九日。上御奎章閣。吏部尙書王士弘以守忠入見。奏對稱旨。命太禧宗禋院。日給稟。德賜金欄伽黎衣與青鼠之裘。十二月一日。賜額於聖恩寺。延召學士臣集至榻前。命製文以記之。俾忠歸刻諸石。忠以其事。示臣集如此。臣集謹具載而言曰。上於金陵新作之寺二。曰龍翔集慶。因潛龍之舊邸也。曰崇禧萬壽。廣親構之新祠也。獨太平天國。雖曰宋齊梁唐宋之遺。然空殿而復興。實在今上

龍飛之日有運之。玄奘蓋有徵焉。茲三寺者。鼎立於一郡。以同贊乎聖天子億萬斯年之壽。豈不盛哉。臣集嘗竊聞陛下之意。每不欲專福於躬。而欲博濟均惠於天下。敢述萬一而銘之。銘曰。維帝受命。厥有禎符。天人合機。不占以孚。於赫聖皇。聖武之系。贊於克艱。神有可契。皇有萬方。山川摶員。蓋厥下土。徒御告勤。顧瞻道林。在江之汜。翠蓋孔旌。來狩來止。道林有宮。百靈攸宗。中有神師。民所敬恭。土良泉甘。風雨時若。發祥效珍。以待聖作。聖作孔時。動天而隨。龍躍以飛。神師啓之。神師不言。而示以兆。有命方新。去以燎。作而新之。自我聖皇。乃祓乃除。乃基乃堂。日月重明。天光旁燭。皇心載欣。萬神降福。凡我臣民。息養以生。館歌煖燠。稚壯耆寧。褰兵以革。牛馬在野。至於永久。樂其休暇。蟬動拳植。亦遂以成。幽塞苦冤。各暢而亨。聖皇之心。斯神之力。銘以著之。昭示無極。

（半山報寧禪寺）在城東七里。距鍾山亦七里。王荆公安石故宅也。（其地名白塘。舊以地卑積水爲患。自荆公卜居。乃鑿決水通城河。元豐七年。公以病聞。神宗遣國醫診視。既愈。請以宅爲寺。因賜額報寧禪寺。寺後有謝公墩。其西有土山曰培塿。乃公決渠積土之地。由城東門至鍾山。此半道也。故亦名半山寺。公有謝賜寺額表云。基迹鳴祠。冀鴻延萬於壽。鈞。扁榜。竊榮遇於一時。臣生乏十長。世叨殊獎。賤息奄乎犬馬。頽齡俯迫於桑榆。獨念親逢。莫有消埃之補報。永惟宏願。豈忘香火之因緣。伏蒙陛下俯徇祈誠。特加美稱。所懼封人之祝。終以堯舜。乃塵長者之園。邊如佛許。仰憑護念。誓畢薰修。李坡詩所謂朱門收畫戟。紺宇出青。正指此也。公與其弟魏國公安禮。各撰一疏。延湖西人真淨文禪師爲開山第一祖。道行孤特。洪覺先文禪之法子也。又有實禪師語錄序。王旂撰。米芾書。陸軒金陵集。載荆公半山寺詩凡十五首。至元己卯三月遺漏。至正元年住持匡廬僧元龍重

建。

（清涼廣惠禪寺）在石頭城。去府城一里。（吳順義中。徐溫建爲興教寺。南唐昇元初。改爲石頭清涼大道場。宋太平興國五年。改今額。舊傳寺嘗爲李氏避暑宮。寺中有德慶堂。今法堂前舊基是也。後主嘗留宿寺中。故其詩有未能歸去宿龍宮之句。德慶堂名。乃後主親書。祭悟空禪師文。亦後主自作。碑刻今並存。蘇東坡嘗捨彌陀畫像於寺中。故東坡有詩云。問禪不契前三語。施佛空留丈六身。慶元志寺有白雲菴。見荆公詩。見法眼泉名畫錄。有董羽書龍。李後主八分書。李膺遼草書。時人目爲三絕。按類說江南李氏時。有一民死而復蘇。云至冥司。見先主被五木甚嚴。曰吾爲宋齊丘所誤。殺卞州降者千餘人。汝歸謂嗣君。凡寺觀鳴大鐘。吾受苦則暫休。或能爲吾造一鐘尤善。後主造鐘於清涼寺。鐫云追薦烈祖孝高皇帝。脫幽出苦。又蘇公妻王氏。元祐八年捨於京師。遺言捨所受用。使其子邁追過爲盡西方阿彌陀像。安於寺。寺後有周虎石頭城三大字石刻。張祐溫庭筠有詩。今按唐人有詩。則吳重建開矣。近年殿後堂舍燬於火。重修建未完。）

（報恩光孝禪寺）在府城西門內。（舊爲天寧萬壽寺。宋紹興九年。詔改今額。追崇徽宗道場。泰定戊辰。住持室虛僧義深。經畫重修。）

（壽寧寺）在府城北隅。卽舊廣孝寺基。按綱經本在欽化橋街西。江寧縣治南。（梁普通元年。造大愛敬寺於鍾山南。唐乾符中重修。廣明元年改廣明愛敬禪院。南唐改廣孝禪院。開寶七年。徙入城中。南唐張洎捨宅置。淳化五年改今額慶元壽寧禪院。宋參政張洎。南唐賜第也。至道中。捨宅爲寺。併城北廣孝寺入焉。其孫諤云。乾道志謂昔爲愛敬者寺非也。家集有謝表可證。舊有瓊花一本。內翰張環手植。移自維揚云。）

（崇勝戒壇院）卽古瓦官寺。又爲昇元寺。在城南南隅。（實錄。晉哀帝興寧二年詔移陶官

於淮水北。遂以南岸陶地施僧慧力。造瓦官寺。慶元志。舊或作瓦棺者。非也。南史師子國。晉義熙初。始遣使獻玉像。經十載乃至。像高四尺二寸。玉色潔潤。形製尤殊特。殆非人工。此像歷晉宋在瓦官寺。先有徵士戴安道手製佛五軀。及顧長康維摩圖。世號三絕。至齊東昏。遂毀玉像爲潘貴妃釵釧。十國志。南唐昇元二年。改瓦官寺爲昇元寺。吳興閣爲昇元閣。乾道志吳順義中。改吳興寺。南唐改昇元寺。太平興國五年賜今額。景德志。淳熙中韓元吉爲記。每度僧於此受戒。官作棺者。蓋據俗說。晉時長沙城隅陸地生青蓮兩朵。民以聞。官掘之得瓦棺。葬一僧。花從舌根生。父老云。昔一僧誦法華經萬餘部。臨死遺言。以瓦棺葬。遂以寺名瓦棺。其說迂蔓。既云長沙。於此無與。按記謂今寺地。卽張昭故宅。其昇元基。今寺西北有寺街。及石經幢尙存。）

（鹿苑寺）舊名法光寺。卽梁蕭帝寺也。在今城東南隅（宋元絳重建蕭帝寺記略云。金陵王氣三百年。聲名文物。與時隆替。中惟蕭梁折節以佞佛。故佛之廟貌充斥江表。都城巽維直淮里所有精舍焉。紫峯紆餘。反宇欲翔。盤高孕虛。含吐萬景。望之煇然如修虹。巨霄丹碧相發。殿有聖像。卽山而成。追琢之功。極其精妙。按輿地志。不知從昔之名。但後人以帝氏目之。黃旗運歇。勢勝故在。閩唐據據。因其蹟而增華。易榜法光。標爲幽概。聖朝混一書軌。以三代文教。簫勺宇內。四聖累洽。浸厚福於生民。梵刹禪林。容仍舊物。而茲寺垂隋。窳焉不支。己卯春。寺僧募大姓杜德明出精金五十萬程工。就其址起高廣殿。水堦不移。焚撩有嚴。光輝復還。風改異態。又紛繪釋迦文相。卽山塑十六大尊者。生生之供。稱是該備。其秋告成。乃作鐘唄蒲殮以落之。道俗和會。圓視作適。青溪之水木。鍾阜之雲物。來入軒所。相爲澄曠。都人詫焉。有條其狀而至者。會同閉趙郡李君從事海濱。謂余有一日之雅。授簡不腆。月而日之。庶以傳久。寺蓋重建於南唐保大。易名法光。至宋敕改今額寺

。後有周處書臺。佛殿前有郗氏窟。舊傳梁武帝郗后化蟒於此。以天監十三年造寺。圖史補武帝造寺。令蕭子雲飛帛大書蕭字。李紗見之。破產載歸東洛。建一小院玩之。號蕭齋卽此寺舊額也。

（嚴因崇報禪寺）卽景德棲霞寺。在今城東北之攝山。去城四十五里。（齊永明七年。明僧紹捨宅爲寺。見江總寺碑。僧紹自宋泰始中遊此山。刊木結茅。二十許年。遂捨爲寺。寺有舍利者。乃隋文帝葬舍利處。唐高祖改爲功德寺。增治梵宇四十九所。樓閣延袤。殿宇鱗次。高宗御製明隱君碑。改爲隱君棲霞寺。御書寺額。有碑尙存。字不可辨。武宗會昌中廢。宣宗大中五年重建。南唐高越林仁肇建塔。徐鉉書額曰。妙因寺。宋太平興國五年。改爲普雲寺。景德五年。又改爲棲霞禪寺。元祐八年。改賜今額。爲參政簡翼張環功德寺。左有千佛嶺。後有天開岩。碧蘚亭。白雲庵。迎賢石。醒石。中峯澗。石房。白雲泉。亦云品外泉。寺前有明僧紹高越臺山中南谷。昔有天台止觀寺高僧法曠。嘗於山紫溢峯下建般若堂演大論。有虎穴寺在山中峯。齊王融有遊虎穴寺詩。宋景文祁雞蹠集云。南齊棲霞寺大明法師好論談。手執松枝爲談柄。隋文帝仁壽二年。送到舍利。天下凡八十一州。分造塔。蔣州棲霞其一也。唐則天建舍利塔於青龍山之巔。唐末焚燬。寺有金銀銅像。背記略云。維大唐龍景二年四月八日。洛州大福先寺前棲霞寺主比丘曇一。於潤州江寧縣明隱君經坊內。鑄寫金銀銅釋迦像三軀。奉爲高宗皇天大帝則天大聖皇后應天神龍皇帝云。又有石像。在千佛嶺。棲霞詩注云。明隱君與度法師。講無量壽經。西峯石壁中夜發光。光中現無量壽佛。自爾捨家財鑿岩。造大像。坐高五丈。觀世音智立像高三丈五尺。宋齊七帝造石佛千尊。所謂千佛嶺。高僧傳云。釋僧祐性巧。攝山大像剡縣石佛尊。並祐經始。）（隆報寶乘禪寺）卽舊草堂寺。在上元縣鍾山鄉。去城十一里。（齊周顒隱居之所。後顯出

仕。孔稚圭作北山移文。假草堂之靈以譏之。高僧傳云。時有釋慧約。姓婁。少達妙理。顯素所欽服。迺於鍾山舊館。造草堂寺以居之。今寺左乃婁約置臺講經文之地。寺後卽顯舊居也。唐會昌中寺廢。宋復建。治平中。賜額寶乘。紹興三十二年。改賜今額。

(同泰寺)舊志。在梁時北掖門外路西。與臺城隔路。(寶錄。梁大通元年。創北寺。寺在宮後。創開一門。名大通。對寺南門造大佛。入殿。大同十年。震火。所焚略盡。卽更造未就。而侯景亂。南唐改爲淨居寺。尋又改圓寂寺。其半爲法寶寺。又輿地志。法寶圓寂寺卽古同泰寺基。龔穎運歷圖云。大同元年。幸同泰寺。鑄十方銀像。二年幸同泰寺。鑄十方金像。六朝事迹云。梁武帝起同泰寺。在臺城內。窮竭帑藏。造大佛閣七層。爲大火所焚。梁帝捨身施財。以祈佛福。大通以後。無年不幸同泰寺。設四部無遮大會。俄而侯景兵起。開城遂以虛器進膳。自庚辰至丙戌。七日不食而崩。寺今廢。其半爲法寶寺。詳見後。)

(法寶寺)一曰臺城院。乃梁同泰寺基之半也。在宋行宮北精銳軍寨內。(梁大通元年。創同泰寺。楊吳順義二年。以同泰寺之半。置爲臺城千福院。宋改賜今額。寺前有醜石四。各高丈餘。俗呼爲三品石。政和中。取歸京師。或謂之闕石。寺前牆外有井。耆老相傳爲陣時脂井。叔寶與張麗華墜而復出之所也。寺基最闊。淳祐七年。創置精銳軍。同泰寺舊基。皆爲寨屋及蔬圃。有井在寨內。蓋精銳軍寨。在都統制司之後。都統制司在宋行宮城之後。法寶寺在精銳軍寨之後。其都統制司地基。及精銳軍寨基。皆梁陳宮掖舊址也。故陽臺基。及臨春結綺望僊三閣故址。與胭脂井皆在寨內。戚氏云。法寶寺老僧。猶能記其祖師之言。謂宋行宮城後門。乃梁陳宮城前門。今法寶寺門牆外。卽梁大通門也。)

(湘宮寺)舊在青溪中橋北。唐以後徙置清化市北。(慶元志。近有人於上元縣治軍營中。掘出斷石。上有湘宮寺三字。以此知舊寺所在。與寶錄注合。東出青溪桃花園。皆今縣東地。

也。寺本宋明帝舊宅。備極壯麗。欲造十級浮閣而不能。乃分爲二。新安太守巢尚之罷郡入見。上謂曰。卿至湘東寺未。此是我大功德。用錢不少。散騎常侍虞愿侍側曰。此皆百姓賣兒鬻婦錢所爲。佛若有知。當慈悲嗟愍。罪高浮圖。何功德之有。上怒。使人曳下殿。愿徐去無異容。齊始安王遙光。以東府城叛。蕭坦之假節救之。屯湘宮寺。

（景德寺）在城內嘉瑞坊。舊崇孝寺也。（楊吳置。宋景德中。改今額。建炎初。其地爲太廟。徙城隍廟於旁。廟側小巷中。有僧舍數間。仍用寺額。）

（證聖寺）在宋行宮後。（南唐保大中。本平和尙居此。寺故里俗。至今呼爲木平寺。寺東有溝。迤邐西北。接運瀆。今湮塞。尙存遺蹟。木平別有傳。）

（寶戒寺）在湘翔寺西。（本迦毗羅寺。南唐改真際寺。宋開三寶年改今額）

（法濟寺）在上元縣治東北。（傳宋紹興二十七年建）

（封崇寺）在斗門橋北。（圖經舊報慈解院近禪靈寺。諸寺之廢興。始末未詳。）

（治平寺）在江寧舊治西南。（尼寺。宋開禧三年建云。）

（大悲寺）在炳靈公廡巷。崇勝寺子院也。（本大悲院。乾道景定二志並作寺。）

（秀峯院）舊在府城北隅。（宋開寶八年廢太平興國五年重建。尋又廢。紹興中。移於鳳臺山。景定五年。節使王鑑重建。今爲尼寺。）

（興嚴寺）舊在竹格渡之北。本謝尙宅也。亦號塔寺。（實錄謝尙以永和四年捨宅造莊嚴寺。宋大明中。路太后於宣陽門外太社西築園造莊嚴寺。改此爲謝鎮西寺。至陳太建元年。寺爲延火所燒。後五年。豫州刺史程文秀更加修復。孝宣帝降敕。改名興嚴寺。宋紹興中。徙今真武廟北。）

（龍光寺）在城北覆舟山下。宋元嘉二年。號青園寺。（高僧傳云。竺道生後遷上都青園寺



寺是惠恭皇后褚氏所立。本種青處。因以爲名。其年雷震青園寺佛殿。龍升於天。光影西壁。因名龍光。宋嘉祐三年佛殿記云。元嘉五年。有黑龍見覆舟山之陽。帝捨梁園建青園寺。西置龍王殿。今沼址見存。至會昌年廢。咸通二年重建。敕賜龍光院額。舊志以爲在龍光門外者非也。今按乾道志、龍光禪院。在城之西。宋元嘉二年。號青園寺。後改額爲龍門禪院。以在龍光門外也。會昌中廢。咸通初。建爲月燈禪院。昇元二年重修。

(定林寺)有二。上定林寺。舊在蔣山應湖井後。宋元嘉十六年。禪僧竺法秀造。在下定林之西。乾道間。僧善鑑請其額於方山。重建下定林寺。在蔣山寶公塔西北。宋元嘉元年置。後廢。宋爲定林庵。王安石舊讀書處。(南史何胤入鍾山定林寺。聽內典。齊東昏侯至定林寺。有沙門。老病不能去。命左右射之。二事但云定林。不知何寺。)

(宋興寺)一名興教寺。在南門外。(慶元志。興教院卽宋興寺故基。在蔣山寶公塔西二里。有誌公洗鉢池。陳軒金陵集。載李建勳遊宋興東岩詩云。幾年不到東岩下。舊住僧亡屋亦無。寒日蕭條何物在。經燒松朽石池枯。乾道內徙長干寺南。亦名宋興。景德志在南門外。劉裕故居者非。按宋興宋熙寺名相近。故或疑一寺。二志所載不同。俟攷。)

(高座寺)一名永寧寺。在城南門外。晉咸康中造。又名甘露寺。嘗有雲光法師講法華經於寺。天花散落。今講經臺遺址猶存。或云。晉朝法師竺道生所居。因號高座寺。(乾道三年劉岑記略云。攷圖。此山得名於晉。永嘉中名甘露寺。尸黎密多羅爲王茂弘所敬。故留竺道生法師。繼號所居爲高座。梁初。寶公主其寺。與五百大士俱有雲光。法師坐山巔說妙法。天花墜焉。今號雨花臺。則故唐盧給事中名襄字贊元者所命也。寺易今名。且百年矣。故藏古今詩列皆廢。可攷者唐李嶽林宋呂侍講王中父三篇而已。高僧傳云。尸黎密多旣卒。塚處立寺。謝靈仍以爲高座寺。陳軒金陵集。載蔣穎叔和王和甫雨中登高座寺詩。注云。寺卽雲光

講經雨花之地。有梁時誌公二印。雲公手植松猶存。郭詳正詩云至今手植松。千丈騰龍虬。  
(殊勝寺)在城南門外。(本宋福興寺南唐後主葬昭禪師於此。因名塔院。)

(吉祥寺)在城南二里餘。(宋治平二年賜額。舊在城隍廟東。後以寺基為太廟。徙置於此。)

(百福院)在城南五里。(梁天監中置。名解脫。南唐以葬證寂禪師。起塔因為寂樂院。後改今名。宋為樞密王綸功德寺。)

(均慶院)在城南門外。舊在金陵坊晉天寶寺。唐開元十年改天保。今廢。(宋開寶八年毀。太平興國五年。就修真觀基重置。紹興初。移其額於雨華臺後。壞於火。因遷於臺之下。今上有古塔一座。即無殿舍屋宇。塔前鐫宋故三藏特賜寶覺圓通法濟禪師道公之塔一十八字。後自宋故三藏法師道公塔銘。)

(佛窟寺)一名崇教寺。在牙頭山。去城三十里。(舊傳牛頭山下有辟支佛窟。宋大明中。移郊壇於山之東峯。執事者導從百餘人。遊西峯石窟。見一僧趺坐。執事者問之。忽無所有。但遺錫杖香爐餅盂而已。梁天監二年。司空徐度造寺。因名佛窟寺。唐大歷九年。代宗因感夢敕修寺之東西峯頂七層浮圖。宋太平興國二年賜今額。)

(法性尼寺)在報恩光孝觀東南。本吳建初寺也。(實錄云。赤烏十年。胡人康僧會入境。置經行所。朝夕禮念。有司以聞。大帝引見。具言佛教滅度已久。惟有舍利可以求。請遂於大內立壇。給口三七日得之。帝崇佛道。以江東初有佛法。遂於壇所立建初寺。在縣南二百步。江東之有佛寺。始於此也。晉改為建寧寺。至唐以來為尼寺。今改法性寺。建炎火。舊額僅存。慶元志云。寺析為三。近歲寺南酒務中陶甕下掘出大石佛像。歸寺東院。遂呼石佛院云。今同寺在性寺後。法性二寺隸正西隅。大石佛在前寺正殿內。按實錄。建初本在吳宮。

中。唐縣南二百步。前志以爲卽此寺。以古迹宜陽門及縣城互考之。亦未有以證其必然。若以保寧爲古建初。則本寺所記耳。

（法雲寺）舊在城外東北十里。圖經云。本齊集善寺。齊世祖時。爲豫章文獻王造。唐初輔公祏亂毀廢。後復置爲義章院。改法雲。建炎兵久廢。後徙置上元縣治西北。（慶元志。王荆公法雲寺詩。路遇潮溝八九盤。招提雪脊隱雲端。又云。法雲但見脊。細路埋桑麻。舊在蔣山寺西門前。有章義橋。）

（正覺寺）凡三。其一禪寺在正西隅。其巷呼正覺寺巷。按乾道志本在城南新亭屋側。宋昇明年。蕭道成頓兵新亭。及沈攸之敗後。乃以軍幕之地。置正覺寺。尙書令王儉爲碑。寺久廢。今寺傳白紹興十二年請新亭額來建。尋廢。而寺基及寺名與巷名皆存。僧興實近以元貞二年復建。隆頤繼之。大德十年。始完其一。乾道志。在城內炳靈公廟西蔬園中。屬今正南隅。

（永福尼寺）乾道志。在廣濟倉東。舊在冶城東南。本晉開福寺後徙此。改景福寺。南唐避諱故額。

（乾明尼寺）乾道志。在城內東南祥鸞坊。南唐大廟基。後主宮中置。歸德永募二尼院。開寶中廢。移二院尼置寺。徙妙果院尼同居。太平興國五年賜額。（妙果寺。古名翠靈。宋昭憲杜太后。改乾明。今名戒壇。）

（淨妙寺）卽齊安寺。南唐昇元中建。政和中。改賜今額。舊臨官路。今移葺高隴面秦淮。在城東門外四里。（王荆公有齊安寺詩云。日淨山如染。風暄草欲薰。梅殘數點擘。麥漲一溪雲。今石刻尙存。又有詩見光宅寺。李璧注。謂寺是武齊帝宇。按實錄齊武帝生建康青溪宅。後稱青溪舊宮。未見改爲寺也。）

（普濟寺）實錄。梁大同元年置。頭陀寺東北。去縣二十二里。舍人石興造。在蔣山頂第一峯殿後。有泉井。與江淮水通。隨潮水增減。非常靈異。累世仍舊。事迹云。後徙置山下。治平中。改賜今額。（舊寺殿後有懸潭井。西有梁昭明太子讀書臺。卽普通元年所置。大愛敬寺基也。慶元志。梁寺後有頭陀巖。可容數十人。陳軒集有唐李頌陪崔大夫遊頭陀巖詩。李浩雪中重到頭陀詩。）

（明慶寺）屬上元縣。今廢。（實錄。梁天監六年置。明慶寺後開。舍人王曇朗造。去縣十八里。寺內有泉水清澈。梁陳以窮。嘗取供御治疾。寺碑太子舍人陳昭之文。事迹曰。在蔣山兩寺後。別有小嶺。碧石青林。幽邃如畫。世人呼爲屏風嶺。有泉俗呼八功德水。昔有高僧隱其處。忽聞絲竹音。俄而泉出。慶元志。寺齊在鍾山南。八功德水之前。陳姚察就明慶寺受菩薩戒。卽此。）

（天王院）在上元縣靖安鎮。去城十七里。（梁普通二年建。初名頭陀寺建隆四年改今額。）

（寶林寺）在城西北二十五里。舊圖云。本同行寺。梁天監中。武帝與誌公同遊此山。見林巒殊勝。命建寺。因名同行。亦名聖遊寺。後改爲秀巖院。事迹。唐會昌中廢。吳太和中復建。後改爲秀峯院。至嘉祐中。改賜今額。（有琪樹在法堂前。梅堯有詩云。影借田潤。香隨璧月流。遠疑元帝植。近想誌公遊。建炎間。樹爲兵所焚。）

（祈禱治平寺）乾道志。在城東二十五里驛路北。宋少寺。景平元年建。梁朝置龍堂。有初法師者。結茅山下。誦法華經。有東海龍女來聽。師曰。此山之水。爲我開一泉可乎。後數日。風雷良久。有清泉湧座下。南唐保大中。以旱祈雨於舊寺基信宿而雨。自後以爲祈禱之所。治平中。改賜今額。）

(清真寺) 乾道志。舊名清玄寺。在城北二十五里。梁大通元年置。後廢唐大中中復置。(慶元志。舊有梁時佛像。建炎兵焚。陳軒集載梁立曦次韻周鍾清真寺詩。有云。遺像梁朝佛。)

(衡陽寺) 在上元縣清風鄉。乾道志。衡陽資福禪院。去城東北四十里。卽古寶城寺基。唐天祐二年。徐溫重建。改今額。(慶元志。寺舊有齊己卒儒二人重開衡陽寺古迹詩刻云。古迹重開一朗興。斷煙尋得寶階層。只應雲鶴知前事。爲問齊梁舊住僧。廢井荒池猶浸月。菴松低柏欲遮燈。淳于道士真高達。拋卻林泉便上昇。保大七年題。)

(本業寺) 在上元縣宣義鄉。乾道志。在城東北四十里。寶錄。梁天監九年置本業寺。西去縣五十里。比丘淨潔造。在蔣山里。

(隱靜院) 在上元縣宣義鄉。乾道志。在城東。近鴈門山。去城四十里。梁天監二年建。初名永建寺。南唐保大中重修。改今額。(寶錄。梁天監二年。李師利造。永建寺北去縣六十里。寺有乾德四年石刻云。唐上卷左街鴈門隱靜院。始建於宋元嘉。廢於唐會昌乾德二載。耆艾詣南唐主請重建焉。)

(延祥院) 在上元縣神泉鄉。乾道志。聖湯院。在城東南六十里湯山下。(唐德宗時。韓滉爲浙西觀察使。混小女有惡疾。浴於湯而愈。乃以妝奩建寺於湯山之右。慶元志。聖湯延祥院。慶元三年。改爲十方禪院。)

(杜桂院) 在上元縣丹陽鄉。乾道志。在城東南六十里。南唐保大六年建。在杜桂村。因爲院額。今名香林寺。又曰香林院。在赤山西。(慶元志。院有吳鍾記云。梁天監中。杜桂二鄉。平章朝政捨所居以爲寺。故從其姓以桂名。)

(上雲居下雲居二院) 上雲居院。在鍾山之右。去城十二里。舊圖經云。本齊勝善寺。建武

二年。南海干蕭子罕造。梁時尼所居。後復爲僧院。下雲居在上雲。右。宋元嘉中置。初爲善居寺。後改今額。

(了緣塔院) 乾道志。在鍾山後。梁普通中置。初爲福靜寺。南唐保大九年。改今額。

(澄心院) 乾道志。在鍾山西去城十里。

(淨隱院) 乾道志。在鍾山寺前。

(梵惠院) 乾道志。在蔣廟前。去城十五里。

(清果院) 乾道志。在鍾山後。去城二十五里。

(小慶院) 乾道志。在北門外烏龍潭北。

(定明院) 乾道志。在覆舟山下。去城五里。

(解空院) 乾道志。在西門外清涼寺側。

(口福院) 乾道志。在城東南十五里土山側。梁建。今亦名淨名院。

(口巖院) 乾道志。在淳化鎮東。去城三十五里。

(漆口院) 乾道志。在城東五十里。

(光相院) 乾道志。在西張村。去城五十五里。

(觀音院) 乾道志。在城東六十里乾干村。梁天監中置。至開寶八年廢。後復建於本院之蔬圃。

(樂林院) 乾道志。在城東南六十里。因齊古寺基。

(方樂院) 乾道志。在城東南六十里神泉鄉。本梁方樂寺基。南唐昇元元年重建。今亦名常樂院。

(玉泉院) 乾道志。在城東北六十里。本古泉院基。吳武義中。徐溫重建。

(多福常樂二院) 乾道志。各在上元縣神泉鄉。去城六十里。

(延福禪院) 乾道志。在城東南六十里。梁普通中。爲靜福院。南唐時。修改今額。

(永福院) 乾道志。在城東六十里青草村。

(安平院) 乾道志。在下橋村去城八十里。

(登臺院) 乾道志。在黎塘村。去城九十里。

(淨土院) 乾道志。在葉墅村。去城九十里。

(保福院) 乾道志。在盡節鄉龍澗村。去城百里。

(慈光院) 乾道志。在章墅村。去城百里。

(妙明院) 乾道志。在道德鄉東湖村。去城九十里。

(崇勝院) 乾道志。在道德鄉塢頭村。去城百里。

(淨嚴院) 乾道志。在紫草村。去城百里。

(無垢院) 乾道志。在禪林村。去城一百二十里。

(陽乾院) 乾道志。在盡節鄉同墟。去府城一百十里。

自上雲居院。而下至陽城院。並屬上元縣。

(崇因寺) 在城南十二里。舊圖經云。本宋曠野寺。齊廢。梁大同中復。唐開元中。改禪居院。吳太和二年。改崇果院。宋改今額。(慶元志。崇因寺陳軒金陵軍劉誼詩云。十里崇因寺。臨江水氣中。寺有觀音畫像。東坡頌李端叔跋曰。吾卜葬亡妻。崇因長老欽公謂余曰。子胡不禱觀音。東坡南遷。嘗禱而應。遂作頌。前人已爲刻石。後人詔所在東坡文皆燬。前人不致達。余問石所在。曰幾碎矣。案之力。得於庫中米廩後。塵土深數寸。稍曳出。加灑洗。而燦然如未嘗毀者。蓋先是刻馬祖龐居士用口口刻。頌像已斷裂。而頌獨全。東坡序云。金陵崇因院長老宗襲。自以衣鉢造觀音像。極相好之妙。余南遷謁而禱焉。曰北歸當復過

此而爲頌。建中靖國元年五月一日。自南海歸至金陵。乃作頌。

（普光寺）在城南門外。（乾道志。宋道爲天王寺。至梁爲昭明太子果園。吳爲徐景通園。南唐保大四年。更置奉先禪院。葬曇禪師起塔。因名寶光塔院。今名普照寺。）

（瑞相院）一名鐵索寺。在城南門外。（乾道志。本晉時尼寺。宋元嘉七年。西域梵尼七人至。建業十一年。尼鐵索羅等三人又至。因號鐵索羅寺。宋齊以來。或爲翠靈寺。或爲妙果寺。開寶八年燬。太平興國二年有僧請其地重興瑞相禪師塔。因改今額。）

（國勝寺）在南門外躍馬澗。去城二餘里（乾道志。舊在橫山北。陳天嘉元年。章后舊宅爲寺。）

（安德院）在兩華臺後。向南百餘步。（乾道志。舊在蔣山後。久廢。紹興四年。郡人請額置。）

（崇福院）乾道志。在城南門外。（宋元嘉十年。因僧楚雲所居。號崇福。至太平興國八年修。）

（明覺寺）乾道志。在菜園務。（詳見光宅寺註語。）

（無相塔院）乾道志。在城南七里。（南唐葬清涼禪師起塔。因名無相塔院。韓熙載爲碑。今存。）

（歸寂塔院）乾道志。在城南七里。齊太始二年建。初號永安寺。南唐保大二年。起塔號歸寂。因名院。）

（福安院）乾道志。在城西南新林市東。去城二十里。俗呼祝英臺寺。

（光宅寺）乾道志。本梁武帝故宅。捨作寺。雲光法師講法華經於寺。每有花如飛雪滿空。講訖。卽升空去。寺今廢。故基在城東南七里。嘗建明覺寺。後徙置黃口塘側。治平二年賜



額。(按王荆公光宅寺詩凡三。其一曰。今知光宅寺。牛首正當門。臺殿金碧毀。口口花竹繁。蕭蕭新犢臥。冉冉暮鴉翻。回首千歲夢。兩華何足言。其一曰。蕭然光宅淮之陰。扶輿獨來坐中林。千秋鐘梵已變響。十里桑竹空成陰。昔人偃堂有妙理。高座翳遶天花深。紅蕖紫萼復滿眼。往事無蹟難追尋。其一曰。齊安孤起宋興前。光宅相仍一水邊。蜂壘蟻爭今不見。故窠遺址尚依然。李壁注曰。光宅寺。梁武帝宅也。其北齊安寺。隔淮齊武帝宅也。宋興又在其北。齊安今爲淨妙寺。前臨官路。後移高隴面淮。又按實錄天監六年。置光宅寺。西去縣十里。武帝捨宅造寺未成。於小莊嚴寺。造玉皇佛像長丈九尺。未移前。淮中估客。夜輒聞大路上數百人修道路。往視不見人。俄而光度光彩輝煥。東都記云。祕書省向著作院。後有梁文帝及名臣沈約范雲周興嗣以下王公數十人銅像。初武帝登極。乃立私宅爲寺。寺內有此像。後長慶中。李千里爲明堂。採木使船載至東都。置於省內。今新亭鄉有此寺。去城二十餘里。牛首山之側。蓋後用古額建爾。)

(延壽院) 乾道志。本幽棲寺。在城南四十里祖堂山南。唐貞觀中。四祖道信禪師傳心印於此。光啓四年廢。吳太和二年重置。改今額。)

(福具院) 乾道志。院本資善院。在城南四十里牛頭山前古常樂寺基。與延壽院相鄰。唐天祐中置。商唐後主改今額。

(看經院) 乾道志。在城南四十里。建隆二年置。地名任店。

(淨果院) 乾道志。在城南五十里吉山南。本梁口寺。泰基兩唐葬淨果大師起塔。因名淨果塔院。(淨居院) 乾道志。在城南五十里。本唐大福寺。會昌中廢。南唐時復置。爲淨住院。治平二年。改今額。(按實錄。梁天監五年置淨居寺北。去縣六十二里。潁州刺史劉威造。蓋即此也。)

(大仁院) 乾道志。在城南七十里。近慈湖界。(唐明宗時有僧結茅於此。講仁王經。南唐給額。爲仁王院。治平二年。改今額。)

(高公臺院) 乾道志。在城南八十里。宋景平元年置。古臺猶存。)

(永慶禪院) 乾道志。在江寧鎮南。去城五十里。

(清修院) 乾道志。在江寧鎮東。去城六十里。治平二年賜額。俗呼青山寺。(按青山之名。當是幽岩。見山川志。)

(旌忠禪院) 乾道志。在城西南五十八里。紹興二十六年賜額。爲秦申王墳寺。今爲天禧寺下院。

(移忠報慈禪院) 乾道志。在牧牛亭路東。去城西南六十八里。紹興十五年。秦申王請爲功德院。寺有秦燔所造鐘鐃云。紹興十五年。歲在乙丑。移忠報慈禪院告成。資政殿學士太中大夫提舉萬壽觀。兼侍讀兼提舉尚書省江寧開國伯。食邑七百戶。食實封一百戶。賜紫金魚袋。奉燔謹造大鐘。真歇禪師清了銘曰。以大圓覺。爲我伽藍。十方剎海。其淨本安。衆生自妄。性昏擾擾。一聞此鐘。亂想俱掃。功流浩劫。圓音廓徹。誰苦誰辛。一時永歇。近年住持僧元達重建寺宇。)

(資聖院) 乾道志。在城西南六十里。梁武帝置。在白都山側。俗呼白都院。

(佛龕院) 亦名慈宿。乾道志。在城西南六十里上公山。梁佛壇寺基。南唐保大十二年重置。治平二年。改慈相院。一說吳亦鳥二年置。廣濟倉佛龕卽此。

(淨相院) 乾道志。在城西南六十里。唐天祐十八年建。南唐後主給額爲泗州塔院。至崇寧中改今額。俗呼後籬寺。

(廣教院) 乾道志。在城西南六十里。治平間賜額。

- (禪居院) 乾道志、在城西南六十五里。(唐天歷二年置。會昌五年廢。至太平興國五年修。)
- (後陽院) 乾道志。在城西南七十里。係萬回道場。開寶八年賜額。在後陽村。因名。
- (隆福院) 乾道志。在城西南七十里。陸塘橋石堰口。治平三年賜額。
- (福興院) 乾道志。在城西南七十五里。天竺山下。按實錄。大同二年。袁平造福興寺。東北去縣百里。詳見山川志內。
- (何城寺) 乾道志。在城西南何湖側。去城八十里。旁有王禪墓。
- (清福寺) 乾道志。在秣陵鎮東。去城五十一里。
- (興善院) 乾道志。在金陵鎮西北張山下。去城五十五里。
- (福安寺) 城東南六十里。齊永元元年賜額。(僧法玠立石可致。)
- (真如院) 乾道志。在城東南六十。治平間賜額。
- (棲隱院) 乾道志。在橫山北金陵鎮東。去府城六十里。
- (慈壽寺) 乾道志。在金陵鎮南。去城六十五里。
- (建昌院) 乾道志。在橫山南潤山村。去城八十里。
- (西陽院) 乾道志。在金陵鎮南。去城七十五里。
- (廣覺院) 乾道志。在橫山北。去城七十里。治平二年賜額。其地名北湯村。俗呼北蕩寺。
- (明性院) 俗呼董音院。乾道志。在城南石塘村。去城八十里。治平二年賜額。
- (隆教院) 乾道志。在城東南八十五里。梁大同二年建。初號金口寺。蓋里名也。楊吳順義二年。改靈鷲院。治平元年改今額。
- (白塔寺) 在江寧縣治東烏衣巷。即葬大唐三藏大遍覺法師玄奘頂骨舍利之塔。詳見天禧寺。

下。

（法干寺）在白塔寺東。東晉末龜茲國沙門鳩摩羅什。以道開於時。隆安三年。遣使往姚秦迎致。奉已尊為二藏國師。留不遣。晉使再三徵請。既至。帝躬出朱雀門迎之。歷試神驗。待之加禮。施地建寺。賜法王之額。請什居焉。遂尊為譯經三藏國師。歷年既久。寺亦燬廢。至順間。天禧主僧演與其屬法嵩德賓。仍其遺址。建寺一新。寺之恆產。不滿百石。歲時所用。悉出大禧。今為天禧寺下院。）

自崇因寺至此。並屬江寧縣。

（崇明寺）乾道志。在句容縣東。晉咸寧元年。居士司徒察捨宅為義和寺。唐會昌中廢。天祐二年重建。太平興國五年改今額。（縣志寺額。義和之寺四字。梁昭明太子書。尚存鐘樓。俗傳般郢所造。為其巧也。今寺分為子院十七。曰文殊院。尹孺文張安國。嘗訪璫無玷於定菴。終日而去。曰經藏禪院。塔院。羅漢院。有塔影曰瑞應院。瑞像院。六王院。彌陀院。四聖院。千佛院。天竺院。妙雲院。妙音院。眼藥院。北觀音院。北釋迦院。中釋迦院。南釋迦院。內經藏係禪寺云。）

（興教院）乾道志。在句容縣東北。（舊經云。晉咸寧中。置為觀音院。南唐時重修。太平興國五年改今額。）

（金華寺）乾道志。在句容縣東南。晉咸康三年。尚書令李邁捨宅。造靈曜尼寺。尋改額。）

（聶行寺）在句容縣西五里聶行山。或云。元在洪水院。）

（圓寂寺）在句容縣南三十五里赤山側。

（龍華寺）在句容縣赤山上。

（奉聖院）舊名永定。在句容縣東四十里。（梁大同三年置。）

(延福院) 舊名延壽。在句容縣東四十里。(晉咸和六年置。)

(人壽寺) 在句容縣東北五十里。(宋昇明二年。邑人顏繼祖捨宅爲寺。今徙置縣北唐巷村。

(延壽院) 在句容縣南五十里。(唐中和二年建。)

(正覺寺) 舊名正覺寺。在句容縣北六十里。(楊吳順誠□□縣志。唐懿宗咸通中建。名正覺。)

(□□院) 在句容縣北六十里。(唐咸通中賜額。)

(□□院) 在句容縣北六十里。(□□院) 舊名寶公院。在句容縣西北六十里。(梁天監中置。卽沙門寶公所居。唐乾符二年賜今額。)

(鍾山寺) 在句容縣西北六十里。(慶元志。寺舊基在蔣山寶公塔口桃花塢側。梁劉訂與族兄歆聽講鍾山寺。因口卜築寺東澗。有終焉之志。又王規復爲散騎常侍太子中庶子步兵校尉。

辭疾不拜。於寺築室居焉。淳熙十一年。僧淨德請鍾山廢額。於縣北東隱鎮建寺。號寶公塔院。寶公生鷹窠中。卽其地也。)

(成山尼寺) 乾道志。在句容縣北六十里。唐景福中建。(慶元志。在下蜀鎮。有照首座塔韓子蒼銘。)

(光宅寺) 在句容縣東十里。

(禪心寺) 在句容縣東三十里。乾道元年請額。

(明慶院) 在句容縣東四十五里。(紹興二十一年。樞密巫伋請功德院賜額。)

(昭聖寺) 在句容縣東四十五里。地名東昌。(乾道七年。請溧水州廢額建。)

(興教院) 舊名永安院。乾道志。在溧水州西三百步臨淮門外。唐天禧元年置。大中祥符四

年改今額。淳熙八年爲禪院。舊經又謂本名永廣。楊吳時縣令孔敦祐。奏爲藝祖武皇崇修。更名興教。今爲禪寺。

（開福禪寺）舊名天興。在溧水州南門外。唐開元二十二年修。會昌五年廢。天祐初重建。至太平興國五年改今額。淳熙十三年請爲禪院。

（菩提寺）舊經。尼院。在溧水州東三百步尋仙門外。唐乾符中置。

（法華寺）舊經。尼寺。在溧水州西一里。（唐天祐中建。）

（崇覺寺）在溧水州東南八里。（鴻鶴禪師在東廬山建道場。後至中山因建寺。唐大中二年立大覺寺額。至太平興國五年改今額。建炎兵燬。餘祇檜一株。）

（馬占寺）在溧水州東二十五里。本六朝古寺基。（開寶五年修。舊記無攷。相傳馬尚書於此讀書。不知何代人。紹興二年重建。）

（興化禪寺）舊名豐安寺。在溧水州北二十七里。唐大中中建。至太平興國五年改今額。淳熙六年。請爲禪院。

（明覺寺）舊名正覺。在溧水州西四十里。唐咸通十年置。大順中改今額。至治平二年賜額。

（廣嚴寺）舊名儀城。在溧水州西北四十五里。唐天復三年置。治平中改今額。縣丞俎大武有記。

（儒童寺）舊 孔子寺。在溧水州南七十五里。大唐景福二年置。南唐昇元三年改今額。（舊傳孔子適楚 經此地。後人因建祠。尋改爲寺。）

（慧照寺）舊名禪林寺。在溧水州南八十里。唐開元二十七年置。太平改額。

（彰教寺）舊名報恩寺。在溧水州西南八十里。唐大中七年置。（報恩寺碑。）

- (淨行寺) 舊名潘城寺。在溧水州西南九十里。唐中和三年置。(寺有碑。唐進士劉驪文。
- (保聖寺) 舊名龍城寺。在溧水州西南百里。唐貞元十七年置。寺之西林。卽舊基也。後祥符中改今額。(龍城保聖二碑並存。淳祐中。胡應發有記。)
- (彌勒寺) 在溧水州南遊山鄉。紹興二十七年。興廢建寺。
- (萬善寺) 在溧水州東南。唐昌鄉乾道二年。鄧步鎮甲府請額。移於東壩鎮建。
- (顯慈寺) 舊名劉莊寺。在溧水州西南百三十里。至太平興國二年復建。大觀元年。改顯仁院。紹興三十年。又改今額。
- (大覺寺) 本大通寺。在溧水州北十五里。梁大通九年置。治平中改今額。
- (新化寺) 在溧水州南儀鳳鄉。乾道三年。移建安興鄉。
- (禪寂寺) 本無想院。在溧水州南十八里。六朝寺基縣志。在州南二十五里。南唐重建。治平中。改今額。寶祐三年。請爲十方禪院。(有南唐韓熙載讀書臺。)
- (興善院) 在溧水州西三十五里。唐大順中置。(古迹金華初平。起石之地牧羊。仙洞見。存有古碑。郡守黃度。取上本府。)
- (新興寺) 在溧水州東門一里。本在豐慶鄉。廢後移居養院地建。
- (華勝寺) 在溧水州南三里。舊廢址在思鶴鄉佛子墩。存石佛二尊。祖師僧如日。於宋乾道五年移請寺額。復興於此。(與陳振孫記略云。嘉定初。余爲吏溧水。南出縣門三里。有寺曰華勝。間送迎賓客至其所。寺據南亭岡。右臨官道爲門。旁出草創。諸弗緝其境。主僧宗應。方聚材於庭。爲興造計。余因叩以建澄本末。應言寺在邑。佛子岡久廢。當紹興十七年。吳興僧如日駐錫此地。得古井焉。澹之以飲行旅。縣民倪實爲卓庵其旁。至乾道五年。

始請於郡。徙寺之故。揭之。日年九十餘死。其徒嗣之者曰志當長老。以屬宗應。由紹興迄今。六十餘年矣。邑無富商大賈。其民力農而蓄施。無深林壽木。作室者常取材他郡。寺又無恆產。丐食足日。斂其餘錄。錄之。綿歲月。迺能集一事。故祖孫三世所就。僅若此云。

(上方寺) 在溧水州西二十里。縣志。蓋古寺也。闕經闕略不載。以為置於唐之開元十二年。而唐昇元間。僧慧海作十王齋記立石。宋大觀二年間。住持僧文應被命。以石上送之

寺。今不復存。故老云。寺基乃孫鍾理瓜之所。感三少年化鶴而去。今其鄉曰思。可證。

(永成寺) 在溧水州西北二十里長壽鄉。本在思鶴鄉廢。紹定四年。請額移建。

(妙異寺) 在溧水州東三十五里白鹿鄉。本在安興鄉雲鶴山廢。寧祐二年。請額移建。

(太寧寺) 在溧水州東北四十里長壽鄉六始中。本唐武祐二年置於溧陽州。後廢。淳熙八年。請額移建。

(般若寺) 在溧水州南四十里儀鳳鄉。本在崇賢鄉。廢。僧義榮於嘉熙三年。請額移建。

(桂陽寺) 在溧水州南七十里安興鄉。本在長壽鄉。廢。寧定中。請額移建。

(龍華寺) 在溧水州南遼山鄉。宋淳熙九年。僧法興經府。請句容縣林泉鄉廢。移建。

(龍華寺) 在溧水州南。與行三日。聚落曰銀林。江湖順流而下者。于是捨舟而車。自斯溯

江而西。則謂津焉。

(正覺寺) 在溧水州西南一百四十里。宋嘉定元年。僧瑤玲經府。請江寧縣新亭止覺寺廢。額移建。

(吳正肅公柔勝記略曰。建康之溧水。有官圩曰永豐。永豐有寺曰正覺。其開山神妙玲。以狀來嗣。余曰。寺故密邇江寧縣之新亭。後燼於兵。遂廢不復建。自政和因三湖為圩。圩之吏民。歲有事於祈禳。則為堂而佛之。繼者不能有加焉。玲竊不揣。思大其成居。蓋泣血辛勤。不懈晝夜數年。然後官予之額為正覺。給之規為甲乙任持。夫釋氏之學。儒者不能知。余嘉玲之心志。決而刻苦。卒能以堂為寺。使推是心以求其陳之道。則道必洪。又使學士大夫能用其心如玲。雖著為體國經野。大為經天緯地。固未有不可能者。今郡縣口官置一



學。然其半具文爾。無塾黨□□□□抑嘗有動心者乎。彼其教化之不□□□□如究所從來。有非一日之積矣。故）（下闕）

州西門內（七闕）唐元和中。零璋寺。□□□□創銅鐘。南唐保大十四年。鑄款識。□□□□

資福禪院。謹募衆信於都。闕銅□□□□臨街石井闌刻云。唐元和六年。□□□□

登觀爲零陵寺。造此不闕。近年□□□□室井上。院有別殿供觀音大士。□□靈異。侍

鄭劉岑爲記。故老云。建炎中。車駕□□尚書郎吳若時。爲頓遞所幹辦官。兼營繕行宮。欲

亟成毀併道之廬以給用。既折門樓廊廡。將及是殿。大士慈相示變。出舍利如汗珠。斧之不

碎。縣宰及吳皆驚異。殿遂獲存。）

（廣教院）在溧陽東門外。唐長慶元年。金吾衛長史倪筠捨宅建。賜額爲資聖院。太平興國

五年。改今額。

（滋潤尼院）在溧陽州東南隅。唐天祐中建。

（崇德禪寺）在溧陽州南十里屏風山。紹興十九年賜額。建爲秦梓功德寺。

（看經院）在溧陽州南十里。南唐昇元元年置。

（報恩禪寺）舊在溧陽州西北五十里。梁天監中置。唐會昌中廢。元祐五年。邑人高先等徒

建東門外一里。宣和間。爲神霄宮。後復例改。丞相李綱書額。

（法興禪寺）唐爲法常寺。在溧陽州北二十里。開寶五年。僧義通徙置雷公山下。在州東北

三十七里。治平二年改今額。

（妙如寺）在溧陽州舉善鎮。宣和七年。僧覺際請唐隆寺廢額改建。

（聖塔院）在溧陽州北四十里。落護山僧伽行化之地。有石佛。鐫云乾符七年造。中廢。天

禧年間再建。

（勝肉寺）在溧陽州西四十五里。晉義熙元年置。唐名唐興。政和五年改今額。（孟郊有溧

陽唐興寺黃蓋徽化同諸公饒陳明府詩。崇熙中。李互刻石。命寺僧創蓋徽軒於西廡。慶元志。  
 ○唐嚴綬禪宗大德通公碑。有貞元十四年宣州溧陽縣唐興寺云。○  
 (淨土禪院) 在溧陽州東南五十里下山側。唐開成二年置。初爲雲泉院。治平二年。賜今額。  
 ○宣和六年。史律爲禪。舊經有祖師示滅塔記。今亡。慶元志。下山寺舊又曰雲泉精舍。  
 唐許堅詩云。地枕吳溪與越峯。前朝思賜雲泉額。  
 (太安院) 在溧陽州西五十里。紹興十三年。僧慶雲移溧水州廢額建。  
 (永成寺) 在溧陽州西五十里。乾道口年。僧了深移溧水州廢額建。  
 (法慧寺) 在溧陽州北六十里。吳口口口捨宅建。梁爲安靜寺。廢後徙此。大中祥符口年賜  
 今額。  
 (智留院) 在溧陽州西南六十里社渚鎮。吳天紀中建。唐垂拱中。名資善。太平興國口年改  
 今額。  
 (明慧院) 在溧陽州南七十里松山。太平興國七年建。治平二年賜額。  
 (三塔大聖院) 東晉爲白龍寺。在溧陽州西七十里。故傳僧伽大聖行化之地。有三塔存焉。  
 (縣志) 昔錢氏奪南唐地作鉉梁堰。爲厭勝口院。因廢。獨存一塔。治平中。僧奉琳建。有  
 寒光亭。  
 (觀音菴) 在城東南隅。宋咸淳八年建。  
 (清福菴) 在城止北隅。宋景定二年僧覺清建。  
 (常照菴) 在城止北隅。大德二年平章呂文煥建。  
 (大夢園通庵) 在城東南隅。至元年間左丞廉希憲建。  
 (大夢觀音菴) 在城西北隅料院街。太宮朝思吉所建。  
 (崇福菴) 在城止南隅胭脂巷。至大己酉年建。  
 (無際崇福菴) 在城止南隅。泰定丙寅年楊遇新建。

(古佛菴) 在城東南隅。貢院街放生池畔。古有中廢。至正元年重建。

(法洵菴) 在城東南隅。人夢菴側。至正元年建。

(寶公菴) 在城正東隅。元貞年間僧劉空創為寶公堂。後民劉氏捨地。命僧法通。重建為菴。

(千子亭觀音菴) 在城正東隅上開街。延祐三年。蔣山寺僧智默募緣建。

(普照庵) 在城正南隅。至大四年僧無壽建。

(月印庵) 在城正南隅。大德五年僧無可建。

(淨十庵) 在城正南隅。僧宗義建。

(華嚴庵) 在城西北隅。泰定元年僧善果建。

(寶公道林庵) 在江寧縣洽南。至大年間。今為傳山寺下院。

(溧水州有(井尉庵)(壽國禪庵)(觀音庵)(亭山庵)。皆歸附後。僧俗所建。

(大通尼寺) 即(大通庵)。宋咸淳元年建。郡守馬光祖立石。庵本在御街南隅。劉觀察虎

子婦秀岩。落髮為尼。移庵額於秦淮南杏花村內。建今寺。

(上國安寺) 古保崇勝寺。又名大悲院。在府城南隅。炳靈公廟街。宋乾道七年。僧法溥重

建。九年改今額。

(均慶尼寺) 在府城東南隅武定橋下馬道街內。宋咸淳年間建。

(正等寺) 在府城東北隅。宋咸淳四年。郡守馬光祖建。

(天干寺) 在府城東北隅。宋咸淳年間。僧玉庵建。舊名天王庵。至泰定初。建康路總管必

失溫沙班。改額為寺。

(彌陀菴) 係宋興元酒庫。及公使庫地基。歸附後。建庵在府城內。

凡寺觀庵院。稱在城某隅。及去城若干里。皆指今府城。即南唐建都所築城也。除古蹟城外。他志內言城做此。

南岡草堂墨餘集

上元秦際唐著

挽聯

挽甘子藩

挑菜莫愁湖。溯同人意氣如雲。回首半歌蒿里曲。拈花極樂國。祇大阮頭顱似雪。傷心爲罷竹林遊。

挽鄭叔龍

帶沉疴強感高堂。九死尙牽裾。淚點怕看衣上線。有血性能擔大任。一官成畫餅。頭銜空寫墓前碑。

挽劉蕙臣母

寒窗燈影。破屋書聲。比古人畫荻相丸。所歷更艱難。纔有餘甘回蔗境。南國棠陰。秋風桂籍。看諸子龍文犀角。同心慰期望。定無遺憾到泉臺。

挽孫竹君

同袍舊誼。論交垂卅餘年。記傾襟海上。賭酒京華。意氣勝如雲。豈期彈指流光。問疾難爲垂淚別。聽鼓卑官。仰給至十數口。想瑣瑣米鹽。匆匆婚嫁。淒涼貧徹骨。剩得一絲殘喘。返眞便是息肩時。

挽顧石公

披肝瀝膽。若乃不愧古人。一去莫回頭。不死更看何世界。感逝傷離。我已久無生趣。九泉期聚首。起衰重話古文辭。

挽葉子壽同年

鄉舉過三十年。冷宦尙艱難。痛我輩讀書成底事。家累凡七八口。臨危勤囑咐。有佳兒繼

武可無憂。

挽大女

頻年頗似衰翁。猶幸爾解承歡。每歸寧。輒一破胸中抑鬱。地下若逢汝母。爲道我無生趣。相期泉路。訴許多別後思量。

挽二女

憂貧憂病憂家事。爲我計煞費苦心。一痛失因依。晚景何堪生意盡。能敬能戒能無違。於婦職頗知竭力。廿年積勞瘁。好人畢竟吃虧多。

挽張伯魯母

年來喪妻喪女。生意已婆娑。方擬身後事。賴吾妹仔肩。豈期一病長辭。環顧自傷。他日遺孤誰籍手。膝前佳婦佳兒。承歡能孝養。難得苦節人。享天倫至樂。無奈積勞已久。精神漸耗。寒儒家計總傷心。

挽何善伯

頻年增老態。方以後事屬君。豈期四千里力疾長往。槍賓席未溫。啼血竟隨鵲化去。公論惜斯人。何況傷心如我。回憶五十載交情猶昨。痛語孤誰怙。招魂空望鶴歸來。

挽何敬甫妻

提甕習勤勞。能助良人色養。蓋棺痛倉卒。試聽慈姑哭聲。

挽側室

成風不生貴子。畢竟無名。奢願恐難償。望豚犬從今努力。胡雲獲侍長公。可云有福。早歸允得所。掃螻蟻爲我前驅。

挽戴公

設險能守。遇敵能戰。臨難能死。大節炳千秋。是近日諸淮軍有數人物。師徒太寡。事權太雜。援救太遲。此身拚一擲。願來生爲大帥再造河山。

挽姚霽春

才調頗驚人。辛苦半生。逆境太多謀輒左。文章難造命。淒涼一瞬。高堂已薨子猶孩。

自挽一

垂老竟無成。有用精神耗文字。他生倘圖報。窮途推挽感知交。

挽秦承之

晚境最逍遙。買青山圖畫新開。春水蘆芽鷓夢熟。吾宗久零落。嘆白首弟兄有幾。秋風木葉雁行孤。

挽章銘甫

海濱舊雨。無幾故人。難忘公瑾醇醪。拍手笑聽雛鳳曲。天末涼風。正懷老友。豈意山陽鄰笛。斷腸淒恣旅鴻聲。

挽陳幼遠

少年文字。曾荷深知。自傷老物不才。伏櫪已消千里志。良夜推敲。幸陪末座。轉瞬元宵令節。張燈誰賞數聯詩。

挽薛桑根師女

相夫子爲一路福星。頻年水利宜勤。露冕活遺黎。忽訝霜華絲點白。溯母家本河東望族。時昔師門侍坐。練裳有淑女。早傳風範管書彤。

挽何善伯母夫人

以勤儉持家。天酬晚福。溯五載沉疴未起。抑搔左右。子孝孫賢。至行萃門庭。撒手定無遺

憾在。自慈親見背。誰念孤兒。幸廿年辟難相依。問暖噓寒。解衣推食。餘生俾成立。捫心常覺負恩多。

挽劉臺臣配何孺人

事大母備極勤勞。迨繡閣于歸。三黨同聲傳淑行。與吾女情猶姊妹。料重泉相見。兩家近狀話酸辛。

挽孫子和配何孺人

生前頗著賢名。茹苦不言勞。盡典釵鈿無吝色。身後僅餘弱息。臨危猶索乳。忍聽襁褓起啼聲。

詩法撮要

江寧陳熙春輯

昔沈約論作律詩。有四聲八病。四聲如天子聖哲。夫人而知之矣。所謂八病。乃專指音韻而言。作詩至研求音韻。其事在推敲句調之後。爲精益求精。登峯造極之詣。然始基不可不立也。作詩始基。譬諸作室。必先詳定界址。(審題之法)酌明間架。(布局之法)積灰磚。運本石。(徵才選韻之法)將柱礎鵝根。一一築固。然後漸次施工。(琢句鍊字設色諧聲設法)以成上棟下宇之規。備致鳥革翬飛之美。若始基不同。縱憑空結構。八面玲瓏。極之傑閣凌霄。層樓插漢。終恐風雷震撼。日炙雨淋。搖動不安。傾頽必易。此獨標神韻。不求脚躡實地。竹垞老人所由致詰於阮亭也。要知試帖之詩。與古近體雖異。法律則同。與文法亦大略相同。學者自入塾開講。便執筆效作韻語。舉凡審題布局。徵材選韻。諸法講究有素。本無待於贅言。願欲研求音韻。不得不先言句調。欲推敲句調。不得不先言根基。今將入手各法。分別開列於右。理淺近而語簡明。爲初學計。識者諒之。

八法

一曰審題 題爲何人詩句。因何事。在何地何時所作。爲言情。爲賦景。或情中有景。或景中有情。一一審清來歷。則胸中自有主張。又單就言情而論。凡忠孝節義。無非真情所發。或意主頌揚。或意主規勸。或爲詠懷。總離不得一箇情字。至於憤時嫉俗。感歎憂傷之句。場中向不命題。故一切沉悶背晦字面。斷不可犯其筆端。此層審清。則比事屬詞。益有把握。尤須細審題格。或單扇。或雙扇。或前單後雙。或前雙後單。或上輕下重。或上重下輕。或爲兩截。或爲雙關。或隱託喻言。或巧妙拆字。門類雖多。卽茲可概。若夫題出經史子集。並宜查明出處。精審乎此。而布局之基已立矣。

一曰布局 試帖八韻。猶時文之八股。其中淺深次第。離合照應諸法皆備。位置停勻。則



氣機緊湊。骨節靈通。否則凌雜繁複。漫無紀律。何以爲詩。凡作詩者。類以前四句破題。能將題字一一拆開。點次清妥。已自可觀。然欲求得机得勢。則止起不如反振。順敘不如逆翻。又有凌空起步。借賓定主諸法。均爲力求出色之筆。第三韻爲頸聯。如人身之有咽喉。通氣進食。全由於此。此處隔塞。則通體不靈。蓋此處尙係前路。猶時文之提比。宜於力爭上游。渾括大意。籠罩全題。留得下文發揮地步。或勘定題目。當從何處下手。便先爲安放調妥。使下聯能受發揮。否則凌躐無次。下聯無轉身地矣。四五兩聯。如人身之胸腹。時文之中股。務須靠實詮發。精神洋溢。方爲切中要害。或因三四聯。語意精實。則第五聯可用開合之筆。使機神動盪。血脈流通。尤爲得訣。第六七聯。猶時文之後比束比。或寄餘意。或用陪襯。總以不形竭蹶爲妙。末聯收結。例用頌揚。然亦必須與題比附。不可失之浮泛。亦復不宜多拾。以防錯誤。又如雙扇題。須按定先後抒寄。不可隨意取便。致失紀律。

一曰徵材。部署既定。而不能操空卷憑枵腹以從事也。則徵材尙焉。平時多看多記。蘊蓄宏深。則隨筆運用。白爾取之不竭。若臨時翻閱。亦須多多益善。方能左右逢原。蓋律詩體裁。以刻劃題面爲主。胸無積卷。則捉襟肘見。納履踵決。豈不日寒乞相。雖然。偶使典故。亦非填砌之謂也。妙於剪裁。則簇簇生新。活剝生吞。則腐瑣厭。又有羌無故實之題。而說來花團錦簇。鮮豔奪目者。則熟於烘雲托月之法也。尤非廣爲搜羅善於驅遣不爲功。安得以遺貌取神。而自詡爲白描高手哉。或謂多錢善賈。長袖善舞。吾知之矣。然往往有徵材極博。而爲韻所窘。不能如意指揮。可奈何。則又有選韻之法在。

一曰選韻。題中官限之字。無論落在何韻。總須將本韻細閱一過。取其與題義相比附者。多揀幾箇。貯在心頭。使與胸中所有典故。兩相融會。則十箇字自然如生鉄鑄成。不顯斧

鑿痕迹。萬不可有了上句。再找下句。有了上九字。再找一末字。押脚若遇窄韻，而又與題不甚比附。則常用引韻之法。引韻者。從遠處引而近之也。作者遇此等窄韻，則胸中本有典故。均不足恃。須要從韻脚生意。方能覓貼出色。然亦有因難見巧者。是在功夫純熟耳。至於韻中一切板重沉晦生硬。及不與會之字。俱不宜押。亦不宜連押實字。連押虛字。以期變換生新。知此。而推敲句調之法。可與言矣。

一曰琢句。試帖之詩。雖篇止六韻八韻。句止五字。而句法調法。錯綜變化。不可端倪。悉心錘鍊。則渾脫圓融。句成而調即隨之。切不可輕易下筆。一落紙上。則迹象已滯。難於更改。務宜成誦在心。涵泳在口。覺有未當。再事推敲。庶幾變動不拘。有神無迹。其最易犯之病。一為碰頭。如上聯頭兩字用一虛一實。（麗日祥雲之類）或一實一虛。（月白風清之類）或用雙實（露珠月鏡及風霜雨露類）雙虛（空濛寥廓及可有能，類）字面。而下聯又連接用此類字面。是猶二人碰頭也。（上皆借天文字樣起例餘可類推）一為蹠足。如下聯末二字。與上聯末二字相類。（單雙虛實之類）是後人蹠前人之足也。一為折腰。如下聯末二字。與上聯末二字相類。（單雙虛實之類）是後人蹠前人之足也。一為折腰。詩句中。一字用虛活字面掉轉。取其搖擺靈動。若下聯接連用此等句法。則腰輭弱欲析矣。一為裂腹。詩句中。用堅實字而撐持。取其挺拔有力。若下聯接連用此等句法。則腹脹滿欲裂矣。一為踏虛。如上聯遺貌取神。用白描筆法。最爲詩中超脫之語。但下聯不可再用此法。再用則全係空中樓閣。毫不著實。是踏虛也。一為砌實。詩中運用典故。以不粘不脫爲佳。偶爾填用實典。本無傷於大雅。但接連堆垛。全不見剪裁組織之巧。則板重可厭。就砌實也。凡此諸病。皆屬句調之累。犯之則節奏不諧。無以盡反復抑揚之致。昔人評詩有曰。端莊雜流利。剛健含婀娜。最能形容出句調妙處。是故善於吟咏者。通篇從不作一複調。

一曰鍊字 鍊字本與琢句一事。茲特分別言之。蓋字法有虛有實。有動有靜。有輕有重。有剛有柔。務須稱量而出。大凡詩句中下 要圓相。不可有滯相。要活相。不可有呆相。嘗有眼前典故。與題似不相涉。而因一字下得靈敏。便覺十分精切。不可階者。則字法之妙於牽合也。有詞義稍近沈晦。而因一字下得快利。便覺無限精神。躍露紙上者。則字法之妙於醒剔也。有一句似屬兩概。而因一字下得融洽。便覺神氣貫注。妙造天成者。則字法之妙於聯絡也。又有上句已經推開。而下句陡然拍合。上聯已經盪遠。而下聯瞥然折回者。則字法之妙於掉轉也。總而言之。一字支離。雖佳句亦爲減色。一字驚醒。卽常語亦能驚人。至於斟酌對句。則字法尤須稱量虛實動靜輕重剛柔。以期銖兩悉稱。方無餘憾之留。

一曰著色 著色之法。亦琢句中事。茲並爲拈出。丹青家精心皴染。而不掩其韻致。詩家何獨不然。况應試之詩。尤忌枯寂。務以五色成文。鮮妍奪目爲佳。然過於闊淡。固不足觀。過於豔冶。亦嫌太膩。惟淺深相間。濃淡相兼。鮮明而不失之蕩。莊雅而不流於俗。斯爲秀色可餐。初學作詩。於著色之病。有當切戒者二。一爲喬粧。(爲喬而野也。)粉飾爲工。鄰於重濁。譬諸鄉村婦女。本乏丰韻。又不善於修飾。花花草草。滿頭亂插。紅綠綠。渾身儘穿。在彼以爲盡態極妍。見之者欲嘔欲吐。是喬粧也。一爲重染。如干支卦爻顏色數目鳥獸魚虫各字面。煊染家自不容廢。但上聯已用過此類字面。則下聯卽當改換。以免繁複。若用過又用。如塗塗附。是重染也。此皆初學易犯之病。允宜懸爲厲禁。若夫光怪陸離。煊爛五色。乃三代鼎彝法物。非試帖所有。亦非試帖所宜。不敢過爲高論。

一曰和聲 沈約所論八病。專指音韻而言。故八法以和聲終焉。魏慶之詩人玉屑云。休文所論詩有八病。一爲平頭。謂第一第二字不得與第六第七字同聲。如今日良宴會。謹樂

莫具陳。今謹皆平聲。日樂皆入聲是也。二爲上尾。謂第五字不得與第十字同聲。如青青河畔草。鬱鬱園中柳。草柳皆上聲是也。三爲蜂腰。謂第二字不得與第五字同聲。如聞君愛我甘。竊欲自修飾。君甘皆平聲。欲飾皆入聲是也。四爲鶴膝。謂第五字不得與第十五字同聲。如客從遠方來。遣我一書札。上言長相思。下言久離別。來思皆平聲是也。五爲大韻。謂如聲鳴爲韻。上九字不得用驚傾平榮等字是也。六爲小韻。謂除大韻一字外。九字中不得有兩字同韻。如遙條之類是也。七爲旁紐。八爲正紐。謂十字內。兩字疊韻爲正紐。若不共一紐。而有雙聲爲旁紐。如流久爲正紐。流柳爲旁紐是也。按梁書沈約。字休文。撰四聲譜。高祖問周捨曰。何謂四聲。捨曰。天子聖哲是也。又南史陸厥傳。時盛爲文章。沈約謝朓王融。以氣類相推轂。汝南周彥倫善識聲韻。然等文皆用宮商。將平上去入四聲。制爲韻譜。有平頭上尾諸病。五字之中。音韻悉異。角徵不同。世呼爲永明體。此條錄困學紀聞註。此李百藥所謂上陳應劉。下述沈謝。剛柔清濁。音若瓊篔也。詩詣至是茂矣。美矣。蔑以加矣。雖然。千金之產。積始鎔銖。百尺之臺。築從分寸。學者不順循其法。厚立其基。而遽期神動天隨。自然入妙。則吾未之前聞。

每册實收紙工本國幣

元

刷工廠承印